



PRICES

THE LIBRARY

OF THE

University of Toronto,

FROM

THOMAS HODGINS, M.A.

1890.

ind.

d.

0

0

0

6

4

0

6

6

0

6

0

0

6

						Paper.		Bound.	
						s.	d.	s.	d.
Livius.	2 vols.	...	...	...	...	5	0	6	0
Lucanus	...	...	...	...	...	2	0	2	6
Lucretius	...	...	...	...	...	2	6	3	0
Phædrus	...	...	...	...	...	1	0	1	4
Sallustius	...	...	...	...	...	1	6	2	0
Sophocles	...	...	...	...	...	2	6	3	0
Tacitus.	2 vols.	...	...	...	...	4	0	5	0
Thucydides.	2 vols.	...	...	...	...	4	0	5	0
Virgilius	...	...	...	...	...	2	0	2	6
Xenophontis Memorabilia		...	...	...	...	1	0	1	4

---

*Fifth Edition.* 16mo. 6d.

# THE LAWS OF THE GREEK ACCENTS.

By the Rev. JOHN GRIFFITHS.

Uniform with the Oxford Pocket Classics.

---

JOHN HENRY PARKER, OXFORD AND LONDON.



LL  
J974He

JUVENALIS ET PERSII

SATYRÆ,

JUXTA EDITIONEM HEINRICH.

---

OXONI,

JOHANNES HENRICUS PARKER :

ET LONDINI, 377, STRAND.

M DCCC LIV.

2015

19/11/15

## MONITUM LECTORIS.

IN hac editione textum Heinrichii secuti sumus, varias lectiones perpaucae adjecimus, vitam Juvenalis et Persii præposuimus, indicemque Nominum propriorum adjecimus.





D. JUNII JUVENALIS

S A T I R Æ.



D. JUNII JUVENALIS  
S A T I R A R U M

LIBER PRIMUS.

SATIRA I.

SEMPER ego auditor tantum? nunquamne reponam,  
Vexatus toties rauci Theseide Codri?

Impune ergo mihi cantaverit ille togatas,  
Illic elegos? impune diem consumserit ingens  
Telephus, aut summi plena jam margine libri  
Scriptus et in tergo, nec dum finitus, Orestes?

Nota magis nulli domus est sua, quam mihi lucus  
Martis et Æoliis vicinum rupibus antrum

Vulcani. Quid agant venti, quas torqueat umbras

Æacus, unde alius furtivæ devehat aurum

Pelliculæ, quantas jaculetur Monychus ornos,

Frontonis platani convulsaque marmora clamant

Semper, et assiduo ruptæ lectore columnæ.

Exspectes eadem a summo minimoque poeta.

Et nos ergo manum ferulæ subduximus, et nos

Consilium dedimus Sullæ, privatus ut altum

Dormiret. Stulta est elementia, quum tot ubique

Vatibus occurras, perituræ parcere chartæ.

Cur tamen hoc potius libeat decurrere campo,

Per quem magnus equos Auruncæ flexit alumnus,

Si vacat et placidi rationem admittitis, edam.

10

20

Quum tener uxorem ducat spado, Mævia Tuscum  
 Figat aprum et nuda teneat venabula mamma ;  
 Patricios omnes opibus quum provocet unus,  
 Quo tondente gravis juveni mihi barba sonabat ;  
 Quum pars Niliacæ plebis, quum verna Canopi  
 Crispinus, Tyrias humero revocante lacernas,  
 Ventilet æstivum digitis sudantibus aurum,  
 Nec sufferre queat majoris pondera gemmæ :  
 Difficile est satiram non scribere. Nam quis iniquæ 30  
 Tam patiens urbis, tam ferreus, ut teneat se,  
 Causidici nova quum veniat lectica Mathonis,  
 Plena ipso ; post hunc magni delator amici,  
 Et cito rapturus de nobilitate comesa  
 Quod superest ; quem Massa timet, quem munere palpat  
 Carus, et a trepido Thymeles submissa Latino ;  
 Quum te submoveant qui testamenta merentur  
 Noctibus, in cœlum quos evehit optima summi  
 Nunc via processus, vetulæ vesica beatæ ?  
 Unciolam Proculeius habet, sed Gillo deuncem, 40  
 Partes quisque suas ad mensuram inguinis heres.  
 Accipiat sane mercedem sanguinis et sic  
 Palleat, ut nudis pressit qui calcibus anguem,  
 Aut Lugdunensem rhetor dicturus ad aram !  
 Quid referam, quanta siccum jecur ardeat ira,  
 Quum populum gregibus comitum premat hic spoliator  
 Pupilli prostantis ? Et hic damnatus inani  
 Judicio (quid enim salvus infamia nummis ?)  
 Exsul ab octava Marius bibit et fruitur Dis  
 Iratis : at tu victrix provincia ploras ! 50  
 Hæc ego non credam Venusina digna lucerna ?  
 Hæc ego non agitem ? Sed quid magis Heracleas  
 Aut Diomedæas aut mugitum Labyrinthi,  
 Et mare percussum puero fabrumque volantem,  
 Quum leno accipiat mœchi bona, si capiendi  
 Jus nullum uxori, doctus spectare lacunar,  
 Doctus et ad calicem vigilanti stertere naso ;

Quum fas esse putet curam spectare<sup>1</sup> cohortis,  
 Qui bona donavit præsepibus et caret omni  
 Majorum censu, dum pervolat axe citato 60  
 Flaminiam puer: Automedon nam lora tenebat,  
 Ipse lacernatæ quum se jactaret amicæ.  
 Nonne libet medio ceras implere capaces  
 Quadrivio: quum jam sexta cervice feratur  
 Hinc atque inde patens ac nuda pæne cathedra,  
 Et multum referens de Mæcenate supino  
 Signator falso, qui se lautum atque beatum  
 Exiguis tabulis et gemma fecerat uda;  
 Occurrit matrona potens, quæ molle Calenum  
 Porrectura viro miscet sitiente rubetam, 70  
 Instituitque rudes melior Locusta propinquas  
 Per famam et populum nigros efferre maritos?

Aude aliquid brevibus Gyaris et carcere dignum,  
 Si vis esse aliquis! Probitas laudatur et alget.  
 Criminibus debent hortos, prætoria, mensas,  
 Argentum vetus et stantem extra pocula caprum.  
 Quem patitur dormire nurus corruptor avaræ,  
 Quem sponsæ turpes et prætextatus adulter?  
 Si natura negat, facit indignatio versum,  
 Qualemcumque potest, quales ego vel Cluvienus. 80

Ex quo Deucalion, nimbis tollentibus æquor,  
 Navigio montem ascendit sortesque poposcit,  
 Paulatimque anima caluerunt mollia saxa,  
 Et maribus nudas ostendit Pyrrha puellas,  
 Quidquid agunt homines, votum, timor, ira, voluptas,  
 Gaudia, discursus, nostri est farrago libelli.  
 Et quando uberior vitiorum copia? quando  
 Major avaritiæ patuit sinus? alca quando  
 Hos animos? Neque enim oculis comitantibus itur  
 Ad casum tabulæ, posita sed luditur arca. 90  
 Proelia quanta illic dispensatore videbis  
 Armigero? Simplexne furor sestertia centum

\* sperare cohortis

Perdere et horrenti tunicam non reddere servo ?

Quis totidem erexit villas, quis fercula septem  
Secreto cœnavit avus ? Nunc sportula primo  
Limine parva sedet, turbæ rapienda togatæ.

Ille tamen faciem prius inspicit et trepidat, ne  
Suppositus venias ac falso nomine poscas.

Agnitus accipies ; jubet a præcone vocari

Ipsos Trojugenas ; nam vexant limen et ipsi 100

Nobiscum. “ Da prætori, da deinde tribuno.

Sed libertinus prior est.” “ Prior,” inquit, “ ego adsum :

Cur timeam, dubitemve locum defendere, quamvis

Natus ad Euphraten, molles quod in aure fenestræ

Arguerint, licet ipse negem ? sed quinque tabernæ

Quadringenta parant. Quid confert purpura major

Optandum, si Laurenti custodit in agro

Conductas Corvinus oves ? ego possideo plus

Pallante et Licinis.” Exspectent ergo tribuni ;

Vincant divitiæ, sacro nec cedat honori, 110

Nuper in hanc urbem pedibus qui venerat albis :

Quandoquidem inter nos sanctissima divitiarum

Majestas : etsi, funesta Pecunia, templo

Nondum habitas, nullas nummorum ereximus aras,

Ut colitur Pax atque Fides, Victoria, Virtus,

Quæque salutato crepitat Concordia nido.

Sed quum summus honor finito computet anno,

Sportula quid referat, quantum rationibus addat :

Quid facient comites, quibus hinc toga, calceus hinc est

Et panis fumusque domi ? Densissima centum 120

Quadrantes lectica petit, sequiturque maritum

Languida vel prægnans et circumducitur uxor.

Hic petit absenti, nota jam callidus arte,

Ostendens vacuum et clausam pro conjuge sellam.

“ Galla mea est,” inquit. “ Citius dimitte : moraris.

Profer, Galla, caput.” “ Noli vexare, quiescit.”

Ipse dies pulchro distinguitur ordine rerum :

Sportula, deinde forum, jurisque petitus Apollo

Atque triumphales, inter quas ausus habere  
 Nescio quis titulos Ægyptius atque Arabarches, 130  
 Cujus ad effigiem non tantum meiere fas est.  
 Vestibulis abeunt veteres lassique clientes,  
 Votaque deponunt: quanquam longissima cœnæ  
 Spes homini: caulis miseris atque ignis emendus.  
 Optima silvarum interea pelagique vorabit  
 Rex horum, vacuisque toris tantum ipse jacebit.  
 Nam de tot pulchris et latis orbibus et tam  
 Antiquis uua comedunt patrimonia mensa.  
 Nullus jam parasitus erit: sed quis feret istas  
 Luxuriæ sordes? Quanta est gula, quæ sibi totos 140  
 Ponit apros, animal propter convivium natum!  
 Pœna tamen præsens, quum tu deponis amictus  
 Turgidus et crudum pavonem in balnea portas.  
 Hinc subitæ mortes atque intestata senectus.  
 It nova, nec tristes, per cunctas fabula cœnas,  
 Ducitur iratis plaudendum funus amicis.

Nil erit ulterius, quod nostris moribus addat  
 Posteritas; eadem cupient facientque minores;  
 Omne in præcipiti vitium stetit. Utere velis,  
 Totos pande sinus. Dicis hic forsitan, "Unde 150  
 Ingenium par materiæ? unde illa priorum  
 Scribendi, quodcumque animo flagrante liberet,  
 Simplicitas, cujus non audeo dicere nomen?  
 Quid refert dictis ignoscat Mucius, an non?  
 Pone Tigellinum: tæda lucebis in illa,  
 Qua stantes ardent, qui fixo gutture fumant,  
 Et latum media sulcum deducis<sup>b</sup> arena."  
 Qui dedit ergo tribus patruis aconita, vehatur  
 Pensilibus plumis, atque illinc despiciat nos?  
 "Quum veniet contra, digito compesce labellum: 160  
 Accusator erit, qui verbum dixerit, Hic est.  
 Securus licet Æneam Rutulumque ferocem  
 Committas; nulli gravis est percussus Achilles,

<sup>b</sup> diduct. qui ducit

Aut multum quæsitus Hylas urnamque sequutus.  
Ense velut stricto quoties Lucilius ardens  
Infremuit, rubet auditor, cui frigida mens est  
Criminibus ; tacita sudant præcordia culpa.  
Inde iræ et lacrimæ. Tecum prius ergo voluta  
Hæc animo ante tubas : galeatum sero duelli  
Pœnitet.”—Experiar, quid concedatur in illos,  
Quorum Flaminia tegitur cinis atque Latina.



## SATIRA II.

ULTRA Sauromatas fugere hinc libet et glaciale  
 Oceanum, quoties aliquid de moribus audent  
 Qui Curios simulant et Bacchanalia vivunt.  
 Indocti primum : quanquam plena omnia gypso  
 Chrysippi invenies. Nam perfectissimus horum est,  
 Si quis Aristotelem similem vel Pittacon emit,  
 Et jubet archetypos pluteum servare Cleanthas.  
 Frontis nulla fides. Quis enim non vicus abundat  
 Tristibus obscenis ? Castigas turpia, quum sis  
 Inter Socraticos notissima fossa cinædos ! 10  
 Hispida membra quidem et duræ per brachia setæ  
 Promittunt atrocem animum : sed podice levi  
 Cæduntur tumidæ, medico ridente, mariscæ.  
 Rarus sermo illis et magna libido tacendi,  
 Atque supercilio brevior coma. Verius ergo  
 Et magis ingenue Peribomius : hunc ego fatis  
 Imputo, qui vultu morbum incessuque fatetur :  
 Horum simplicitas miserabilis ; his furor ipse  
 Dat veniam. Sed peiores, qui talia verbis  
 Herculis invadunt et, de virtute locuti, 20  
 Clunem agitant. “ Ego te ceventem, Sexte, verebor ? ”  
 Infamis Varillus ait : “ quo deterior te ?  
 Loripedem rectus derideat, Æthiopem albus.  
 Quis tulerit Gracchos de seditione querentes ?  
 Quis cælum terris non misceat et mare cœlo,  
 Si fur displiceat Verri, homicida Miloni,  
 Clodius accuset mœchos, Catilina Cethegum ?  
 In tabulam Sullæ si dicant discipuli tres ?  
 Qualis erat nuper tragico pollutus adulter  
 Concubitu : qui tunc leges revocabat amaras 30

Omnibus atque ipsis Veneri Martique timendas,  
 Quum tot abortivis fecundam Julia vulvam  
 Solveret, et patruo similes effunderet offas.  
 Nonne igitur jure ac merito vitia ultima fictos  
 Contemnunt Scauros et castigata remordent ?

Non tulit ex illis torvum Laronia quendam  
 Clamantem toties : " Ubi nunc lex Julia ? dormis ? "

Ad quem subridens : " Felicia tempora, quæ te  
 Moribus opponunt ! Habeat jam Roma pudorem :  
 Tertius e cœlo cecidit Cato. Sed tamen unde  
 Hæc emis, hirsuto spirant opobalsama collo  
 Quæ tibi ? Ne pudeat dominum monstrare tabernæ.

Quod si vexantur leges ac jura, citari  
 Ante omnes debet Scantinia<sup>a</sup>. Respice primum  
 Et scrutare viros ; faciunt hi plura : sed illos  
 Defendit numerus junctæque umbone phalanges.  
 Magna inter molles concordia. Non erit ullum  
 Exemplum in nostro tam detestabile sexu.

Tedia non lambit Cluviam, nec Flora Catullam :  
 Hispo subit juvenes et morbo pallet utroque.  
 Numquid nos agimus causas ? civilia jura  
 Novimus ? aut ullo strepitu fora vestra movemus ?

Luctantur paucæ, comedunt coliphia paucæ :  
 Vos lanam tralitis, calathisque peracta refertis  
 Vellera : vos tenui pragnantem stamine fusum  
 Penelope melius, levius torquetis Arachne,  
 Horrida quale facit residens in codice pellex.  
 Notum est, cur solo tabulas impleverit Hister  
 Liberto, dederit vivus cur multa puellæ.

Dives erit, magno quæ dormit tertia lecto.  
 Tu nube atque tace : donant arcana cylindros.  
 De nobis post hæc tristis sententia fertur.  
 Dat veniam corvis, vexat censura columbas."—

Fugerunt trepidi vera ac manifesta canentem  
 Stoicidæ. Quid enim falsi Laronia ? Sed quid

<sup>a</sup> Scantinia

Non facient alii, quum tu multicia sumas,  
 Cretice, et hanc vestem populo mirante perores  
 In Proculas et Pollitas? Est mœcha Fabulla;  
 Damnetur, si vis, etiam Carinia: talem  
 Non sumet damnata togam. "Sed Julius ardet,  
 Æstuo." Nudus agas! minus est infamia turpis.  
 En habitum, quo te leges ac jura ferentem  
 Vulneribus crudis populus modo victor, et illud  
 Montanum positus audiret vulgus aratris!  
 Quid non proclames, in corpore judicis ista  
 Si videas? Quæro, an deceant multicia testem?  
 Acer et indomitus libertatisque magister,  
 Cretice, perluces! Dedit hanc contagio labem,  
 Et dabit in plures: sicut grex totus in agris  
 Unius scabie cadit et porrigine porci,  
 Uvaeque contacta livorem ducit ab uva.

70

80

Fœdius hoc aliquid quandoque audebis amictu.  
 Nemo repente venit turpissimus: accipient te  
 Paulatim, qui longa domi redimicula sumunt  
 Frontibus et toto posuere monilia collo,  
 Atque Bonam teneræ placant abdomine porcæ  
 Et magno cratere Deam; sed more sinistro  
 Exagitata procul non intrat femina limen:  
 Solis ara Deæ maribus patet. "Ite profane!"  
 Clamatur: nullo gemit hic tibicina cornu.  
 Talia secreta coluerunt orgia tæda  
 Cæropiam soliti Baptæ lassare Cotytto.  
 Ille supercilium madida fuligine tactum  
 Obliqua producit acu pingitque tremantes  
 Attollens oculos: vitreo bibit ille Priapo,  
 Reticulumque comis auratum ingentibus implet,  
 Cærulea indutus scutulata aut galbina rasa,  
 Et per Junonem domini jurante ministro.  
 Ille tenet speculum, pathici gestamen Othonis,  
 Actoris Aurunci spoliū, quo se ille videbat  
 Armatum, quum jam tolli vexilla juberet.

90

100

Res memoranda novis annalibus atque recenti  
 Historia, speculum civilis sarcina belli.  
 Nimirum summi ducis est occidere Galbam  
 Et curare cutem : summi constantia civis  
 Bebriaci in campo<sup>b</sup> spoliū affectare Palati  
 Et pressum in faciem digitis extendere panem :  
 Quod nec in Assyrio pharetrata Semiramis orbe,  
 Moesta nec Actiaca fecit Cleopatra carina.  
 Hic nullus verbis pudor aut reverentia mensæ ; 110  
 Hic turpis Cybeles et fracta voce loquendi  
 Libertas et crine senex fanaticus albo  
 Sacrorum antistes, rarum ac memorabile magni  
 Gutturis exemplum conducendusque magister.  
 Quid tamen expectant. Phrygio quos tempus erat jam  
 More supervacuam cultris abrumperē carnem ?  
 Quadringenta dedit Gracchus sestertia dotem  
 Cornicini, sive hic recto cantaverat aere ;  
 Signatæ tabulæ ; dictum " Feliciter !" Ingens 120  
 Cœna sedet ; gremio jacuit nova nupta mariti.  
 O proceres, censore opus est an haruspice nobis ?  
 Scilicet horreres majoraque monstra putares,  
 Si mulier vitulum vel si bos ederet agnum ?  
 Segmenta et longos habitus et flammea sumit,  
 Arcano qui sacra ferens nutantia loro  
 Sudavit clipeis ancilibus ! O pater urbis,  
 Unde nefas tantum Latii pasteribus ? unde  
 Hæc tetigit, Gradive, tuos urtica nepotes ?  
 Traditur, ecce, viro clarus genere atque opibus vir :  
 Nec galeam quassas, nec terram cuspide pulsas, 130  
 Nec quereris patri ? Vade ergo et cede severi  
 Jugeribus campi, quem negligis ! " Officium cras  
 Primo sole mihi peragendum in valle Quirini."  
 Quæ causa officii ? " Quid quæris ? Nubit amicus,  
 Nec multos adhibet." Liceat modo vivere : fient,  
 Fient ista palam, cupient et in acta referri.

<sup>b</sup> Bebriaci campo

Interea tormentum ingens nubentibus hæret,  
 Quod nequeunt parere et partu retinere maritos.  
 Sed melius, quod nil animis in corpora juris  
 Natura indulget. Steriles moriuntur, et illis 140  
 Turgida non prodest condita pyxide Lyde,  
 Nec prodest agili palmas præbere Luperco.

Vicit et hoc monstrum tunicati fuscina Gracchi,  
 Lustravitque fuga mediam gladiator arenam  
 Et Capitolinis generosior et Marcellis  
 Et Catulis Paullique minoribus et Fabiis et  
 Omnibus ad podium spectantibus. His licet ipsum  
 Admoveas, cujus tunc munere retia misit.

Esse aliquos manes<sup>c</sup> et subterranea regna  
 Et contum et Stygio ranas in gurgite nigras, 150  
 Atque una transire vadum tot millia cymba  
 Nec pueri credunt, nisi qui nondum ære lavantur.  
 Sed tu vera puta : Curius quid sentit et ambo  
 Scipiadæ ? quid Fabricius manesque Camilli ?  
 Quid Cremeræ legio et Cannis consumpta Juventus,  
 Tot bellorum animæ, quoties hinc talis ad illos  
 Umbra venit ? Cuperent lustrari, si qua darentur  
 Sulfura cum tædis et si foret humida laurus.  
 Illuc, heu, miseri traducimur ! Arma quidem ultra  
 Litora Juvernæ promovimus et modo captas 160  
 Orcadas ac minima contentos nocte Britannos :  
 Sed quæ nunc populi fiunt victoris in urbe,  
 Non faciunt illi, quos vicimus : "et tamen unus  
 Armenius Zalates cunctis narratur ephēbis  
 Mollior ardenti sese indulsisse tribuno."

Aspice, quid faciant commercia : venerat obses.  
 Hic fiunt homines ! Nam si mora longior urbem  
 Indulsit pueris, non unquam deerit amator :  
 Mittentur braccæ, cultelli, frena, flagellum.  
 Sic prætextatos referunt Artaxata mores. 170

<sup>c</sup> aliquid manes

### SATIRA III.

QUAMVIS digressu veteris confusus amici,  
 Laudo tamen, vacuis quod sedem figere Cumis  
 Destinet atque unum civem donare Sibyllæ.  
 Janua Baiarum est et gratum litus amœni  
 Secessus. Ego vel Prochyta præpono Suburæ.  
 Nam quid tam miserum, tam solum vidimus, ut non  
 Deterius credas horrere incendia, lapsus  
 Tectorum assiduos ac mille pericula sævæ  
 Urbis, et Augusto recitantes mense poetas ?  
 Sed dum tota domus reda componitur una, 10  
 Substitit ad veteres arcus madidamque Capenam.  
 Hic, ubi nocturnæ Numa constituebat amicæ,  
 Nunc sacri fontis nemus et delubra locantur  
 Judæis : quorum cophinus fœnumque supellex ;  
 Omnis enim populo mercedem pendere jussa est  
 Arbor, et ejectis mendicat silva Camenis.  
 In vallem Egeriæ descendimus et speluncas  
 Dissimiles veris. Quanto præsentius esset  
 Numen aquæ, viridi si margine clauderet undas  
 Herba, nec ingenuum violarent marmora tophum ! 20  
 Hic tunc Umbricius, "Quando artibus," inquit, "honestis  
 Nullus in urbe locus, nulla emolumenta laborum,  
 Res hodie minor est, heræ quam fuit, atque eadem cras  
 Deteret exiguis aliquid : proponimus illuc  
 Ire, fatigatas ubi Dædalus exiit alas,  
 Dum nova canities, dum prima et recta senectus,  
 Dum superest Lachesi quod torqueat, et pedibus me  
 Porto meis, nullo dextram subeunte bacillo.  
 Cedamus patria : vivant Artorius istic  
 Et Catulus ; maneant qui nigrum in candida vertunt, 30

Quis facile est ædem conducere, flumina, portus,  
Siccandam eluviem, portandum ad busta cadaver,  
Et præbere caput domina venale sub hasta.

Quondam hi cornicines et municipalis arenæ  
Perpetui comites, notæque per oppida buccæ  
Munera nunc edunt et, verso pollice vulgi,  
Quum libet, occidunt populariter : inde reversi  
Conducunt foricas : et cur non omnia ? quum sint  
Quales ex humili magna ad fastigia rerum  
Extollit, quoties voluit Fortuna jocari.

40

Quid Romæ faciam ? Mentiri nescio ; librum,  
Si malus est, nequeo laudare et poscere ; motus  
Astroram ignoro ; funus promittere patris  
Nec volo, nec possum ; ranarum viscera nunquam  
Inspexi. Ferre ad nuptam quæ mittit adulter,  
Quæ mandat, norint<sup>a</sup> alii : me nemo ministro  
Fur erit, atque ideo nulli comes exeo, tanquam  
Mancus et extinctæ corpus non utile dextræ.

Quis nunc diligitur, nisi conscius, et cui fervens  
Æstuat occultis animus semperque tacendis ?

50

Nil tibi se debere putat, nil conferet unquam,  
Participem qui te secreti fecit honesti :  
Carus erit Verri, qui Verrem tempore, quo vult,  
Accusare potest. Tanti tibi non sit opaci  
Omnis arena Tagi quodque in mare volvitur aurum,  
Ut somno careas ponendaque præmia sumas  
Tristis et a magno semper timearis amico !

Quæ nunc divitibus gens acceptissima nostris  
Et quos præcipue fugiam, properabo fateri,  
Nec pudor obstabit. Non possum ferre, Quirites,  
Græcam urbem : quamvis quota portio fæcis Achæi ?  
Jam pridem Syrus in Tiberim defluxit Orontes,  
Et linguam et mores et eum tibicine chordas  
Obliquas, nec non gentilia tympana secum  
Vexit, et ad Circum jussas prostare puellas.

60

<sup>a</sup> norunt

Ite quibus grata est picta lupa barbara mitra !  
 Rusticus ille tuus sumit trechedipna, Quirine,  
 Et ceromatico fert niceteria collo.  
 Hic alta Sicyone, ast hic Amydone relictæ,  
 Hic Andro, ille Samo, hic Trallibus aut Alabandis, 70  
 Esquilias dictumque petunt a vimine collem,  
 Viscera magnarum domuum dominique futuri.  
 Ingenium velox, audacia perditæ, sermo  
 Promptus et Isæo torrentior. Ede, quid illum  
 Esse putes ? quem vis hominem, secum attulit ad nos :  
 Grammaticus, rhetor, geometres, pictor, aliptes,  
 Augur, schœnobates, medicus, magus : omnia novit.  
 Græculus esuriens in cœlum, jusseris, ibit.  
 Ad summam, non Maurus erat neque Sarmata nec Thrax,  
 Qui sumsit pennas, mediis sed natus Athenis. 80  
 Horum ego non fugiam conchyliæ ? me prior ille  
 Signabit ? fultusque toro meliore recumbet  
 Advectus Romam, quo prua et cottana vento ?  
 Usque adeo nihil est, quod nostra infantia cœlum  
 Hausit Aventini<sup>b</sup>, bacca nutrita Sabina ?  
 Quid ? quod adulandi gens prudentissima laudat  
 Sermonem indocti, faciem deformis amici,  
 Et longum invalidi collum cervicibus æquat  
 Herculis, Antæum procul a tellure tenentis,  
 Miratur vocem angustam, qua deterius nec 90  
 Ille sonat, quo mordetur gallina marito.  
 Hæc eadem licet et nobis laudare : sed illis  
 Creditur. An melior, quum Thaida sustinet, aut quam  
 Uxorem comœdus agit vel Dorida nullo  
 Cultam palliolo ? Mulier nempe ipsa videtur,  
 Non persona loqui : vacua et plana omnia dicas  
 Infra ventriculum et tenui distantia rima.  
 Nec tamen Antiochus, nec erit mirabilis illic  
 Aut Stratocles aut cum molli Demetrius Hæmo :  
 Natio comœda est. Rides, majore<sup>c</sup> cachinno 100

<sup>b</sup> Aventinum<sup>c</sup> meliore



Concutitur ; flet, si lacrimas conspexit amici,  
 Nec dolet ; igniculum brumæ si tempore poscas,  
 Accipit endromidem ; si dixeris, "Æstuo," sudat.  
 Non sumus ergo pares : melior, qui semper et omni  
 Nocte dieque potest alienum sumere vultum,  
 A facie jactare manus, laudare paratus,  
 Si bene ructavit, si rectum minxit amicus,  
 Si trulla inverso crepitum delit aurea fundo.  
 Præterea sanetum nihil est et ab inguine tutum :  
 Non matrona laris, non filia virgo, neque ipse  
 Sponsus levis adhuc, non filius ante pudicus.  
 Horum si nihil est, aviam resupinat amici.  
 Scire volunt secreta domus atque inde timeri.

110

Et quoniam cœpit Græcorum mentio, transi  
 Gymnasia atque audi facinus majoris abollæ.  
 Stoiæus occidit Baream, delator amicum,  
 Discipulumque senex, ripa nutritus in illa,  
 Ad quam Gorgonei delapsa est pinna caballi.  
 Non est Romano cuiquam locus hic, ubi regnat  
 Protogenes aliquis vel Diphilus aut Erimarcus<sup>d</sup>,  
 Qui gentis vitio nunquam partitur amicum,  
 Solus habet. Nam quum facilem stillavit in aurem  
 Exiguum de naturæ patriæque veneno,  
 Limine summoveor ; perierunt tempora longi  
 Servitii. Nusquam minor est jactura clientis.

120

Quod porro officium, ne nobis blandiar, aut quod  
 Pauperis hic meritum, si curet nocte togatus  
 Currere, quum Prætor lictorem impellat et ire  
 Præcipitem jubeat, dudum vigilantibus orbis,  
 Ne prior Albinam et Modiam collega salutet ?  
 Divitis hic servi claudit latus ingenuorum  
 Filius : alter enim, quantum in legione tribuni  
 Accipiunt, donat Calvinæ vel Catienæ,  
 Ut semel atque iterum super illam palpitet : at tu,  
 Quum tibi vestiti facies scorti placet, hæres

130

<sup>d</sup> Hermarcus

Et dubitas alta Chionen deducere sella.  
 Da testem Romæ tam sanctum, quam fuit hospes  
 Numinis Idæi ; procedat vel Numa vel qui  
 Servavit trepidam flagranti ex æde Minervam :  
 Protinus ad censum, de moribus ultima fiet 140  
 Quæstio : " quot pascit servos ? quot possidet agri  
 Jugera ? quam multa magnaque paropside cœnat ?"  
 Quantum quisque sua nummorum servat in arca,  
 Tantum habet et fidei. Jures licet et Samothracum  
 Et nostrorum aras ; contemnere fulmina pauper  
 Creditur atque Deos, Dis ignoscentibus ipsis.  
 Quid ? quod materiam præbet causasque jocorum  
 Omnibus hic idem, si fœda et scissa lacerna,  
 Si toga sordidula est et rupta calceus alter  
 Pelle patet : vel si, consuto vulnere, crassum 150  
 Atque recens linum ostendit non una cicatrix.  
 Nil habet infelix paupertas durius in se,  
 Quam quod ridiculos homines facit. " Exeat," inquit,  
 " Si pudor est, et de pulvino surgat equestri,  
 Cujus res legi non sufficit, et sedeant hic  
 Lenonum pueri quocumque in fornice nati,  
 Hic plaudat nitidi præconis filius inter  
 Pinnirapi cultos juvenes juvenesque lanistæ.  
 Sic libitum vano, qui nos distinxit, Othoni.  
 Quis gener hic placuit censu minor atque puellæ 160  
 Sarcinulis impar ? quis pauper scribitur heres ?  
 Quando in consilio est Ædilibus ? Agmine facto  
 Debuerant olim tenues migrasse Quirites.  
 Haud facile emergunt, quorum virtutibus obstat  
 Res angusta domi : sed Romæ durior illis  
 Conatus ; magno hospitium miserabile, magno  
 Servorum ventres et frugi cœnula magno.  
 Fictilibus cœnare pudet, quod turpe negavit  
 Translatus subito ad Marsos mensamque Sabellam,  
 Contentusque illic veneto duroque cucullo. 170

Pars magna Italiæ est, si verum admittimus, in qua  
 Nemo togam sumit nisi mortuus. Ipsa dierum  
 Festorum herboso colitur si quando theatro  
 Majestas, tandemque redit ad pulpita notum  
 Exodium, quum personæ pallentis hiatum  
 In gremio matris formidat rusticus infans,  
 Æquales habitus illic similemque videbis  
 Orchestram et populum : clari velamen honoris,  
 Sufficiunt tunicæ summis Ædilibus albæ.  
 Hic ultra vires habitus nitor ; hic aliquid plus 180  
 Quam satis est interdum aliena sumitur arca.  
 Commune id vitium est : hic vivimus ambitiosa  
 Paupertate omnes. Quid te moror ? Omnia Romæ  
 Cum pretio. Quid das, ut Cossum aliquando salutes ?  
 Ut te respiciat clauso Veiento labello ?  
 Ille metit barbam, erinem hic deponit amati ;  
 Plena domus libis genialibus ! Accipe et istud  
 Fermentum tibi habe : præstare tributa clientes  
 Cogimur et cultis augere peculia servis.  
 Quis timet aut timuit gelida Præneste ruinam, 190  
 Aut positis nemorosa inter juga Volsiniis, aut  
 Simplicibus Gabiis, aut proni Tiburis arce ?  
 Nos urbem colimus tenui tibicine fultam  
 Magna parte sui. Nam sic labentibus obstat  
 Villicus et veteris rimæ contextit<sup>f</sup> hiatum,  
 Securos pendente jubet dormire ruina.  
 Vivendum est illic, ubi nulla incendia, nulli  
 Nocte metus. Jam poscit aquam, jam frivola transfert  
 Ucalegon ; tabulata tibi jam tertia fumant ;  
 Tu nescis : nam si gradibus trepidatur ab imis, 200  
 Ultimus ardebit, quem tegula sola tuetur  
 A pluvia, molles ubi rediunt ova columbæ.  
 Lectus erat Codro Procula minor, urceoli sex,  
 Ornamentum abaci ; nec non et parvulus infra  
 Cantharus, et recubans sub eodem marmore Chiron ;

<sup>f</sup> et, vet. ri. quum texit

Jamque vetus Græcos servabat cista libellos,  
 Et divina opici rodebant carmina mures.  
 Nil habuit Codrus : quis enim negat ? et tamen illud  
 Perdidit infelix totum nihil : ultimus autem  
 Ærumnæ cumulus, quod nudum et frustra rogantem  
 Nemo cibo, nemo hospitio tectoque juvabit. 210  
 Si magna Asturici<sup>g</sup> cecidit domus, horrida mater,  
 Pullati proceres, differt vadimonia prætor ;  
 Tunc geminus casus urbis, tunc edimus ignem.  
 Ardet adhuc, et jam accurrit qui marmora donet,  
 Conferat impensas : hic nuda et candida signa,  
 Hic aliquid præclarum Euphranoris et Polycleti,  
 Hæc Asianorum vetera ornamenta deorum,  
 Hic libros dabit et forulos mediamque Minervam,  
 Hic modium argenti : meliora et plura reponit 220  
 Persicus, orborum lautissimus et merito jam  
 Suspectus, tanquam ipse suas incenderit aedes.  
 Si potes avelli Circensibus, optima Soræ  
 Aut Fabrateriæ domus aut Frusinone paratur,  
 Quanti nunc tenebras unum conducis in annum.  
 Hortulus hic puteusque brevis nec reste movendus  
 In tenues plantas facili diffunditur haustu.  
 Vive bidentis amans et culti villicus horti,  
 Unde epulum possis centum dare Pythagoreis.  
 Est aliquid, quocumque loco, quocumque recessu, 230  
 Unius sese dominum fecisse lacertæ.

Plurimus hic æger moritur vigilando : sed illum  
 Languorem peperit cibus imperfectus et hærens  
 Ardenti stomacho. Nam quæ meritoria somnum  
 Admittunt ? Magnis opibus dormitur in Urbe :  
 Inde caput morbi. Redarum transitus arcto  
 Vicorum in flexu<sup>h</sup> et stantis convicia mandræ  
 Eripient somnum Druso vitulisque marinis.  
 Si vocat officium, turba cedente vehetur  
 Dives et ingenti curret super ora Liburno, 240

<sup>g</sup> Asturii<sup>h</sup> Vicorum inflexu

Atque obiter leget aut scribet vel dormiet intus.  
 Namque facit somnum clausa lectica fenestra.  
 Ante tamen veniet : nobis properantibus obstat  
 Unda prior, magno populus premit agmine lumbos  
 Qui sequitur ; ferit hic cubito, ferit assere duro  
 Alter : at hic tignum capiti incutit, ille metretam.  
 Pinguia crura luto, planta innox undique magna  
 Calcor, et in digito clavus mihi militis hæret.

Nonne vides quanto celebretur sportula fumo ?  
 Centum convivæ ; sequitur sua quemque culina. 250  
 Corbulo vix ferret tot vasa ingentia, tot res  
 Impositas capiti, quot recto vertice portat  
 Servulus infelix et cursu ventilat ignem.  
 Scinduntur tunicæ sartæ modo : longa coruscat  
 Sarraco veniente abies, atque altera pinum  
 Plaustra vehunt ; nutant alte populoque minantur :  
 Nam si procubuit qui saxa Ligustica portat  
 Axis, et eversum fudit super agmina montem,  
 Quid superest de corporibus ? quis membra, quis ossa  
 Invenit ? Obtritum vulgi perit omne cadaver 260  
 More animæ. Domus interea secura patellas  
 Jam lavat et bucca foculum excitat, et sonat unctis  
 Strigilibus, et pleno componit lintea gutto.  
 Hæc inter pueros varie properantur : at ille  
 Jam sedet in ripa tetrumque novicius horret  
 Porthmea, nec sperat cœnosi gurgitis alnum,  
 Infelix, nec habet quem porrigat ore trientem.

Respice nunc alia ac diversa pericula noctis :  
 Quod spatium tectis sublimibus, unde cerebrum  
 Testa ferit, quoties rimosa et curta fenestris 270  
 Vasa cadunt<sup>1</sup> ; quanto percussus pondere signent  
 Et lædant silicem. Possis ignavus haberi  
 Et subiti casus improvidus, ad cœnam si  
 Intestatus eas. Adeo tot fata, quot illa  
 Nocte patent vigiles, te prætereunte, fenestræ.

<sup>1</sup> vasa cadant

Ergo optes votumque feras miserabile tecum,  
Ut sint contentæ patulas defundere pelves.

Ebrius ac petulans, qui nullum forte cecidit,  
Dat pœnas, noctem patitur lugentis amicum  
Pelidæ, cubat in faciem, mox deinde supinus. 286

Ergo non aliter poterit dormire? Quibusdam  
Somnum rixa facit: sed, quamvis improbus annis  
Atque mero fervens, cavet hunc, quem coccina læna  
Vitari jubet et comitum longissimus ordo,  
Multum præterea flammaram et ahenea lampas:  
Me, quem Luna solet deducere vel breve lumen  
Candelæ, ejus dispenso et tempero filum,  
Contemnit. Misere cognosce procœmia rixæ,  
Si rixa est, ubi tu pulsas, ego vapulo tantum.  
Stat contra starique jubet; parere necesse est. 290

Nam quid agas, quum te furiosus cogat et idem  
Fortior? Unde venis? exclamat: ejus aceto,  
Cujus conche tumes? quis tecum sectile porrum  
Sutor et elixi vervecis labra comedit?  
Nil mihi respondes? Aut dic, aut accipe calcem.  
Ede, ubi consistas, in qua te quero proseucha.  
Dicere si tentes aliquid tacitusve recedas,  
Tantundem est; feriunt pariter; vadimonia deinde  
Irati faciunt. Libertas pauperis hæc est:  
Pulsatus rogat et pugnīs concisus adorat, 300  
Ut liceat paucis eum dentibus inde reverti.

Nec tamen hæc tantum metuas: nam qui spoliēt te  
Non deerit, clausis domibus, postquam omnis ubique  
Fixa catenatæ siluit compago tabernæ.  
Interdum et ferro subitus grassator agit rem,  
Armato quoties tutæ custode tenentur  
Et Pomtina palus et Gallinaria pinus.  
Sic inde huc omnes tanquam ad vivaria currunt  
Qua fornace graves, qua non incude, catenæ?  
Maximus in vinclis ferri modus, ut timeas, ne 310  
Vomer deficiat, ne marræ et sarcula desint.

Felices proavorum atavos, felicia dicas  
Secula, quæ quondam sub regibus atque tribunis  
Viderunt uno contentam carcere Romam.

His alias poteram et plures subnectere causas :  
Sed jumenta vocant, et sol inclinât ; eundum est.  
Nam mihi commota jam dudum mulio virga  
Innuit. Ergo vale nostri memor, et quoties te  
Roma tuo refici properantem reddet Aquino,  
Me quoque ad Helvinam Cererem vestramque Dianam  
Converte a Cumis. Satirarum ego, ni pudet illas, 320  
Adjutor gelidos veniam caligatus in agros."

## SATIRA IV.

Ecce iterum Crispinus, et est mihi sæpe vocandus  
 Ad partes, monstrum nulla virtute redemptum  
 A vitiis, æger solaque libidine fortis :  
 Delicias viduæ tantum aspernatur adulter.  
 Quid refert igitur, quantis jumenta fatiget  
 Porticibus, quanta nemorum vectetur in umbra,  
 Jugera quot vicina foro, quas emerit ædes ?  
 Nemo malus felix, minime corruptor et idem  
 Incestus, cum quo nuper vittata jacebat  
 Sanguine adhuc vivo terram subitura sacerdos. 10  
 Sed nunc de factis levioribus : et tamen alter  
 Si fecisset idem, caderet sub iudice morum.  
 Nam quod turpe bonis Titio Scioque, decebat  
 Crispinum. Quid agas, quum dira et fœdior omni  
 Crimine persona est ? Mullum sex millibus emit,  
 Æquantem sane paribus sestertia libris,  
 Ut perhibent qui de magnis majora loquuntur.  
 Consilium laudo artificis, si munere tanto  
 Præcipuam in tabulis ceram senis abstulit orbi.  
 Est ratio ulterior, magnæ si misit amicæ, 20  
 Quæ vehitur clauso latis specularibus antro.  
 Nil tale exspectes : emit sibi. Multa videmus,  
 Quæ miser et frugi non fecit Apicius. Hoc tu,  
 Succinctus patria quondam, Crispine, papyro !  
 Hoc pretium squamæ ! Potuit fortasse minoris  
 Piscator, quam piscis, emi. Provincia tanti  
 Vendit agros : sed majores Appulia vendit.  
 Quales tunc epulas ipsum glutisse putemus  
 Induperatorem\*, quum tot sestertia, partem  
 Exiguam et modicæ sumtam de margine cœnæ, 30  
 Purpureus magni ructarit scurra Palatî,

\* Endoperatorem



Jam princeps equitum, magna qui voce solebat  
 Vendere municipes fracta<sup>b</sup> de merce siluros !  
 Incipe, Calliope, licet et considerare : non est  
 Cantandum, res vera agitur : narrate, puellæ  
 Pierides : prosit mihi vos dixisse puellas !

Quum jam semianimum laceraret Flavius orbem  
 Ultimus, et calvo serviret Roma Neroni,  
 Incidit Adriaci spatium admirabile rhombi  
 Ante domum Veneris, quam Dorica sustinet Ancon,  
 Implevitque sinus : neque enim minor hæserat illis,  
 Quos operit glacies Mæotica, ruptaque tandem  
 Solibus effundit torpentis ad ostia Ponti,  
 Desidia tardos et longo frigore pingues.

Destinat hoc monstrum cymbæ linique magister  
 Pontifici summo. Quis enim proponere talem  
 Aut emere auderet, quum plena et litora multo  
 Delatore forent ? Dispersi protinus algæ  
 Inquisitores agerent cum remige nudo,  
 Non dubitaturi fugitivum dicere piscem,  
 Depastumque diu vivaria Cæsaris ; inde  
 Elapsum veterem ad dominum debere reverti.

Si quid Palfurio, si credimus Armillato,  
 Quidquid conspicuum pulchrumque est æquore toto,  
 Res fisci est, ubicumque natat. Donabitur ergo,  
 Ne pereat. Jam letifero cedente pruinis  
 Autumno, jam quartanam sperantibus ægris,  
 Stridebat deformis hiems prædamque recentem  
 Servabat : tamen hic properat, velut urgeat Auster :  
 Utque lacus suberant, ubi, quanquam diruta, servat  
 Ignem Trojanum et Vestam colit Alba minorem,  
 Obstitit intranti miratrix turba parumper.

Ut cessit, facili patuerunt cardine valvæ ;  
 Exclusi spectant admissa opsonia Patres.  
 Itur ad Atriden. Tum Picens, " Accipe," dixit,  
 " Privatis majora focis : genialis agatur

<sup>b</sup> frieta, facta, farta, pacta, faria, pacta mercede, Pharia de merce

Iste dies : propera stomachum laxare saginis,  
 Et tua servatum consume in secula rhombum.  
 Ipse capi voluit." Quid apertius ? et tamen illi  
 Surgebant cristæ. Nihil est, quod credere de se 70  
 Non possit, quum laudatur Dis æqua potestas.  
 Sed decrat pisei patinæ mensura. Vocantur  
 Ergo in consilium proceres, quos oderat ille ;  
 In quorum facie misere magnæque sedebat  
 Pallor amicitiae. Primus, clamante Liburno,  
 "Currite, jam sedit !" rapta properabat abolla  
 Pegasus, attonitæ positus modo villicus urbi.  
 Anne aliud tunc præfecti ? quorum optimus atque  
 Interpret legum sanctissimus ; omnia quanquam 80  
 Temporibus diris tractanda putabat inermi  
 Justitia. Venit et Crispi jucunda senectus,  
 Cujus erant mores, qualis facundia, mite  
 Ingenium. Maria ac terras populosque regenti  
 Quis comes utilior, si elade et peste sub illa  
 Sævitiâ damnare et honestum afferre liceret  
 Consilium ? Sed quid violentius aure tyranni,  
 Cum quo de pluviis aut aestibus aut nimbo  
 Vere loquuturi fatum pendebat amici ?  
 Ille igitur nunquam direxit brachia contra  
 Torrentem, nec civis erat, qui libera posset 90  
 Verba animi proferre et vitam impendere vero.  
 Sic multas hiemes atque octogesima vixit  
 Solstitia, his armis illa quoque tutus in aula.  
 Proximus ejusdem properabat Aeilius ævi  
 Cum juvene, indigno, quem mors tam sæva maneret  
 Et domini gladiis tam festinata : sed olim  
 Prodigio par est cum nobilitate<sup>c</sup> senectus :  
 Unde fit, ut malim fratreulus esse Gigantis.  
 Profuit ergo nihil misero, quod cominus ur-o  
 Figebat Numidas, Albana nudus arena 100  
 Venator. Quis enim jam non intelligat artes

<sup>c</sup> in nobilitate

Patricias ? Quis priscum illud miratur acumen,  
 Brute, tuum ? Facile est barbato imponere regi.  
 Nec melior vultu, quamvis ignobilis, ibat  
 Rubrius, offensæ veteris reus atque tacendæ,  
 Et tamen improbius satiram scribente cinædo.  
 Montani quoque venter adest, abdomine tardus,  
 Et matutino sudans Crispinus amomo,  
 Quantum vix redolent duo funera ; sævior illo  
 Pompeius tenui jugulos aperire susurro, 110  
 Et qui vulturibus servabat viscera Dacis  
 Fuscus, marmorea meditatus prælia villa,  
 Et cum mortifero prudens Veiento Catullo,  
 Qui nunquam visæ flagrabat amore puellæ,  
 Grande et conspicuum nostro quoque tempore monstrum !  
 Cæcus adulator, dirusque a ponte satelles,  
 Dignus Aricinos qui mendicaret ad axes,  
 Blandaue devexæ jactaret basia redæ.  
 Nemo magis rhombum stupuit : nam plurima dixit  
 In lævum conversus : at illi dextra jacebat 120  
 Bellua. Sic pugnas Cilicis laudabat et ictus,  
 Et pægma et pueros inde ad velaria raptos.  
 Non cedit Veiento, sed ut fanaticus, æstro  
 Percussus, Bellona, tuo, divinat et, " Ingens  
 Omen habes," inquit, " magni clarique triumphi :  
 Regem aliquem capies, aut de temone Britanno  
 Excidet Arviragus : peregrina est bellua : cernis  
 Erectas in terga sudes ?" Hoc defuit unum  
 Fabricio, patriam ut rhombi memoraret et annos.  
 " Quidnam igitur censes ? conciditur ?" " Absit ab illo 130  
 Dedecus hoc," Montanus ait. " Testa alta paretur,  
 Quæ tenui muro spatiosum colligat orbem.  
 Debetur magnus patinæ subitusque Prometheus.  
 Argillam atque rotam citius properate : sed ex hoc  
 Tempore jam, Cæsar, figuli tua castra sequantur."  
 Vicit digna viro sententia : noverat ille  
 Luxuriam imperii veterem noctesque Neronis

Jam medias aliamque famem, quum pulmo Falerno  
Arderet. Nulli major fuit usus edendi

Tempestate mea. Circeis nata forent, an 140

Lucrinum ad saxum Rutupinove edita fundo

Ostrea, callebat primo deprendere morsu ;

Et semel aspecti litus dicebat echini.

Surgitur, et misso procures exire jubentur

Concilio, quos Albanam dux magnus in arcem

Traxerat attonitos et festinare coactos,

Tanquam de Cattis aliquid torvisque Sicambris

Dicturus, tanquam diversis partibus orbis

Anxia præcipiti venisset epistola pinna.

Atque utinam his potius nugis tota illa dedisset 150

Tempora sævitæ, claras quibus abstulit urbi

Illustresque animas impune et vindice nullo !

Sed periit, postquam cerdonibus esse timendus

Cœperat : hoc nocuit Lamiarum cæde madenti.

## SATIRA V.

Si te propositi nondum pudet atque eadem est mens,  
 Ut bona summa putes aliena vivere quadra ;  
 Si potes illa pati, quæ nec Sarmentus iniquas  
 Caesaris ad mensas, nec vilis Galba tulisset :  
 Quamvis jurato metuam tibi credere testi.  
 Ventre nihil novi frugalius. Hoc tamen ipsum  
 Defecisse puta, quod inani sufficit alvo :  
 Nulla crepido vacat ? nusquam pons et tegetis pars  
 Dimidia brevior ? tantine injuria cœnæ ?  
 Tam jejuna fames, quum Pol sit honestius illic 10  
 Et tremere et sordes farris mordere canini ?  
 Primo fige loco, quod tu, discumbere jussus,  
 Mercedem solidam veterum capis officiorum.  
 Fructus amicitiae magnæ cibus : imputat hunc rex,  
 Et, quamvis rarum, tamen imputat. Ergo duos post  
 Si libuit menses neglectum adhibere clientem,  
 Tertia ne vacuo cessaret culcita lecto,  
 “ Una simus,” ait. Votorum summa : quid ultra  
 Quæris ? Habet Trebius, propter quod rumpere somnum  
 Debeat et ligulas dimittere, sollicitus, ne 20  
 Tota salutatrix jam turba peregerit orbem,  
 Sideribus dubiis, aut illo tempore, quo se  
 Frigida circumagunt pigri sarraca Bootæ.  
 Qualis cœna tamen ? Vinum, quod sucida nolit  
 Lana pati : de conviva Corybanta videbis.  
 Jurgia proludunt : sed mox et pocula torques  
 Saucius et rubra deterges vulnera mappa.  
 Inter vos quoties libertorumque cohortem  
 Pugna Saguntina fervet commissa lagena :  
 Ipse capillato diffusum Consule potat, 30  
 Calcatamque tenet bellis socialibus uvam,

Cardiaco nunquam cyathum missurus amico ;  
Cras bibet Albanis aliquid de montibus aut de  
Setinis, cujus patriam titulumque senectus  
Delevit multa veteris fuligine testæ :  
Quale coronati Thrascea Helvidiusque bibebant  
Brutorum et Cassi natalibus. Ipse capaces  
Heliadum crustas et inæquales beryllo  
Virro tenet phialas : tibi non committitur aurum ;  
Vel, si quando datur, custos affixus ibidem, 40  
Qui numeret gemmas, unguisque observet acutos.  
Da veniam : præclara illic laudatur iaspis.  
Nam Virro, ut multi, gemmas ad pocula transfert  
A digitis, quas in vaginæ fronte solebat  
Ponere zelotypo juvenis prælatus Iarbæ.  
Tu Beneventani sutoris nomen habentem  
Siccabis calicem nasorum quatuor ac jam  
Quassatum, et rupto poscentem sulfura vitro.  
Si stomachus domini fervet vinoque ciboque,  
Frigidior Geticis petitur decocta pruinis : 50  
Non eadem vobis poni modo vina querebar :  
Vos aliam potatis aquam. Tibi pocula cursor  
Gætulus dabit, aut nigri manus ossea Mauri,  
Et cui per mediam nolis occurrere noctem,  
Clivosæ veheris dum per monumenta Latinæ.  
Flos Asiæ ante ipsum, pretio majore paratus,  
Quam fuit et Tulli census pugnacis et Anci,  
Et, ne te teneam, Romanorum omnia regum  
Frivola. Quod quum ita sit, tu Gætulum Ganymedem  
Respice, quum sities. Nescit tot millibus emtus 60  
Pauperibus miscere puer : sed forma, sed ætas  
Digna supercilio. Quando ad te pervenit ille ?  
Quando vocatus adest calidæ gelidæque minister ?  
Quippe indignatur veteri parere clienti,  
Quodque aliquid poscas et quod se stante recumbas.  
Maxima quæque domus servis est plena superbis.  
Ecce, alius quanto porrexit murmure panem

Vix fractum, solidæ jam mucida frusta farinæ,  
 Quæ genuinum agitent, non admittentia morsum !  
 Sed tener et niveus mollique siligine factus 70  
 Servatur domino. Dextram cohibere memento.  
 Salva sit artoptæ<sup>a</sup> reverentia : finge tamen te  
 Improbulum, superest illic, qui ponere cogat.  
 "Vis tu consuetis, audax conviva, canistris  
 Impleri, panisque tui novisse colorem ?"  
 "Scilicet hoc fuerat, propter quod sæpe, relictâ  
 Coniuge, per montem adversum gelidasque cucurri  
 Esquillas, fremeret sæva quum grandine vernus  
 Jupiter et multo stillaret pænula nimbo !"

Aspice, quam longo distendat pectore lancem, 80  
 Quæ fertur domino, squilla, et quibus undique septa  
 Asparagis, qua despiciat convivia cauda,  
 Quum venit excelsi manibus sublata ministri.  
 Sed tibi dimidio constrictus cammarus ovo  
 Ponitur exigua, feralis cœna, patella.  
 Ipse Venafrano piscem perfundit : at hic, qui  
 Pallidus affertur misero tibi caulis, olebit  
 Laternam : illud enim vestris datur alveolis, quod  
 Canna Micipsarum prora subvexit acuta ;  
 Propter quod Romæ cum Bocchare nemo lavatur, 90  
 Quod tutos etiam facit a serpentibus Afros.  
 Mullus erit domini, quem misit Corsica, vel quem  
 Tauromenitanæ rupes, quando omne peractum est  
 Et jam defecit nostrum mare, dum gula savit,  
 Retibus assiduis penitus scrutante macello  
 Proxima, nec patimur<sup>b</sup> Tyrrhenum crescere piscem.  
 Instruit ergo focum provincia : sumitur illinc  
 Quod captator emat Lænas, Aurelia vendat.  
 Virroni muræna datur, quæ maxima venit  
 Gurgite de Siculo : nam, dum se continet Auster, 100  
 Dum sedet et siccât madidas in carcere pennas,  
 Contemnunt mediam temeraria lina Charybdim.

<sup>a</sup> artocopi<sup>b</sup> patitur

Vos anguilla manet longæ cognata colubræ,  
 Aut glacie aspersus maculis Tiberinus et ipse  
 Vernula riparum, pinguis torrente cloaca,  
 Et solitus mediæ cryptam penetrare Suburæ.

Ipsi pauca velim, facilem si præbeat aurem.

Nemo petit, modicis quæ mittebantur amicis  
 A Seneca, quæ Piso bonus, quæ Cotta solebat  
 Largiri: namque et titulis et fascibus olim 110  
 Major habebatur donandi gloria: solum  
 Poscimus, ut cœnes civiliter. Hoc face et esto,  
 Esto, ut nunc multi, dives tibi, pauper amicis.

Anseris ante ipsum magni jecur, anseribus par  
 Altilis et flavi dignus ferro Meleagri  
 Fumat aper: post hunc tradentur tubera, si ver  
 Tunc erit et facient optata tonitrua cœnas  
 Majores. "Tibi habe frumentum," Allidius inquit,  
 "O Libye: disjunge boves, dum tubera mittas."

Structorem interea, ne qua indignatio desit, 120  
 Saltantem spectas et chironomonta volanti  
 Cultello, donec peragat dictata magistri  
 Omnia. Nec minimo sane discrimine refert,  
 Quo gestu lepores et quo gallina secetur.  
 Duceris planta, velut ictus ab Hercule Cacus,  
 Et ponere foris, si quid tentaveris unquam  
 Hiscere, tanquam habeas tria nomina. Quando propinat  
 Virro tibi sumitque tuis contacta labellis  
 Pocula? quis vestrum temerarius usque adeo, quis  
 Perditus, ut dicat regi, "bibe?" Plurima sunt, quæ 130  
 Non audent homines pertusa dicere læna.

Quadringenta tibi si quis Deus aut similis Dis  
 Et melior fatis donaret<sup>c</sup> homuncio: quantus  
 Ex nihilo fieres, quantus Virronis amicus!  
 "Da Trebio! pone ad Trebium! Vis, frater, ab istis  
 Ilibus?" O nummi, vobis hunc præstat honorem,  
 Vos estis fratres. Dominus tamen et domini rex

<sup>c</sup> donaret; homuncio, qu.



Si vis tu fieri, nullus tibi parvulus aula  
 Luserit Æneas, nec filia dulcior illo :  
 Jucundum et carum sterilis facit uxor amicum. 140  
 Sed tua nunc Migale pariat licet, et pueros tres  
 In gremium patris fundat simul : ipse loquaci  
 Gaudebit nido ; viridem thoraca jubebit  
 Afferri, minimasque nuces assemque rogatum,  
 Ad mensam quoties parasitus venerit infans.  
 Vilibus ancipites fungi ponentur amicis.  
 Boletus domino ; sed quales Claudius edit  
 Ante illum uxoris, post quem nil amplius edit.  
 Virro sibi et reliquis Virronibus illa jubebit  
 Poma dari, quorum solo pascaris odore : 150  
 Qualia perpetuus Phæacum autumnus habebat,  
 Credere quæ possis surrepta sororibus Afris :  
 Tu scabie frueris mali, quod in aggere rodit,  
 Qui tegitur parma et galca, metuensque flagelli  
 Discit ab hirsuta jaculum torquere capella.  
 Forsitan impensæ Virronem parcere credas.  
 Hoc agit, ut doceas : nam quæ comœdia, mimus  
 Quis melior plorante gula ? Ergo omnia fiunt,  
 Si nescis, ut per lacrimas effundere bilem  
 Cogaris, pressoque diu stridere molari. 160  
 Tu tibi liber homo et regis conviva videris :  
 Captum te nidore suæ putat ille culinæ :  
 Nec male conjeetat. Quis enim tam nudus, ut illum  
 Bis ferat, Etruseum puero si contigit aurum,  
 Vel nodus tantum et signum de paupere loro ?  
 Spes bene cœnandi vos decipit. “ Ecce, dabit jam  
 Semesum leporem atque aliquid de clunibus apri :  
 Ad nos jam veniet minor altilis.” Inde parato  
 Intactoque omnes et stricto pane tacetis.  
 Ille sapit, qui te sic utitur. Omnia ferre 170  
 Si potes, et debes. Pulsandum vertice raso  
 Præbebis quandoque caput, nec dura timebis  
 Flagra pati, his epulis et tali dignus amico.

D. JUNII JUVENALIS  
S A T I R A R U M  
LIBER SECUNDUS.

~~~~~  
SATIRA VI.

CREDO pudicitiam Saturno rege moratam  
In terris, visamque diu, quum frigida parvas  
Præberet spelunca domos, ignemque, laremque,  
Et pecus et dominos communi clauderet umbra ;  
Silvestrem montana torum quum sterneret uxor  
Frondebis et culmo, vicinarumque ferarum  
Pellibus, haud similis tibi, Cynthia, nec tibi, cujus  
Turbavit nitidos exstinctus passer ocellos,  
Sed potanda ferens infantibus ubera magnis,  
Et saepe horridior glandem ructante marito. 10  
Quippe aliter tunc, orbe novo cœloque recenti,  
Vivebant homines, qui rupto robore nati,  
Compositive luto nullos habuere parentes.  
Multa pudicitiae veteris vestigia forsân  
Aut aliqua exstiterint et sub Jove ; sed Jove nondum  
Barbato, nondum Græcis jurare paratis  
Per caput alterius, quum furem nemo timeret  
Caulibus aut pomis, et aperto viveret horto.  
Paulatim deinde ad superos Astraea recessit  
Hac comite, atque duæ pariter fugere sorores. 20

Antiquum et vetus est alienum, Postume, lectum  
 Concutere, atque sacri Genium contemnere fulcri.  
 Omne aliud crimen mox ferrea protulit ætas :  
 Viderunt primos argentea secula mœchos.

Conventum tamen et pactum et sponsalia nostra  
 Tempestate paras, jamque a tonsore magistro  
 Pectetis, et digito pignus fortasse dedisti.

Certe sanus eras ! Uxorem, Postume, ducis ?  
 Dic, qua Tisiphone, quibus exagitare colubris ?  
 Ferre potes dominam, salvis tot restibus, ullam ?

30

Quum pateant altæ caligantesque fenestræ ?

Quum tibi vicinum se præbeat Æmilius pons ?

Aut si de multis nullus placet exitus, illud  
 Nonne putas melius, quod tecum pusio dormit,

Pusio, qui noctu non litigat, exigit a te

Nulla jacens illic munuscula, nec queritur, quod

Et lateri parcas, nec, quantum jussit, anheles ?

Sed placet Ursidio lex Julia : tollere dulcem

Cogitat heredem, cariturus turture magno,

Mullorumque jubis et captatore macello.

40

Quid fieri non posse putes, si jungitur ulla

Ursidio ? si mœchorum notissimus olim

Stulta maritali jam porrigit ora capistro,

Quem toties texit perituri cista Latini ?

Quid ? quod et antiquis uxor de moribus illi

Quæritur. O medici, mediam pertundite venam !

Delicias hominis ! Tarpeium limen adora

Pronus et auratam Junoni cæde juvencam,

Si tibi contigerit capitis matrona pudici.

50

Paucae adeo Cereris vittas contingere dignæ,

Quarum non timeat pater oscula. Necte coronam

Postibus et densos per limina tende corymbos !

Unus Iberinae vir sufficit. Ocius illud

Extorquebis, ut hæc oculo contenta sit uno.

“ Magua tamen fama est ejusdam rure paterno

Viventis.” Vivat Gabiis, ut vixit in agro ;

Vivat Fidenis: et agello, cedo, paterno.

Quis tamen affirmat, nil actum in montibus aut in  
Speluncis? Adeo senuerunt Jupiter et Mars?

Porticibusne tibi monstratur femina voto 60

Digna tuo? Cuneis an habent spectacula totis,  
Quod securus ames quodque inde excerpere possis?

Chironomon Ledam molli saltante Bathyllo,

Tuccia vesicæ non imperat; Appula gaunit,

Sicut in amplexu; subitum et miserabile: longum

Attendit Thymeles; Thymeles<sup>a</sup> tunc rustica discit.

Ast aliæ, quoties aulae recondita cessant,

Et vacuo clausoque sonant fora sola theatro,

Atque a plebeiis longe Megalesia, tristes

Personam thyrsunque tenent et subligar Acci. 70

Urbicus exodio risum movet Atellanæ

Gestibus Autonoes: hunc diligit Ælia pauper.

Solvitur his magno comœdi fibula: sunt quæ

Chrysogonum cantare vetent: Hispulla tragœdo

Gaudet. An expectas, ut Quintilianus ametur?

Accipis uxorem, de qua citharœdus Echion

Aut Glaphyrus fiat pater, Ambrosiusque choraules.

"Longa per angustos figamus pulpita vicos;

Ornentur postes et grandi janua lauro,"

Ut testudineo tibi, Lentule, conopeo 80

Nobilis Euryalum mirmillonem exprimat infans.

Nupta Senatori comitata est Hippia ludium

Ad Pharon et Nilum famosaque mœnia Lagi,

Prodigia et mores urbis damnante Canopo.

Immemor illa domus, et conjugis atque sororis,

Nil patriæ indulsit, plorantesque improba natos,

Utque magis stupeas, ludos Paridemque reliquit.

Sed quanquam in magnis opibus, plumaque paterna,

Et segmentatis dormisset parvula cunis,

Contempsit pelagus: famam contemserat olim, 90

Cujus apud molles minima est jactura cathedras.

<sup>a</sup> Thymelen; Thymelen

Tyrrhenos igitur fluctus lateque sonantem  
 Pertulit Ionium constanti pectore, quamvis  
 Mutandum toties esset mare. Justa pericli  
 Si ratio est et honesta, timent pavidoque gelantur  
 Pectore, nec tremulis possunt insistere plantis :  
 Fortem animum præstant rebus, quas turpiter audent.  
 Si jubeat conjux, durum est conscendere navim ;  
 Tunc sentina gravis, tunc summus vertitur aer :  
 Quæ mœchum sequitur, stomacho valet. Illa maritum 100  
 Convomit : hæc inter nautas et prandet, et errat  
 Per puppem, et duros gaudet tractare rudentes.  
 Qua tamen exarsit forma, qua capta juvena est <sup>b</sup>  
 Hippiæ ? quid vidit, propter quod ludia dici  
 Sustinuit ? nam Sergiolus jam radere guttur  
 Cœperat, et secto requiem sperare lacerto :  
 Præterea multa in facie deformia, sicut  
 Attritus galea mediisque in naribus ingens  
 Gibbus, et acre malum semper stillantis ocelli.  
 Sed gladiator erat : facit hoc illos Hyacinthos ; 110  
 Hoc pueris patriæque, hoc prætulit illa sorori  
 Atque viro. Ferrum est, quod amant. Hic Sergius idem  
 Accepta rude cœpisset Veiento videri.

Quid privata domus, quid fecerit Hippiæ, curas ?  
 Respice rivalet Divorum : Claudius audi  
 Quæ tulerit. Dormire virum quum senserat uxor,  
 Ausa Palatino tegetem præferre cubili,  
 Sumere nocturnos meretrix Augusta cucullos,  
 Linquebat comite ancilla non amplius una :  
 Sed, nigrum flavo crinem abscondente galero, 120  
 Intravit calidum veteri centone lupanar  
 Et cellam vacuum atque suam. Tunc nuda papillis  
 Constitit auratis, titulum mentita Lyciscæ,  
 Ostenditque tuum, generose Britannice, ventrem.  
 Excepit blanda intrantes, atque æra poposcit,  
 Et resupina jacens multorum absorbit ictus.

Mox, lenone suas jam dimittente puellas,  
 Tristis abit, et, quod potuit, tamen ultima cellam  
 Clausit, adhuc ardens rigidæ tentigine vulvæ,  
 Et lassata viris, nec dum satiata, recessit, 130  
 Obscurisque genis turpis fumoque lucernæ  
 Fœda lupanaris tulit ad pulvinar odorem.

Hippomanes carmenque loquar coctumque venenum  
 Privignoque datum? Faciunt graviora coactæ  
 Imperio sexus minimumque libidine peccant.

“Optima sed quare Cæsennia, teste marito?”  
 Bis quingenta dedit; tanti vocat ille pudicam,  
 Nec Veneris pharetris macer est aut lampade fervet:  
 Inde faces ardent, veniunt a dote sagittæ.

Libertas emitur: coram licet innuat atque 140  
 Rescribat, vidua est, locuples quæ nupsit avaro.

“Cur desiderio Bibulæ Sertorius ardet?”

Si verum excutias, facies, non uxor amatur.

Tres rugæ subeant, et se cutis arida laxet,

Fiant obscuri dentes, oculique minores:

“Collige sarcinulas,” dicet libertus, “et exi;

Jam gravis es nobis, et sæpe emungeris; exi

Ocius et propera: sicco venit altera naso.”

Interea calet et regnat, poscitque maritum

Pastores, et ovem Canusinam, ulmosque Falernas. 150

Quantulum in hoc! Pueros omnes, ergastula tota;

Quodque domi non est et habet vicinus, ematur.

Mense quidem brumæ, quum jam<sup>c</sup> mercator Iason

Clausus et armatis obstat casa candida nautis,

Grandia tolluntur crystallina, maxima rursus

Murrina, deinde adamas notissimus et Beronices

In digito factus pretiosior: hunc dedit olim

Barbarus incestæ, dedit hunc Agrippa sorori,

Observant ubi festa mero pede sabbata reges

Et vetus indulget senibus elementia porcis. 160

“Nullane de tantis gregibus tibi digna videtur?”

<sup>c</sup> quo jam

Sit formosa, decens, dives, fecunda, vetustos  
 Porticibus disponat avos, intactior omni  
 Crinibus effusis bellum dirimente Sabina,  
 Rara avis in terris nigroque simillima cygno:  
 Quis ferat uxorem, cui constant omnia? Malo,  
 Malo Venusinam, quam te, *Cornelia mater*  
*Gracchorum*, si cum magnis virtutibus affers  
 Grande supercilium et numeras in dote triumphos.  
 Tolle tuum, precor, Hannibalem victumque Syphacem  
 In castris et cum tota Carthagine migra! 170  
 "Parce, precor, Pæan, et tu depone sagittas,  
 Nil pueri faciunt, ipsam configite matrem!"  
 Amphion clamat: sed Pæan contrahit arcum.  
 Extulit ergo greges natorum ipsumque parentem,  
 Dum sibi nobilior Latonæ gente videtur  
 Atque eadem serofa Niobe fecundior alba.  
 Quæ tanti gravitas, quæ forma, ut se tibi semper  
 Imputet? Hujus enim rari summique voluptas  
 Nulla boni, quoties animo corrupta superbo 180  
 Plus aloes, quam mellis habet. Quis deditus autem  
 Usque adeo est, ut non illam, quam laudibus effert,  
 Horreat inque diem septenis oderit horis?  
 Quædam parva quidem, sed non toleranda maritis.  
 Nam quid rancidius, quam quod se non putat ulla  
 Formosam, nisi quæ de Tusca Græcula facta est,  
 De Sulmonensi mera Cecropis? Omnia Græce,  
 Quum sit turpe magis nostris nescire Latine:  
 Hoc sermone pavent, hoc iram, gaudia, curas,  
 Hoc cuncta effundunt animi secreta. Quid ultra? 190  
 Concumbunt Græce. Dones tamen ista puellis:  
 Tunc etiam, quam sextus et octogesimus annus  
 Pulsat, adhuc Græce? Non est hic sermo pudicus  
 In vetula. Quoties lascivum intervenit illud  
 Ζῶη καὶ ψυχὴ? Modo sub ledice relictis  
 Uteris in turba. Quod enim non excitet inguen

Vox blanda et nequam? digitos habet. Ut tamen omnes  
 Subsident pennæ, dicas hæc mollius Hæmo  
 Quanquam et Carpophoro; facies tua computat annos.

Si tibi legitimis pactam junctamque tabellis 200

Non es amaturus, ducendi nulla videtur  
 Causa; nec est, quare cœnam et mustacea perdas,  
 Labente officio, crudis donanda; nec illud,  
 Quod prima pro nocte datur, quum lance beata  
 Dacicus et scripto radiat Germanicus auro.  
 Si tibi simplicitas uxoria, deditus uni  
 Est animus, submitte caput cervice parata  
 Ferre jugum; nullam invenies quæ parcat amanti.

Ardeat ipsa licet, tormentis gaudet amantis  
 Et spoliis. Igitur longe minus utilis illi 210

Uxor, quisquis erit bonus optandusque maritus.  
 Nil unquam invita donabis conjuge; vendes  
 Hac obstante nihil; nihil, hæc si nolet, emetur.

Hæc dabit affectus; ille excludatur amicus  
 Jam senior, cujus barbam tua janua vidit.  
 Testandi quum sit lenonibus atque lanistis  
 Libertas, et juris idem contingat arenæ,  
 Non unus tibi rivalis dictabitur heres.

"Pone crucem servo."—"Meruit quo crimine servus  
 Supplicium? quis testis adest? quis detulit? Audi, 220  
 Nulla unquam de morte hominis cunctatio longa est."—

"O demens, ita servus homo est? nil fecerit, esto:  
 Hoc volo, sic jubeo, sit pro ratione voluntas."

Imperat ergo viro: sed mox hæc regna relinquit  
 Permutatque domos et flamma conterit: inde  
 Avolat<sup>d</sup> et spreti repetit vestigia lecti.

Ornatas paulo ante fores, pendentia linquit  
 Vela domus et adhuc virides in limine ramos.

Sic crescit numerus: sic fiunt octo mariti  
 Quinque per autumnos: titulo res digna sepulcri. 230

Desperanda tibi salva concordia socru.

<sup>d</sup> Avolat



Illa docet spoliis nudi gaudere mariti ;  
 Illa docet, missis a corruptore tabellis,  
 Nil rude, nec simplex rescribere ; decipit illa  
 Custodes aut are domat : tunc corpore sano  
 Advocat Archigenen onerosaque pallia jactat.  
 Abditus interea latet et securus adulter,  
 Impatiensque moræ pavet et præputia ducit.  
 Scilicet exspectas, ut tradat mater honestos  
 Atque alios mores, quam quos habet ! utile porro 240  
 Filiolam turpi vetulæ producere turpem.

Nulla fere causa est, in qua non femina litem  
 Moverit. Accusat Manilia, si rea non est.  
 Componunt ipsæ per se formantque libellos,  
 Principium atque locos Celso dictare paratæ.

Endromidas Tyrias et femineum ceroma  
 Quis nescit ? vel quis non vidit vulnera pali ?  
 Quem cavat assiduis sudibus scutoque lacescit,  
 Atque omnes implet numeros, dignissima prorsus 250  
 Florali matrona tuba, nisi si quid in illo  
 Pectore plus agitat veræque paratur arenæ.  
 Quem præstare potest mulier galeata pudorem,  
 Quæ fugit a sexu ? vires amat. Hæc tamen ipsa  
 Vir nollet fieri : nam quantula nostra voluptas !  
 Quale decus rerum, si conjugis auctio fiat,  
 Balteus, et manicæ, et cristæ, crurisque sinistri  
 Dimidium tegmen ! vel si diversa movebit  
 Prælia, tu felix, ocreas vendente puella !  
 Hæ sunt, quæ tenui sudant in cyclade, quarum  
 Delicias et panniculus bombycinus urit. 260

Aspice, quo fremitu monstratos perferat ictus  
 Et quanto galeæ curvetur pondere, quanta  
 Poplitibus sedeat, quam denso fascia libro.  
 Et ride, positis scaphium quum sumitur armis.  
 Dicite vos neptes Lepidi cæcive Metelli,  
 Gurgitis aut Fabii, quæ ludia sumserit unquam

Hos habitus ? quando ad palum gemat uxor Asyli ?

Semper habet lites alternaque jurgia lectus,  
In quo nupta jacet : minimum dormitur in illo.  
Tum gravis illa viro, tunc orba tigride pejor ; 270  
Tum<sup>e</sup> simulat gemitus occulti conscia facti,  
Aut odit pueros, aut ficta pellice plorat,  
Uberibus semper lacrimis semperque paratis  
In statione sua, atque expectantibus illam,  
Quo jubeat manare modo : tu credis amorem,  
Tu tibi tunc, curruca, places fletumque labellis  
Exsorbes, quæ scripta et quas lecture tabellas,  
Si tibi zelotypæ retegantur scrinia mœchæ !  
Sed jacet in servi complexibus aut equitis. Dic,  
Dic aliquem, sodes, hic, Quintiliane, colorem. 280  
“ Hæremus. Dic ipsa.” “ Olim convenerat,” inquit,  
“ Ut faceres tu, quod velles, nec non ego possem  
Indulgere mihi : clames licet et mare cœlo  
Confundas, homo sum.” Nihil est audacius illis  
Deprensus : iram atque animos a crimine sumunt.

Unde hæc monstra tamen vel quo de fonte, requiris ?  
Præstabat castas humilis fortuna Latinas  
Quondam, nec vitiis contingi parva sinebat  
Tecta labor, somnique breves, et vellere Tusco  
Vexatæ duræque manus, ac proximus Urbi 290  
Hannibal, et stantes Collina turre mariti.  
Nunc patimur longæ pacis mala ; sævior armis  
Luxuria incubuit victumque ulciscitur orbem.  
Nullum crimen abest facinusque libidinis, ex quo  
Paupertas Romana perit : hinc fluxit ad istos  
Et Sybaris colles, hinc et Rhodos et Miletos,  
Atque coronatum et petulans madidumque Tarentum.  
Prima peregrinos obscœna pecunia mores  
Intulit, et turpi fregerunt secula luxu  
Divitiæ molles. Quid enim Venus c<sup>b</sup>ria curat ? 300  
Inguinis et capitis quæ sint discrimina, nescit,

Grandia quæ mediis jam noctibus ostrea mordet,  
 Quum perfusa mero spumant uinguenta Falerno,  
 Quum bibitur concha, quum jam vertigine tectum  
 Ambulat, et geminis exsurgit mensa lucernis.  
 I nunc et dubita, qua sorbeat aera sanna  
 Tullia, quid dicat notæ collactia<sup>f</sup> Mauræ,  
 Maura Pudicitiae veterem quum præterit aram.  
 Noctibus hic ponunt lecticas, micturiunt hic  
 Effigiemque Deæ longis siphonibus implent, 310  
 Inque vices equitant ac Luna teste moventur.  
 Inde domos abeunt: tu calcas luce reversa  
 Conjugis urinam magnos visurus amicos.  
 Nota Bonæ secreta Deæ, quum tibia lumbos  
 Incitat et cornu pariter vinoque feruntur  
 Attonitæ, crinemque rotant ululantque Priapi  
 Mænades. O quantus tunc illis mentibus ardor  
 Concubitus! quæ vox saltante libidine! quantus  
 Ille meri veteris per crura madentia torrens!  
 Lenonum ancillas posita Saufeia corona 320  
 Provocat et tollit pendentis præmia coxæ:  
 Ipsa Medullinæ fluctum crissantis adorat.  
 Palmam inter dominas virtus natalibus æquat.  
 Nil ibi per ludum simulabitur: omnia fient  
 Ad verum, quibus incendi jam frigidus ævo  
 Laomedontiades et Nestoris hernia possit.  
 Tunc prurigo moræ impatiens, tunc femina simplex.  
 It toto<sup>g</sup> pariter repetitus clamor ab antro:  
 "Jam fas est; admitte viros!" Jam dormit adulter.  
 Illa jubet sumto juvenem properare cucullo. 330  
 Si nihil est, servis incurritur. Abstuleris spem  
 Servorum, venit et conductus aquarius. Hic si  
 Quæritur et desunt homines, mora nulla per ipsam,  
 Quo minus imposito clunem summittat asello.  
 Atque utinam ritus veteres et publica saltem  
 His intacta malis agerentur sacra! sed omnes

<sup>f</sup> collactea<sup>g</sup> Et toto

Noverunt Mauri atque Indi, quæ psalteria penem  
 Majorem, quam sunt duo Cæsaris Anticatores,  
 Illuc, testiculi sibi conscius unde fugit mus,  
 Intulerit, ubi velari pictura jubetur, 340  
 Quæcumque alterius sexus imitata figuram est.<sup>1</sup>

Et quis tunc hominum contemtor numinis? aut quis  
 Simpulum ridere Numæ nigrumque catinum  
 Et Vaticano fragiles de monte patellas  
 Ausus erat? Sed nunc ad quas non Clodius aras?

Audio, quid veteres olim moneatis amici.  
 "Pone seram, cohibe." Sed quis custodiet ipsos  
 Custodes? Cauta est et ab illis incipit uxor.  
 Jamque eadem summis pariter minimisque libido:  
 Nec melior, silicem pedibus quæ conterit atrum, 350  
 Quam quæ longorum vehitur cervice Syrorum.

Ut spectet ludos, conduit Ogulnia vestem,  
 Conduit comites, sellam, cervical, amicas,  
 Nutricem et flavam, cui det mandata, puellam.  
 Hæc tamen argenti superest quodcumque paterni  
 Levibus athleticis ac vasa novissima donat.  
 Multis res angusta domi est: sed nulla pudorem  
 Paupertatis habet, nec se metitur ad illum,  
 Quem dedit hæc posuitque modum. Tamen utile quid sit,  
 Prospiciunt aliquando viri, frigusque famemque 360  
 Formica tandem quidam expavere magistra.  
 Prodigæ non sentit pereuntem femina censum,  
 At, velut exhausta redivivus<sup>b</sup> pullulet arca  
 Nummus, et e pleno tollatur semper acervo,  
 Non unquam reputant, quanti sibi gaudia constant.

Sunt quas eunuchi imbelles ac mollia semper  
 Oscula delectent et desperatio barbæ.  
 Et quod abortivo non est opus. Illa voluptas  
 Summa tamen, quod jam calida matura juvena  
 Inguina traduntur medicis, jam pectine nigro. 370  
 Ergo spectatos ac jussos crescere primum

<sup>b</sup> Ac velut . . . recidivus

Testiculos, postquam cœperunt esse bilibres,  
 Tonsoris damno tautum rapit Heliodorus.  
 Conspieus longe eunetisque notabilis intrat  
 Balnea, nec dubie custodem vitis et horti  
 Provocat, a domina factus spado. Dormiat ille  
 Cum domina : sed tu jam durum, Postume, jamque  
 Tondendum eunucho Bromium committere noli.

Si gaudet cantu, nullius fibula durat  
 Voceem vendentis prætoribus ; organa semper 380  
 In manibus ; densi radiant testudine tota  
 Sardonyehes ; crispo numerantur pectine chordæ,  
 Quo tener Hedymeles operam dedit : hunc tenet, hoc se  
 Solatur gratoque indulget basia plectro.  
 Quædam de numero Lamiarum æe nominis alti  
 Cum farre et vino Janum Vestamque rogabat,  
 An Capitolinam deberet Pollio quercum  
 Sperare, et fidibus promittere. Quid faceret plus  
 Ægrotante viro ? medicis quid tristibus erga  
 Filiolum ? Stetit ante aram, noe turpe putavit 390  
 Pro cithara velare caput, dietataque verba  
 Pertulit, ut mos est, et aperta palluit agna.  
 Dic mihi nunc, quæso, dic, antiquissime Divum,  
 Respondes his, Jane pater ? Magna otia cœli :  
 Non est, ut video, non est quod agatur apud vos.  
 Hæc de comoedis te consulit ; illa tragœdum  
 Commendare volet : varicosus fiet haruspex.

Sed cantet potius, quam totam pervolet urbem  
 Audax, et cœtus possit quam ferre virorum,  
 Cumque paludatis ducibus præsentem marito 400  
 Ipsa loqui reeta facie strietisque mamillis.  
 Hæc eadem novit, quid toto fiat in orbe ;  
 Quid Seres, quid Thraces agant ; secreta novercæ  
 Et pueri ; quis amet, quis diripiatur adulter.  
 Dicet, quis viduam prægnantem fecerit, et quo  
 Mense ; quibus verbis concumbat quæque, modis quot.  
 Instantem regi Armenio Parthoque cometen

Prima videt ; famam rumoresque illa recentes  
 Excipit ad portas ; quosdam facit : isse Niphaten  
 In populos, magnoque illic cuncta arva teneri 410  
 Diluvio, nutare urbes, subsidere terras,  
 Quocunque in trivio, cuicunque est obvia, narrat.

Nec tamen id vitium magis intolerabile, quam quæ  
 Vicinos humiles rapere et concidere loris  
 Exorata solet. Nam si latratibus alti  
 Rumpuntur somni, "Fustes huc ocius," inquit,  
 "Afferte," atque illis dominum jubet ante feriri,  
 Deinde canem, gravis<sup>i</sup> occursu, teterrima vultu.  
 Balnea nocte subit ; conchas et castra moveri  
 Nocte jubet ; magno gaudet sudare tumultu. 420  
 Quum lassata gravi ceciderunt brachia massa  
 Callidus et cristæ digitos impressit aliptes,  
 Ac summum dominæ femur exclamare coegit,  
 (Convivæ miseri interea somnoque fameque  
 Urgentur) tandem illa venit rubicundula, totum  
 Cœnophorum sitiens, plena quod tenditur urna  
 Admotum pedibus, de quo sextarius alter  
 Ducitur ante cibum, rabidam facturus orexin,  
 Dum redit et loto terram ferit intestino.

Marmoribus rivi properant, aurata Falernum 430  
 Pelvis olet : nam sic, tanquam alta in dolia longus  
 Deciderit serpens, bibit et vomit. Ergo maritus  
 Nauseat atque oculis bilem substringit opertis.

Illam tamen gravior, quæ quum discumbere cœpit,  
 Laudat Virgilium, perituræ ignoscit Elissæ,  
 Committit vates et comparat ; inde Maronem  
 Atque alia parte in trutina suspendit Homerum.  
 Cedunt grammatici, vincuntur rhetores, omnis  
 Turba tacet : nec causidicus, nec præco loquatur,  
 Altera nec mulier : verborum tanta cadit vis ; 440  
 Tot pariter pelves, tot tintinnabula dicas  
 Pulsari. Jam nemo tubas, nemo æra fatiget :

<sup>i</sup> canem. Gravis &c.

Una laboranti poterit succurrere Lunæ.  
 Imponit finem sapiens et rebus honestis.  
 Nam quæ docta nimis cupit et facunda videri,  
 Crure tenus medio tunicas succingere debet,  
 Cædere Silvano porcum, quadrante lavari.  
 Non habeat matrona, tibi quæ juncta recumbit,  
 Dicendi genus, aut curtum sermone rotato  
 Torqueat enthymema, nec historias sciat omnes : 450  
 Sed quædam ex libris et non intelligat. Odi  
 Hanc ego, quæ repetit volvitque Palæmonis artem,  
 Servata semper lege et ratione loquendi,  
 Ignotosque mihi tenet antiquaria versus,  
 Nec curanda viris opicæ castigat amicæ  
 Verba. Solœcismum liceat fecisse marito.

Nil non permittit mulier sibi, turpe putat nil,  
 Quum virides gemmas collo circumdedit et quum  
 Auribus extentis magnos commisit elenchos.  
 Intolerabilius nihil est, quam femina dives. 460

Interea fœda aspectu ridendaque multo  
 Pane tumet facies, aut pingua Poppæana  
 Spirat, et hinc miseri viscantur labra mariti.  
 Ad mœchum veniet lota cute. Quando videri  
 Vult formosa domi ? mœchis foliata parantur ;  
 His emitur, quidquid graciles huc mittitis Indi.  
 Tandem aperit vultum, et tectoria prima reponit :  
 Incipit agnosci, atque illo lacte fovetur,  
 Propter quod secum comites educit asellas,  
 Exsul Hyperboreum si dimittatur ad axem. 470  
 Sed quæ mutatis inducitur atque fovetur  
 Tot medicaminibus, coctæque siliginis offas  
 Accipit et madidæ, facies dicetur, an ulcus ?

Est pretium curæ penitus cognoscere, toto  
 Quid faciant agitentque die. Si nocte maritus  
 Aversus jacuit, periit libraria, ponunt  
 Cosmetæ tunicas, tarde venisse Liburnus  
 Dicitur, et pœnas alieni pendere somni

Cogitur : hic frangit ferulas, rubet ille flagello<sup>k</sup>,  
 Hic scutica : sunt quæ tortoribus annua præsent. 480  
 Verberat atque obiter faciem linit, audit amicas  
 Aut latum pictæ vestis considerat aurum,  
 Et cædit ; longi relegit transversa diurni,  
 Et cædit, donec lassis cædentibus, Exi !  
 Intonet horrendum, jam cognitione peracta.

Præfectura domus Sicula non mitior aula.  
 Nam si constituit solitoque decentius optat  
 Ornari et properat, jamque exspectatur in hortis  
 Aut apud Isiacæ potius sacraria lenæ,  
 Disponit erinem, laceratis ipsa capillis, 490  
 Nuda humero Psecas infelix nudisque mamillis.  
 " Altior hic quare cinciunus ? " Taurea puuit  
 Continuo flexi crimen facinusque capilli.  
 Quid Psecas admisit ? quænam est hic culpa puellæ,  
 Si tibi displicuit nasus tuus ? Altera lævum  
 Extendit, pectitque comas et volvit in orbem.  
 Est in consilio matrona, admotaque lanis  
 Emerita quæ cessat acu : sententia prima  
 Hujus erit ; post hanc ætate atque arte minores  
 Censebunt, tanquam famæ discrimen agatur 500  
 Aut animæ : tanta est quærendi cura decoris :  
 Tot premit ordinibus, tot adhuc compagibus altum  
 Ædificat caput. Andromachen a fronte videbis :  
 Post minor est : credas aliam. Cedo, si breve parvi  
 Sortita est lateris spatium, breviorque videtur  
 Virgine Pygmæa, nullis adjuta cothurnis,  
 Et levis erecta consurgit ad oscula planta ?

Nulla viri cura interea, nec mentio fiet  
 Damnorum : vivit tanquam vicina marito,  
 Hoc solo propior, quod amicos conjugis odit 510  
 Et servos, gravis est rationibus. Ecce furentis  
 Bellonæ matrisque Deum chorus intrat et ingens  
 Semivir, obscæno facies reverenda minori,

<sup>k</sup> flagellis



Mollia qui rapta secuit genitalia testa  
 Jam pridem, cui rauca cohors, cui tympana cedunt  
 Plebeia, et Phrygia vestitur bucca tiara.  
 Grande sonat, metuique jubet Septembris et Austri  
 Adventum, nisi se centum lustraverit ovis,  
 Et xerampelinas veteres donaverit ipsi,  
 Ut, quidquid subiti et magni discriminis instat, 520  
 In tunicas eat, et totum semel expiet annum.  
 Hiibernum fracta glacie descendet in amnem,  
 Ter matutino Tiberi mergetur, et ipsis  
 Vorticibus timidum caput abluet; inde superbi  
 Totum regis agrum nuda ac tremebunda cruentis  
 Erepet genibus, si candida jusserit Io;  
 Ibit ad Ægypti finem calidaque petitas  
 A Meroe portabit aquas, ut spargat in ædem  
 Isidis, antiquo quæ proxima surgit ovili.  
 Credit enim ipsius dominæ se voce moneri. 530  
 En animam et mentem, cum qua Di nocte loquantur!  
 Ergo hic præcipuum summumque meretur honorem,  
 Qui, grege linigero circumdatus et grege calvo,  
 Plangentis populi currit derisor Anubis.  
 Ille petit veniam, quoties non abstinet uxor  
 Concubitu sacris observandisque diebus,  
 Magnaque debetur violato pœna cadurco,  
 Et movisse caput visa est argentea serpens.  
 Illius lacrimæ meditataque murmura præstant,  
 Ut veniam culpæ non abnuat, ansere magno 540  
 Scilicet et tenui popano corruptus Osiris.  
 Quum dedit ille locum: cophino fœnoque relicto,  
 Arcanam Judæa tremens mendicat in aurem,  
 Interpres legum Solymarum et magna sacerdos  
 Arboris ac summi fida internuntia cœli;  
 Implet et illa manum, sed parcius: ære minuto,  
 Qualiacunque voles Judæi somnia vendunt.  
 Spondet amatorem tenerum, vel divitis orbi  
 Testamentum ingens, calidæ pulmone columbæ

Tractato, Armenius vel Commagenus haruspex : 550  
 Pectora pullorum rimabitur<sup>l</sup>, exta catelli,  
 Interdum et pueri : faciet, quod deferat ipse.

Chaldaeis sed major erit fiducia : quidquid  
 Dixerit astrologus, credent a fonte relatum  
 Hammonis ; quoniam Delphis oracula cessant,  
 Et genus humanum damnat caligo futuri.  
 Præcipuus tamen est horum, qui sæpius exsul,  
 Cujus amicitia conducendaque tabella  
 Magnus civis obit et formidatus Othoni.  
 Inde fides artis<sup>m</sup>, sonuit si dextera ferro 560

Lævaque, si longo castrorum in carcere mansit.  
 Nemo mathematicus genium indemnatus habebit,  
 Sed qui pæne perit, cui vix in Cyclada mitti  
 Contigit et parva tandem caruisse Seripho.  
 Consulit ictericæ lento de funere matris,  
 Ante tamen de te, Tanaquil tua : quando sororem  
 Efferat et patruos ; an sit victurus adulter  
 Post ipsam : quid enim majus dare numina possunt ?

Hæc tamen ignorat, quid sidus triste minetur  
 Saturni, quo læta Venus se proferat astro, 570  
 Qui mensis damnis, quæ dentur tempora lucro :  
 Illius occursus etiam vitare memento,  
 In cujus manibus, ceu pingua succina, tritas  
 Cernis ephemeridas ; quæ nullum consulit et jam  
 Consulitur ; quæ castra viro patriamque petente  
 Non ibit pariter, numeris revocata Thrasylli.

Ad primum lapidem vectari quum placet, hora  
 Sumitur ex libro ; si prurit frictus ocelli  
 Angulus, inspecta genesi collyria poscit.  
 Ægra licet jaceat, capiendo nulla videtur 580  
 Aptior hora cibo, nisi quam dederit Petosiris.

Si mediocris erit ; spatium lustrabit utrinque  
 Metarum, et sortes ducet, frontemque manumque  
 Præbebit vati crebrum poppysma roganti.

l rimatur et

m arti

Divitibus responsa dabunt Phryx augur et Indus  
 Conductus, dabit astrorum mundique peritus  
 Atque aliquis senior, qui publica fulgura condit :  
 Plebeium in Circo positum est et in aggere fatum.  
 Quæ nudis longum ostendit cervicibus aurum,  
 Consulit ante phalas delphinorumque columnas, 590  
 An saga vendenti nubat, caupone relicto.

Hæ tamen et partus subeunt discrimen, et omnes  
 Nutricis tolerant fortuna urgente labores :  
 Sed jacet aurato vix ulla puerpera lecto.  
 Tantum artes hujus, tantum medicamina possunt,  
 Quæ steriles facit, atque homines in ventre necandos  
 Conducit. Gaude, infelix, atque ipse bibendum  
 Porrige, quidquid erit : nam si distendere vellet,  
 Et vexare uterum pueris salientibus, esses  
 Æthiopis fortasse pater : mox decolor heres 600  
 Impleret tabulas, nunquam tibi mane videndus.

Transeo suppositos, et gaudia vota que sæpe  
 Ad spurcos decepta lacus, atque inde petitos  
 Pontifices, Salios, Scaurorum nomina falso  
 Corpore latuos. Stat Fortuna improba noctu  
 Arridens nudis infantibus. Hos fovet omnes  
 Involvitque sinu : domibus tunc porrigit altis  
 Secretumque sibi mimum parat. Hos amat, his se  
 Ingerit, utque suos ridens producit alumnos.

Hic magicos affert cantus, hic Thessala vendit 610  
 Philtra, quibus valeant mentem vexare mariti,  
 Et solea pulsare nates. Quod desipis, inde est ;  
 Inde animi caligo, et magna oblivio rerum,  
 Quas modo gessisti. Tamen hoc tolerabile, si non  
 Et furere incipias, ut avunculus ille Neronis,  
 Cui totam tremuli frontem Cæsonia pulli  
 Infudit. Quæ non faciet quod Principis uxor ?  
 Ardebant cuncta, et fracta compage ruebant,  
 Non aliter, quam si fecisset Juno maritum  
 Insanum. Minus ergo nocens erit Agrippinæ 620

Boletus : siquidem unius præcordia pressit  
 Ille senis tremulumque caput descendere jussit  
 In cœlum et longa manantia labra saliva".  
 Hæc poscit ferrum atque ignes, hæc potio torquet,  
 Hæc lacerat mixtos Equitum cum sanguine Patres.  
 Tanti partus equæ, tanti una venefica constat !

Oderunt natos de pellice ; nemo repugnet,  
 Nemo vetet ; jam jam privignum occidere fas est.  
 Vos ego, pupilli, moneo, quibus amplior est res,  
 Custodite animas, et nulli credite mensæ :

630

Livida materno fervent adipata veneno.  
 Mordeat ante aliquis, quidquid porrexerit illa,  
 Quæ peperit ; timidus prægustet pocula pappas.  
 Fingimus hæc, altum satira sumente cothurnum,  
 Scilicet, et finem egressi legemque priorum  
 Grande Sophocleo carmen bacchamur hiatu,  
 Montibus ignotum Rutulis cœloque Latino !  
 Nos utinam vani ! sed clamat Pontia, " Feci,  
 Confiteor, puerisque meis aconita paravi,  
 Quæ deprensa patent : facinus tamen ipsa peregi."  
 Tunc duos una, sævissima vipera, cœna ?  
 Tunc duos ? " Septem, si septem forte fuissent."

640

Credamus tragicis, quidquid de Colchide sæva  
 Dicitur et Proene : nil contra conor : et illæ  
 Grandia monstra suis audebant temporibus ; sed  
 Non propter nummos. Minor admiratio summis  
 Debetur monstris, quoties facit ira nocentem  
 Hunc sexum : rabie<sup>o</sup> jecur incendente, feruntur  
 Præcipites ; ut saxa jugis abrupta, quibus mons  
 Subtrahitur clivoque latus pendente recedit.

650

Illam ego non tulerim, quæ computat, et scelus ingens  
 Sana facit. Spectant subeuntem fata mariti  
 Alcestim et, similis si permutatio detur,  
 Morte viri cupiant<sup>p</sup> animam servare catellæ.

• longam . . . salivam

° et rabie

p capient

Occurrent multæ tibi Belides atque Eriphylæ  
Mane ; Clytæmnestram<sup>a</sup> nullus non vicus habebit.  
Hoc tantum refert, quod Tyndaris illa bipennem  
Insulsam et fatuam dextra lævaque tenebat :  
At nunc res agitur tenui pulmone rubetæ :  
Sed tamen et ferro, si prægustabit Atrides  
Pontica ter victi cautus medicamina regis.

660

<sup>a</sup> Eriphylæ ; Mane clyt.

D. JUNII JUVENALIS  
S A T I R A R U M  
LIBER TERTIUS.

~~~~~  
SATIRA VII.

Et spes et ratio studiorum in Cæsare tantum :  
Solut enim tristes hac tempestate Camenas  
Respexit, quum jam celebres notique poetæ  
Balneolum Gabiis, Romæ conducere furnos  
Tentarent, nec fœdum alii, nec turpe putarent  
Præcones fieri ; quum, desertis Aganippes  
Vallibus, esuriens migraret in Atria Clio.  
Nam si Pieria quadrans tibi nullus in umbra  
Ostendatur, ames nomen victumque Machæræ  
Et vendas potius, commissa quod auctio vendit 10  
Stantibus, cenophorum, tripodes, armaria, cistas,  
Alcithoen Pacci<sup>r</sup>, Thebas et Terea Fausti.  
Hoc satius, quam si dicas sub iudice, “ Vidi,”  
Quod non vidisti. Faciant equites Asiani  
Quanquam, et Cappadoces faciant equitesque Bithyni,  
Altera quos nudo traducit Gallia talo.  
Nemo tamen studiis indignum ferre laborem  
Cogetur posthac, nequit quicumque canoris  
Eloquium vocale modis, laurumque momordit.  
Hoc agite, O juvenes : circumspicit et stimulat vos 20  
Materiamque sibi Ducis indulgentia quærit.

<sup>r</sup> Aleyonen Bacchi.

Si qua aliunde putas rerum expectanda tuarum  
 Præsidia, atque ideo crocææ membrana tabellæ  
 Impletur: lignorum aliquid posce ocius et, quæ  
 Componis, dona Veneris, Telesine, marito,  
 Aut clude et positos tinea pertunde libellos.  
 Frange miser calamos vigilataque prælia dele,  
 Qui facis in parva sublimia carmina cella,  
 Ut dignus venias hederis et imagine macra.  
 Spes nulla ulterior: didicit jam dives avarus  
 Tantum admirari, tantum laudare disertos,  
 Ut pueri Junonis avem. Sed defluit ætas  
 Et pelagi patiens et cassidis atque ligonis.  
 Tædia tunc subeunt animos, tunc seque suamque  
 Terpsichoren odit facunda et nuda senectus.

30

Accipe nunc artes, ne quid tibi conferat iste,  
 Quem colis, et Musarum et Apollinis æde relictæ.  
 Ipse facit versus atque uni cedit Homero  
 Propter mille annos: et, si dulcedine famæ  
 Succensus recites, maculosas commodat ædes;  
 Hæc longe ferrata domus servire jubetur,  
 In qua sollicitas imitatur janua portas.  
 Scit dare libertos extrema in parte sedentes  
 Orlinis et magnas comitum disponere voces.  
 Nemo dabit regum, quanti subsellia constant  
 Et quæ conducto pendent anabathra tigillo,  
 Quæque reportandis posita est orchestra cathedris.  
 Nos tamen hoc agimus tenuique in pulvere sulcos  
 Ducimus et litus sterili versamus aratro.  
 Nam si discedas, laqueo tenet ambitiosi  
 Consuetudo mali; tenet insanabile multos  
 Scribendi cacoethes, et ægro in corde senescit.  
 Sed vatem egregium, cui non sit publica vena,  
 Qui nihil expositum soleat deducere, nec qui  
 Communi feriat carmen triviale moneta,  
 Hunc, qualem nequeo monstrare et sentio tantum,

40

50

Anxietate carens animus facit, omnis acerbi  
 Impatiens, cupidus silvarum aptusque bibendis  
 Fontibus Aonidum. Neque enim cantare sub antro  
 Pierio thyrsumve potest contingere mœsta<sup>t</sup> 60  
 Paupertas atque æris inops, quo nocte dieque  
 Corpus eget: satur est, quum dicit Horatius, Eucœ!  
 Quis locus ingenio, nisi quum se carmine solo  
 Vexant, et dominis Cirrhæ Nysæque feruntur  
 Pectora nostra, duas non admittentia curas?  
 Magnæ mentis opus nec de lodice paranda  
 Attonitæ, currus et equos faciesque Deorum  
 Aspicere, et qualis Rutulum confundat Erinnyes.  
 Nam si Virgilio puer et tolerabile deesset  
 Hospitium, caderent omnes a crinibus hydri; 70  
 Surda nihil gemeret grave buccina. Poscimus, ut sit  
 Non minor antiquo Rubrenus Lappa cothurno,  
 Cujus et alveolos et lænam pignerat Atreus.  
 Non habet infelix Numitor, quod mittat amico:  
 Quintillæ quod donet, habet; nec defuit illi,  
 Unde emeret multa pascendum carne leonem  
 Jam domitum: constat leviori bellua sumtu  
 Nimirum, et capiunt plus intestina poetæ.  
 Contentus fama jaceat Lucanus in hortis  
 Marmoreis: at Serrano tenuique Saleio 80  
 Gloria quantalibet quid erit, si gloria tantum est?  
 Curritur ad vocem jucundam et carmen amicæ  
 Thebaidos, lætam fecit quum Statius Urbem  
 Promisitque diem. Tanta dulcedine captos  
 Afficit ille animos tantaque libidine vulgi  
 Auditur: sed, quum fregit subsellia versu,  
 Esurit, intactam Paridi nisi vendat Agaven.  
 Ille et militiæ multis largitur honorem,  
 Semestri vatum digitos circumligat auro.  
 Quod non dant proceres, dabit histrio: tu Camerinos  
 Et Barcas, tu nobilium magna atria curas? 90

<sup>t</sup> contingere sana.



Præfectos Pelopea facit, Philomela tribunos.  
 Haud tamen invidas vati, quem pulpita pascunt.  
 Quis tibi Mæcenas? quis nunc erit aut Proculeius  
 Aut Fabius? quis Cotta iterum? quis Lentulus alter?  
 Tunc par ingenio pretium; tunc utile multis  
 Pallere et vinum toto nescire Decembri.

Vester porro labor fecundior, historiarum  
 Scriptores? petit hic plus temporis atque olei plus:  
 Namque oblita modi millesima pagina surgit 100  
 Omnibus et multa crescit damnosa papyro.  
 Sic ingens rerum numerus jubet atque operum lex.  
 Quæ tamen iude seges? terræ quis fructus apertæ?  
 Quis dabit historico, quantum daret acta legenti?  
 Sed genus ignavum, quod lecto gaudet et umbra!

Dic igitur, quid causidicis civilia præsent  
 Officia, et magno comites in fasce libelli?  
 Ipsi magna sonant, sed tunc, quum creditor audit,  
 Præcipue, vel si tetigit latus acrior illo,  
 Qui venit ad dubium grandi cum codice nomen. 110  
 Tunc immensa cavi spirant mendacia folles  
 Conspuiturque sinus. Veram deprendere messem  
 Si libet: hinc centum patrimonia causidicorum,  
 Parte alia solum russati pone Lacernæ.  
 Consedere Duces: surgis tu pallidus Ajax  
 Dicturus dubia pro libertate, bubulco  
 Judice. Rumpe miser tensum jecur, ut tibi lasso  
 Figantur virides, scalarum gloria, palmæ.  
 Quod vocis pretium? siccus petasunculus et vas  
 Pelamydum, aut veteres, Afrorum epimenia, bulbi, 120  
 Aut vinum Tiberi devectum, quinque lagenæ<sup>a</sup>,  
 Si quater egisti. Si contigit aureus unus,  
 Inde cadunt partes, ex fœdere, pragmaticorum.  
 “Æmilio dabitur, quantum petet, et melius nos  
 Egimus: hujus enim stat currus æneus, alti  
 Quadrijuges in vestibulis, atque ipse feroci

<sup>a</sup> lagenæ. Si qu. egisti, si

Bellatore sedens curvatum hastile minatur  
 Eminus, et statua meditatur prælia lusca."  
 Sic Pedito conturbat, Matho deficit; exitus hic est  
 Tongilli, magno cum rhinocerote lavari 130  
 Qui solet et vexat lutulenta balnea turba  
 Perque forum juvenes longo premit assere Medos,  
 Emturnus pueros, argentum, murrhina, villas:  
 Spondet enim Tyrio staltaria purpura filo.  
 Et tamen est illis hoc utile: purpura vendit  
 Causidicum, vendunt amethystina: convenit illis  
 Et strepitu et facie majoris vivere census.  
 Sed finem impensæ non servat prodiga Roma.  
 Fidimus eloquio? Ciceroni nemo ducentos  
 Nunc dederit nummos, nisi fulserit annulus ingens. 140  
 Respicit hæc primum, qui litigat, an tibi servi  
 Octo, decem comites, an post te sella, togati  
 Ante pedes. Ideo conducta Paullus agebat  
 Sardonyche, atque ideo pluris, quam Cossus agebat,  
 Quam Basilus. Rara in tenui facundia panno.  
 Quando licet Basilo flentem producere matrem?  
 Quis bene dicentem Basilum ferat? Accipiat te  
 Gallia, vel potius nutricula causidicorum  
 Africa, si placuit mercedem imponere linguæ.  
 Declamare doces? O ferrea pectora Vetti\*, 150  
 Quum perimit sævos classis numerosa tyrannos!  
 Nam quæcunque sedens modo legerat, hæc eadem stans  
 Proferet, atque eadem cantabit versibus isdem.  
 Occidit miseros crambe repetita magistros.  
 Quis color et quod sit causæ genus, atque ubi summa  
 Quæstio, quæ veniant diversa parte sagittæ,  
 Nosse velint omnes, mercedem solvere nemo.  
 "Mercedem appellas? quid enim scio?" Culpa docentis  
 Scilicet arguitur, quod læva in parte mamillæ  
 Nil salit Arcadio<sup>z</sup> juveni, cujus mihi sexta 160  
 Quaque die miserum dirus caput Hannibal implet;

\* Vecti.

† Perferet

\* Arcadico.

Quidquid id est, de quo deliberat, an petat Urbem  
 A Cannis, an post nimbos et fulmina cautus  
 Circumagat madidas a tempestate cohortes.  
 "Quantum vis stipulare, et protinus accipe quod do,  
 Ut toties illum pater audiat." Hæc alii sex  
 Vel plures uno conclamant ore sophistæ,  
 Et veras agitant lites, raptore relicto ;  
 Fusa venena silent, malus ingratusque maritus,  
 Et quæ jam veteres sanant mortaria cæcos. 170  
 Ergo sibi dabit ipse rudem, si nostra movebunt  
 Consilia, et vitæ diversum iter ingreditur,  
 Ad pugnam qui rhetorica descendit ab umbra,  
 Summula ne pereat, qua vilis tessera venit  
 Frumenti : quippe hæc merces lautissima. Tenta,  
 Chrysogonus quanti doceat, vel Pollio quanti  
 Lautorum pucros, artem scindens Theodori.  
 Balnea sexcentis et pluris porticus, in qua  
 Gestetur dominus, quoties pluit. Anne serenum  
 Exspectet spargatque luto jumenta recenti ? 180  
 Hic potius : namque hic mundæ nitet ungula mulæ.  
 Parte alia longis Numidarum fulta columnis  
 Surgat, et algentem rapiat cœnatio solem.  
 Quanticunque domus, veniet qui fercula docte  
 Componat ; veniet qui pulmentaria condat.  
 Hos inter sumtus sestertia Quintiliano,  
 Ut multum, duo sufficient : res nulla minoris  
 Constabit patri, quam filius. "Unde igitur tot  
 Quintilianus habet saltus ?" Exemplâ novorum  
 Fatorum transi. Felix et pulcher et acer ; 190  
 Felix et sapiens et nobilis et generosus,  
 Appositam nigræ lunam subtexit alutæ ;  
 Felix, orator quoque maximus et jaculator :  
 Et si perfrixit, cantat bene. Distat enim, quæ  
 Sidera te excipiant modo primos incipientem  
 Edere vagitus et adhuc a matre rubentem.  
 Si Fortuna volet, fies de rhetore Consul :

Si volet hæc eadem, fies de Consule rhetor.  
 Ventidius quid enim? quid Tullius? anne aliud, quam  
 Sidus et occulti miranda potentia fati? 200  
 Servis regna dabunt, captivis fata triumphos.  
 Felix ille tamen corvo quoque rarior albo.  
 Pœnituit multos vanæ sterilisque cathedræ,  
 Sicut Thrasy Machi probat exitus atque Secundi  
 Carinatis: et hunc inopem vidistis, Athenæ,  
 Nil præter gelidas ausæ conferre cicutas.  
 Dî, majorum umbris tenuem et sine pondere terram  
 Spirantesque crocos et in urna perpetuum ver,  
 Qui præceptorem sancti voluere parentis  
 Esse loco! Metuens virgæ jam grandis Achilles 210  
 Cantabat patriis in montibus: et enî non tunc  
 Eliceret risum citharœdi cauda magistri?  
 Sed Rufum atque alios cædit sua quemque juvenus,  
 Rufum, qui toties Ciceronem Allobroga dixit.

Quis gremio Enceladi doctique Palæmonis affert  
 Quantum grammaticus meruit labor? et tamen ex hoc  
 Quodcunque est (minus est autem, quam rhetoris æra)  
 Discipuli custos præmordet Acœnonetus  
 Et, qui dispensat, frangit sibi. Cede, Palæmon,  
 Et patere inde aliquid decrescere, non aliter, quam 220  
 Institor hibernæ tegetis niveique cadurci;  
 Dummodo non pereat, mediæ quod noctis ab hora  
 Sedisti, qua nemo faber, qua nemo sederet,  
 Qui docet obliquo lanam deducere ferro;  
 Dummodo non pereat totidem olfecisse lucernas,  
 Quot stabant pueri, quum totus decolor esset  
 Flaccus et hæreret nigro fuligo Maroni.  
 Rara tamen merces, quæ cognitione tribuni  
 Non egeat. Sed vos sævas imponite leges,  
 Ut præceptorum verborum regula constet, 230  
 Ut legat historias, auctores noverit omnes,  
 Tanquam unguis digitosque suos: ut forte rogatus,  
 Dum petit aut thermas aut Phœbi balnea, dicat

Nutricem Anchisæ, nomen patriamque novercæ  
 Archemori<sup>a</sup>; dicat, quot Acestes vixerit annos,  
 Quot Siculus Phrygibus vini donaverit urnas.  
 Exigite, ut mores teneros ceu pollice ducat,  
 Ut si quis cera vultum facit; exigite, ut sit  
 Et pater ipsius cœtus, ne turpia ludant,  
 Ne faciant vicibus. "Non est leve tot puerorum 240  
 Observare manus oculosque in fine trementes."  
 "Hæc," inquit, "cures et, quum se verterit annus,  
 Accipe, victori populus quod postulat, aurum."



## SATIRA VIII.

STEMMATA quid faciunt? quid prodest, Pontice, longo  
 Sanguine censeri, pictosque ostendere vultus  
 Majorum et stantes in curribus Æmilianos,  
 Et Curios jam dimidios, humerosque minorem  
 Corvinum, et Galbam auriculis nasoque carentem?  
 Quis fructus, generis tabula jactare capaci  
 [Corvinum, posthac multa contingere virga]  
 Fumosos equitum cum dictatore magistros,  
 Si coram Lepidis male vivitur? effigies quo  
 Tot bellatorum, si luditur alea pernox 10  
 Ante Numantinos; si dormire incipis ortu  
 Luciferi, quo signa duces et castra movebant?  
 Cur Allobrogicis et magna gaudeat ara  
 Natus in Herculeo Fabius Lare, si cupidus, si  
 Vanus et Euganea quantumvis mollior agna;  
 Si tenerum attritus Catinensi pumice lumbum  
 Squalentes traducit avos emtorque veneni  
 Frangenda miseram funestat imagine gentem?  
 Tota licet veteres exornent undique ceræ

\* Anchemoli

Atria, nobilitas sola est atque unica virtus. 20  
 Paullus vel Cossus vel Drusus moribus esto;  
 Hos ante effigies majorum pone tuorum;  
 Præcedant ipsas illi te Consule virgas.  
 Prima mihi debes animi bona: sanctus haberi  
 Justitiæque tenax factis dictisque mereris,  
 Agnosco procerem. Salve, Gætulice, seu tu  
 Silanus, quocunque alio de sanguine, rarus  
 Civis et egregius patriæ contingis ovanti.  
 Exclamare libet, populus quod clamat, Osiri  
 Invento. Quis enim generosum dixerit hunc, qui 30  
 Indignus genere et præclaro nomine tantum  
 Insignis? Nanum cujusdam Atlanta vocamus,  
 Æthiopem cygnum, pravam extortamque puellam  
 Europen; canibus pigris scabieque vetusta  
 Levibus et siccæ lambentibus ora lucernæ  
 Nomen erit pardus, tigris, leo, si quid adhuc est,  
 Quod fremat in terris violentius. Ergo cavebis  
 Et metues, ne tu sis Creticus aut Camerinus.

His ego quem monui? tecum est mihi sermo, Rubelli  
 Plaute. Tumes alto Drusorum stemmate, tanquam 40  
 Feceris ipse aliquid, propter quod nobilis esses,  
 Ut te conciperet quæ sanguine fulget Iuli,  
 Non quæ ventoso conducta sub aggere textit.  
 "Vos humiles," inquis, "vulgi pars ultima nostri,  
 Quorum nemo queat patriam monstrare parentis:  
 Ast ego Cecropides!" Vivas et originis hujus  
 Gaudia longa feras: tamen ima plebe Quiritem  
 Facundum invenies; solet hic defendere causas  
 Nobilis indocti; veniet de plebe togata,  
 Qui juris nodos et legum ænigmata solvat. 50  
 Hic petit Euphraten juvenis domitique Batavi  
 Custodes aquilas, armis industrius: at tu  
 Nil nisi Cecropides truncoque simillimus Hermæ  
 Nullo quippe alio vincis discrimine, quam quod  
 Illi marmoreum caput est, tua vivit imago.

Die mihi, Teucrorum proles, animalia muta  
 Quis generosa putet, nisi fortia? nempe volucrem  
 Sic laudamus equum, facili cui plurima palma  
 Fervet et exsultat rauco victoria Circo.

Nobilis hic, quocunque venit de gramine, cujus  
 Clara fuga ante alios et primus in æquore pulvis:  
 Sed venale pecus Corythæ posteritas et  
 Hirpini, si rara jugo victoria sedit.

Nil ibi majorum respectus, gratia nulla  
 Umbrarum: dominos pretiis mutare jubentur  
 Exiguus, trito ducunt epirhedia collo  
 Segnipedes, dignique molam versare Nepotis.  
 Ergo ut miremur te, non tua, primum aliquid da,  
 Quod possim titulis incidere, præter honores,  
 Quos illis damus et dedimus, quibus omnia debes.

Hæc satis ad juvenem, quem nobis fama superbum  
 Tradit et inflatum plenumque Nerone propinquo:

Rarus enim ferme sensus communis in illa  
 Fortuna. Sed te censi laude tuorum,  
 Pontice, noluerim sic, ut nihil ipse futuræ  
 Laudis agas. Miserum est aliorum incumbere famæ,  
 Ne collapsa ruant subductis tecta columnis.  
 Stratus humi palmes viduas desiderat ulmos.  
 Esto bonus miles, tutor bonus, arbiter idem  
 Integer; ambiguae si quando citabere testis  
 Incertæque rei, Phalaris licet imperet, ut sis  
 Falsus, et admoto dictet perjurium tauro:

Summum crede nefas animam præferre pudori  
 Et propter vitam vivendi perdere causas.  
 Dignus morte perit, cœnet licet ostrea centum  
 Gaurana et Cosmi toto mergatur aheni.

Expectata diu tandem provincia quum te  
 Rectorem accipiet, pone iræ fræna modumque,  
 Pone et avaritiæ: miserere inopum sociorum;  
 Ossa vides regum vacuis exsucta medullis.

Respice, quid moneant leges, quid curia mandet,

Præmia quanta bonos maneant, quam fulmine justo  
 Et Capito et Numitor ruerint, damnante Senatu,  
 Piratæ Cilicum. Sed quid damnatio confert,  
 Quum Pansa cripiat, quidquid tibi Natta reliquit?  
 Præconem, Chærippe, tuis circumspice pannis,  
 Jamque tace: furor est post omnia perdere nulum.  
 Non idem gemitus olim, neque vulnus erat par  
 Damnorum, sociis florentibus et modo victis.  
 Plena domus tunc omnis, et ingens stabat acervus 100  
 Nummorum, Spartana chlamys, conchyliæ Coa,  
 Et cum Parrhasii tabulis signisque Myronis  
 Phidiacum vivebat ebur; nec non Polycleti  
 Multus ubique labor; raræ sine Mentore mensæ.  
 Inde Dolabella est atque hinc Antonius, inde  
 Sacrilegus Verres: referebant navibus altis  
 Occulta spolia et plures de pace triumphos.  
 Nunc sociis juga pauca bonum, grex parvus equarum,  
 Et pater armenti capto eripietur agello;  
 Ipsi deinde Lares, si quod spectabile signum, 110  
 Si quis in ædicula Deus unicus. Hæc etenim sunt  
 Pro summis: nam sunt hæc maxima. Despicias tu  
 Forsitan imbelles Rhodios unctamque Coriuthum:  
 Despicias merito. Quid resinata juvenus,  
 Cruraque totius facient tibi levia gentis?  
 Horrida vitanda est Hispania, Gallicus axis  
 Illyricumque latus: parce et messoribus illis,  
 Qui saturant urbem, Circo scenæque vacantem.  
 Quanta autem inde feres tam diræ præmia culpæ,  
 Quum tennes nuper Marius discinxerit Afros! 120  
 Curandum imprimis, ne magna injuria fiat  
 Fortibus et miseris: tollas licet omne, quod usquam est  
 Auri atque argenti, scutum gladiumque relinquens  
 Et jacula et galeam: spoliatis arma supersunt.  
 Quod modo proposui, non est sententia: verum  
 Credite me vobis folium recitare Sibyllæ.  
 Si tibi sancta cohors comitum, si nemo tribunal



Vendit Acersecomes, si nullum in conjuge crimen,  
 Nec per conventus et cuncta per oppida curvis  
 Unguibus ire parat nummos raptura Celæno: 130  
 Tunc licet a Pico numeres genus, altaque si te  
 Nomina delectant, omnem Titanida pugnam  
 Inter majores ipsumque Promethea ponas:  
 De quocunque voles proavum tibi sumito libro.  
 Quod si præcipitem rapit ambitio atque libido,  
 Si frangis virgas sociorum in sanguine, si te  
 Delectant hebetes lasso lictore secures:  
 Incipit ipsorum contra te stare parentum  
 Nobilitas, claramque facem præferre pudendis. 140  
 Omne animi vitium tanto conspectius in se  
 Crimen habet, quanto major qui peccat habetur.  
 Quo mihi, te solitum falsas signare tabellas  
 In templis, quæ fecit avus, statuamque parentis  
 Ante triumphalem? quo, si nocturnus adulter  
 Tempora Santonico velas adoperta cucullo?  
 Præter majorum cineres atque ossa volueri  
 Carpento rapitur pinguis Lateranus<sup>a</sup>, et ipse,  
 Ipse rotam adstringit multo sufflamine Consul;  
 Nocte quidem: sed luna videt, sed sidera testes  
 Intendunt oculos. Finitum tempus honoris 150  
 Quum fuerit, clara Lateranus<sup>b</sup> luce flagellum  
 Sumet, et occursum nunquam trepidabit amici  
 Jam senis, ac virga prior annuet, atque maniplos  
 Solvet, et infundet jumentis hordea lassis.  
 Interea dum lanatas torvumque juvenum  
 More Numæ cædit Jovis ante altaria, jurat  
 Solam Eponam et facies olida ad præsepia pictas.  
 Sed quum pervigiles placet instaurare popinas:  
 Obvius assiduo Syrophœnix udus amomo  
 Currit, Idumææ Syrophœnix incola portæ, 160  
 Hospitis affectu dominum regemque salutat,  
 Et cum venali Cyane succincta lagena.

<sup>a</sup> Damasippus et<sup>b</sup> Damasippus

Defensor culpæ dicet mihi, "fecimus et nos  
 Hæc juvenes." Esto. Desisti nempe, nec ultra  
 Fovisti errorem. Breve sit, quod turpiter audes;  
 Quædam cum prima resecentur crimina barba;  
 Indulge veniam pueris: Lateranus<sup>c</sup> ad illos  
 Thermarum calices inscriptaque lintea vadit,  
 Maturus bello, Armeniæ Syriæque tuendis  
 Annibus et Rheno atque Istro. Præstare Neronem 170  
 Securum valet hæc ætas. Mitte Ostia, Cæsar,  
 Mitte: sed in magna legatum quære popina;  
 Invenies aliquo cum percussore jacentem,  
 Permixtum nautis et furibus ac fugitivis,  
 Inter carnifices et fabros sandapilarum  
 Et resupinati cessantia tympana Galli.  
 Æqua ibi libertas, communia pocula, lectus  
 Non alius cuiquam, nec mensa remotior ulli.  
 Quid facias talem sortitus, Pontice, servum?  
 Nempe in Lucanos aut Tusca ergastula mittas. 180  
 At vos, Trojugenæ, vobis ignoscitis, et quæ  
 Turpia cerdoni, Volesos Brutumque decebunt.  
 Quid, si nunquam adeo fœdis adeoque pudendis  
 Utimur exemplis, ut non pejora supersint?  
 Consumtis opibus vocem, Damasippe, locasti  
 Sipario, clamosum ageres ut Phasma Catulli.  
 Laureolum velox etiam bene Lentulus egit,  
 Judice me dignus vera cruce. Nec tamen ipsi  
 Ignoscas populo: populi frons durior hujus,  
 Qui sedet et spectat triscurria patriciorum, 190  
 Planipedes audit Fabios, ridere potest qui  
 Mamercorum alapas. Quanti sua funera vendant,  
 Quid refert? Vendunt nullo cogente Nerone,  
 [Nec dubitant Celsi prætoris vendere ludis.]  
 Finge tamen gladios inde, atque hinc pulpita pone:  
 Quid satius? Mortem sic quisquam exhorruit, ut sit  
 Zelotypus Thymeles, stupidi collega Corinthi?

<sup>c</sup> Damasippus

Res haud mira tamen, citharædo Principe, mimus  
 Nobilis. Hæc ultra quid erit, nisi ludus? Et illud  
 Dedecus urbis habes: nec mirmillonis in armis, 200  
 Nec clypeo Gracchum pugnantem aut falce supina.  
 (Damnat enim tales habitus; et<sup>d</sup> damnat et odit)  
 Nec galea faciem abscondit; movet ecce tridentem,  
 Postquam librata pendentia retia dextra  
 Nequidquam effudit, uudum ad spectacula vultum  
 Erigit et tota fugit agnoscendus arena.  
 Credamus tunicæ, de faucibus aurea quum se  
 Porrigat et longo jactetur spira galero.  
 Ergo ignominiam graviorem pertulit omni  
 Vulnere cum Graccho jussus pugnare sequutor. 210

Libera si dentur populo suffragia, quis tam  
 Perditus, ut dubitet Senecam præferre Neroni;  
 Cujus supplicio non debuit una parari  
 Simia, nec serpens unus, nec culeus unus?  
 Par Agamemnonidæ crimen; sed causa facit rem  
 Dissimilem. Quippe ille Deis auctoribus ultor  
 Patris erat cæsi media inter pocula: sed nec  
 Electræ jugulo se polluit aut Spartani  
 Sanguine conjugii; nullis aconita propinquis  
 Miscuit, in scena nunquam cantavit Orestes, 220  
 Troica non scripsit. Quid enim Verginius armis  
 Debuit ulcisci magis, aut cum Vindice Galba?  
 Quid Nero tam sæva crudaque tyrannide fecit?  
 Hæc opera atque hæ sunt generosi Principis artes,  
 Gaudentis fœdo peregrina ad pulpita cantu  
 Prostitui, Graiæque apium meruisse coronæ.  
 Majorum effigies habeant insignia vocis:  
 Ante pedes Domiti longum tu pone Thyestæ  
 Syrma vel Antigones, tu personam<sup>e</sup> Menalippes,  
 Et de marmoreo citharam suspende colosso. 230  
 Quid, Catilina, tuis natalibus atque Cethegi  
 Inveniet quisquam sublimius? Arma tamen vos

<sup>d</sup> sed<sup>e</sup> seu personam

Nocturna et flammās domibus templisque parastis,  
 Ut Braccatorum pueri Senonumque minores,  
 Ausi, quod liceat tunica punire molesta.  
 Sed vigilat consul vexillaque vestra coercet.  
 Hic novus Arpinas, ignobilis et modo Romæ  
 Municipalis eques, galeatum ponit ubique  
 Præsidium attonitis, et in omni gente laborat. 240  
 Tantum igitur muros intra toga contulit illi  
 Nominis et tituli, quantum non Leucade, quantum  
 Thessaliæ campis Octavius abstulit udo  
 Cædibus assiduis gladio. Sed Roma parentem,  
 Roma Patrem Patriæ Ciceronem libera dixit.  
 Arpinas alius Volscorum in monte solebat  
 Poscere mercedes, alieno lassus aratro;  
 Nodosam post hæc frangebatur vertice vitem,  
 Si lentus pigra muniret castra dolabra:  
 Hic tamen et Cimbros et summa pericula rerum  
 Excipit, et solus trepidantem protegit urbem; 250  
 Atque ideo, postquam ad Cimbros stragemque volabant  
 Qui nunquam attigerant majora cadavera corvi,  
 Nobilis ornatur lauro collega secunda.  
 Plebeia Deciorum animæ, plebeia fuerunt  
 Nomina: pro totis legionibus hi tamen et pro  
 Omnibus auxiliis atque omni pube Latina  
 Sufficiunt Dis infernis Terræque parenti:  
 Pluris enim Decii, quam quæ servantur ab illis.  
 Ancilla natus trabeam et diadema Quirini  
 Et fasces meruit, regum ultimus ille bonorum. 260  
 Proditæ laxabant portarum claustra tyrannis  
 Exsulibus juvenes ipsius Consulis et quos  
 Magnum aliquid dubia pro libertate deceret,  
 Quod miraretur cum Coclite Mucius et quæ  
 Imperii fines, Tiberinum, virgo natavit.  
 Occulta ad Patres produxit crimina servus,  
 Matronis lugendus: at illos verbera justis  
 Afficiunt pœnis et legum prima securis.

Malo pater tibi sit Thersites, dummodo tu sis  
 Æacidae similis Vulcaniaque arma capessas,  
 Quam te Thersitæ similem producat Achilles.  
 Et tamen, ut longe repetas longeque revolvās  
 Nomen, ab infami gentem deducis asylo.  
 Majorum primus quisquis fuit ille tuorum,  
 Aut pastor fuit aut illud, quod dicere nolo.

270

## SATIRA IX.

SCIRE velim, quare toties mihi, Nævole, tristis  
 Occurras fronte obducta, ceu Marsya victus.  
 Quid tibi cum vultu, qualem deprensus habebat  
 Ravola, dum Rhodopes uda terit inguina barba?  
 Nos colaphum incutimus lambenti crustula servo.  
 Non erat hac facie miserabilior Crepereius  
 Pollio, qui triplicem usuram præstare paratus  
 Circuit et fatuos non invenit. Unde repente  
 Tot rugæ? certe modico contentus agebas  
 Vernam equitem, conviva joco mordente facetus,  
 Et salibus vehemens intra pomeria natis.  
 Omnia nunc contra: vultus gravis, horrida siccæ  
 Silva comæ, nullus tota nitor in cute, qualem  
 Bruttia præstabat calidi tibi fascia visci:  
 Sed fruticante pilo neglecta et squalida crura.  
 Quid macies ægri veteris, quem tempore longo  
 Torret quarta dies, olimque domestica febris?  
 Deprendas animi tormenta latentis in ægro  
 Corpore, deprendas et gaudia: sumit utrumque  
 Inde habitum facies. Igitur flexisse videris  
 Propositum et vitæ contrarius ire priori.  
 Nuper enim, ut repeto, fanum Isidis et Ganymeden,

10

20

Pacis et advectæ secreta palatia Matris  
 Et Cererem (nam quo non prostat femina templo?)  
 Notior Aufidio mœchus celebrare solebas,  
 Quodque taces, ipsos etiam inclinare maritos.  
 “Utile et hoc multis vitæ genus : at mihi nullum  
 Inde operæ pretium. Pingues aliquando laceruas,  
 Munimenta togæ, duri crassique coloris,  
 Et male percussas textoris pectine Galli 30  
 Accipimus, tenue argentum venæque secundæ.  
 Fata regunt homines : fatum est et partibus illis,  
 Quas sinus abscondit. Nam si tibi sidera cessant,  
 Nil faciet longi mensura incognita nervi,  
 Quamvis te nudum spumanti Virro labello  
 Viderit, et blandæ assidue densæque tabellæ  
 Sollicitent : αὐτὸς γὰρ ἐφέλκεται ἄνδρα κίναϊδος.  
 Quod tamen ulterius monstrum, quam mollis avarus?  
 Hæc tribui, deinde illa dedi, mox plura tulisti?  
 Computat ac cœvet. ‘Ponatur calculus, adsint 40  
 Cum tabula pueri : numera : sestertia quinque  
 Omnibus in rebus : numerentur deinde labores.  
 An facile et primum est agere intra viscera penem  
 Legitimum, atque illic hesternæ occurrere cœnæ?  
 Servus erit minus ille miser, qui foderit agrum,  
 Quam dominum. Sed tu sane tenerum et puerum te,  
 Et pulcrum, et dignum cyatho cœloque putabas.  
 Vos humili asseclæ, vos indulgebitis unquam  
 Cultori, jam nec morbo donare parati?  
 En, cui tu viridem umbellam, cui succina mittas 50  
 Grandia, natalis quoties redit aut madidum ver  
 Incipit, et strata positus longaque cathedra  
 Munera femineis tractas secreta Calendis!  
 Dic, passer, cui tot montes, tot prædia servas  
 Appula, tot milvos intra tua pascua lassos?  
 Te Trifolinus ager fecundis vitibus implet  
 Suspectumque jugum Cumis et Gaurus inanis.  
 Nam quis plura linit victuro dolia musto?

Quantum erat exhausti lumbos donare clientis  
 Jugeribus paucis! meliusne hic rusticus infans, 60  
 Cum matre et casulis et collusore catello,  
 Cymbala pulsantis legatum fiet amici?  
 'Improbis es, quum poscis,' ait. Sed pensio clamat,  
 Posce; sed appellat puer unicus, ut Polyphemi  
 Lata acies, per quam sollers evasit Ulixes.  
 Alter emendus erit; namque hic non sufficit: ambo  
 Pascendi. Quid agam bruma spirante? quid, oro,  
 Quid dicam scapulis puerorum Aquilone Decembri  
 Et pedibus? 'durate atque exspectate cicadas?'  
 Verum, ut dissimules, ut mittas cetera, quanto 70  
 Metiris pretio, quod, ni tibi deditus essem  
 Devotusque cliens, uxor tua virgo maneret?  
 Scis certe, quibus ista modis, quam sæpe rogaris  
 Et quæ pollicitus. Fugientem sæpe puellam  
 Amplexu rapui: tabulas quoque ruperat, et jam  
 Signabat. Tota vix hoc ego nocte redemi,  
 Te plorante foris. Testis mihi lectulus et tu,  
 Ad quem pervenit lecti sonus et dominæ vox.  
 Instabile ac dirimi cœptum et jam pæne solutum  
 Conjugium in multis domibus servavit adulter. 80  
 Quo te circumagas? quæ prima aut ultima ponas?  
 Nullum ergo meritum est, ingratis ac perfide, nullum,  
 Quod tibi filiulus vel filia nascitur ex me?  
 Tollis enim, et libris actorum spargere gaudes  
 Argumenta viri. Foribus suspende coronas,  
 Jam pater es: dedimus, quod famæ opponere possis;  
 Jura parentis habes, propter me scriberis heres,  
 Legatum omne capis, nec non et dulce caducum.  
 Commoda præterea jungentur multa caducis,  
 Si numerum, si tres implevero."—Justa doloris, 90  
 Nævole, causa tui. Contra tamen ille quid affert?—  
 "Negligit atque alium bipedem sibi quærit asellum.

Hæc soli commissa tibi celare memento,  
 Et tacitus nostras intra te fige querelas.

Nam res mortifera est inimicus pumice levis.  
 Qui modo secretum commiserat, ardet et odit,  
 Tanquam prodiderim, quidquid scio. Sumere ferrum,  
 Fuste aperire caput, candelam apponere valvis  
 Non dubitat. Nec contemnas aut despicias, quod  
 His opibus nunquam cara est annona veneni. 100  
 Ergo occulta teges, ut curia Martis Athenis.—  
 O Corydon, Corydon, secretum divitis ullum  
 Esse putas? Servi ut taceant, jumenta loquentur  
 Et canis et postes et marmora. Claude fenestras,  
 Vela tegant rimas, junge ostia, tollite lumen  
 E medio, clamant omnes, prope nemo recumbat :  
 Quod tamen ad cantum galli facit ille secundi,  
 Proximus ante diem caupo sciet : audiet et quæ  
 Finxerunt pariter librarius, archimagiri,  
 Carptores. Quod enim dubitant componere crimen  
 In dominos, quoties rumoribus ulciscuntur 110  
 Baltea? Nec deerit qui te per compita quærat  
 Nolentem et miseram vinosus inebriet aurem.  
 Illos ergo roges, quidquid paullo ante petebas  
 A nobis ; taceant illi : sed prodere malunt  
 Arcanum, quam surrepti potare Falerni,  
 Pro populo faciens quantum Saufeia bibebat.  
 Vivendum recte est quum propter plurima, tum his  
 Præcipue causis, ut linguas mancipiorum  
 Contemnas : nam lingua mali pars pessima servi. 120  
 Deterior tamen hic, qui liber non erit illis,  
 Quorum animas et farre suo custodit et ære.  
 “ [Idcirco ut possim linguam contemnere servi,]  
 Utile consilium modo, sed commune, dedisti :  
 Nunc mihi quid suades post damnum temporis et spes  
 Deceptas? Festinat enim decurrere velox  
 Flosculus angustæ miseræque brevissima vitæ  
 Portio : dum bibimus, dum sorta, unguenta, puellas  
 Poscimus, obrepat non intellecta senectus.”—  
 Ne trepida : nunquam pathicus tibi deerit amicus, 130



Stantibus et salvis his collibus; undique ad illos  
 Convenient et carpentis et navibus omnes,  
 Qui digito scalpunt uno caput. Altera major  
 Spes superest: tu tantum erueis imprime dentem.—  
 “Hæc exempla para felicibus: at mea Clotho  
 Et Lachesis gaudent, si pascitur inguine venter.  
 O parvi nostrique lares, quos thure minuto  
 Aut farre et tenui soleo exorare corona,  
 Quando ego figam aliquid, quo sit mihi tuta senectus  
 A tegete et baculo? viginti millia fenus 140  
 Pignoribus positis, argenti vascula puri,  
 Sed quæ Fabricius Censor notet, et duo fortes  
 De grege Mæsorum, qui me cervice locata  
 Securum jubeant clamoso insistere Circo?  
 Sit mihi præterea curvus cælator et alter,  
 Qui multas facies fingat<sup>f</sup> cito: sufficiunt hæc,  
 Quando ego pauper ero. Votum miserabile, nec spes  
 His saltem: nam, quum pro me Fortuna rogatur,  
 Affixit ceras illa de nave petitas,  
 Quæ Siculos cantus effugit remige surdo.” 150

<sup>f</sup> fingit pingat

D. JUNII JUVENALIS  
S A T I R A R U M

LIBER QUARTUS.

SATIRA X.

OMNIBUS in terris, quæ sunt a Gadibus usque  
Auroram et Gangem, pauci dignoscere possunt  
Vera bona atque illis multum diversa, remota  
Erroris nebula. Quid enim ratione timemus  
Aut cupimus? quid tam dextro pede concipis, ut te  
Conatus non pœniteat votique peracti?  
Evertere domos totas optantibus ipsis  
Dî faciles; nocitura toga, nocitura petuntur  
Militia; torrens dicendi copia multis  
Et sua mortifera est facundia; viribus ille 10  
Confusus periit admirandusque lacertis.  
Sed plures nimia congesta pecunia cura  
Strangulat, et cuncta exsuperans patrimonia census,  
Quanto delphinis balæna Britannica major.  
Temporibus diris igitur jussuque Neronis  
Longinum et magnos Senecæ prædivitis hortos  
Clausit, et egregias Lateranorum obsidet ædes  
Tota cohors: rarus venit in cœnacula miles.  
Pauca licet portes argenti vascula puri,  
Nocte iter ingressus gladium contumque timebis 20  
Et motæ ad lunam trepidabis arundinis umbram:  
Cantabit vacuus coram latrone viator.

Prima fere vota et cunctis notissima templis  
 Divitiæ, crescant ut opes, ut maxima toto  
 Nostra sit arca foro. Sed nulla aconita bibuntur  
 Fictilibus : tunc illa time, quum pocula sumes  
 Gemmata et lato Setinum ardebit in auro.  
 Jamne igitur laudas, quod de sapientibus alter  
 Ridebat, quoties de limine moverat unum  
 Protuleratque pedem ; flebat contrarius alter ? 30  
 Sed facilis cuivis rigidi censura cachinni :  
 Mirandum est, unde ille oculis suffecerit humor.  
 Perpetuo risu pulmonem agitare solebat  
 Democritus, quanquam non esset urbibus illis  
 Prætexta et trabæ, fascēs, lectica, tribunal.  
 Quid, si vidisset prætorem curribus altis  
 Exstantem et medio sublimem in pulvere Circi,  
 In tunica Jovis, et pictæ Sarrana ferentem  
 Ex humeris aulæa togæ magnæque coronæ  
 Tantum orbem, quanto cervix non sufficit ulla ? 40  
 Quippe tenet sudans hanc publicus, et, sibi Consul  
 Ne placeat, curru servus portatur eodem.  
 Da nunc et volucrem, sceptro quæ surgit eburno,  
 Illinc cornicines, hinc præcedentia longi  
 Agminis officia et niveos ad fræna Quirites,  
 Defossa in loculis quos sportula fecit amicos.  
 Tum quoque materiam risus invenit ad omnes  
 Occursus hominum, ejus prudentia monstrat  
 Summos posse viros et magna exempla daturus  
 Vervecum in patria crassoque sub aere nasci. 50  
 Ridebat curas, nec non et gaudia vulgi,  
 Interdum et lacrimas. quum Fortunæ ipse minaci  
 Mandaret laqueum, mediumque ostenderet unguem.

Ergo supervacua hæc aut pernicioſa petuntur,  
 Propter quæ fas est genua iucerare deorum.  
 Quosdam præcipitat subjecta potentia magnæ  
 Invidiæ ; mergit longa atque insignis honorum  
 Pagina ; descendunt statuæ restemque sequuntur.

Ipsas deinde rotas bigarum impacta securis  
 Cædit, et immeritis franguntur crura caballis. 60  
 Jam stridunt ignes, jam foliibus atque caminis  
 Ardet adoratum populo caput, et crepat ingens  
 Sejanus: deinde ex facie toto orbe secunda  
 Fiunt urceoli, pelves, sartago, patellæ.  
 "Pone domi lauros, duc in Capitolia magnum  
 Cretatumque bovem: Sejanus ducitur unco  
 Spectandus! gaudent omnes. Quæ labra? quis illi  
 Vultus erat? nunquam, si quid mihi credis, amavi  
 Hunc hominem." "Sed quo cecidit sub crimine? quisnam  
 Delator? quibus indiciis, quo teste probavit?" 70  
 "Nil horum: verbosa et grandis epistola venit  
 A Capreis." "Bene habet; nil plus interrogo. Sed quid  
 Turba Remi?" "Sequitur fortunam, ut semper, et odit  
 Damnatos. Idem populus, si Nurtia Tusco  
 Favisset, si oppressa foret secunda senectus  
 Principis, hac ipsa Sejanum diceret hora  
 Augustum. Jam pridem, ex quo suffragia nulli  
 Vendimus, effudit curas. Nam qui dabat olim  
 Imperium, fascēs, legiones, omnia, nunc se  
 Continet, atque duas tantum res anxius optat, 80  
 Panem et Circenses." "Perituros audio multos."  
 "Nil dubium: magna est fornacula: pallidulus mi  
 Brutidius meus ad Martis fuit obviū aram.  
 Quam timeo, victus ne pœnas exigit Ajax,  
 Ut male defensus!" "Curramus præcipientes et,  
 Dum jacet in ripa, calcemus Cæsaris hostem."  
 "Sed videant servi, ne quis neget et pavidum in jus  
 Cervicē astricta dominum trahat." Ili sermones  
 Tunc de Sejano, secreta hæc murmura vulgi.  
 Visne salutari sicut Sejanus? habere 90  
 Tantundem atque illi summas donare curules,  
 Illum exercitibus præponere? tutor haberi  
 Principis angusta Caprearum in rupe sedentis  
 Cum grege Chaldaeo? Vis certe pila, cohortes,

- Egregios equites et castra domestica. Quidni  
 Hæc cupias? et qui nolunt occidere quenquam,  
 Posse volunt. Sed quæ præclara et prospera, tantum  
 Ut rebus lætis par sit mensura malorum?  
 Hujus, qui trahitur, prætextam sumere mavis,  
 An Fidenarum Gabiorumque esse potestas, 100  
 Et de mensura jus dicere, vasa minora  
 Frangere, pannosus vacuis Ædilis Ulubris?  
 Ergo quid optandum foret, ignorasse fateris  
 Sejanum: nam qui nimios optabat honores  
 Et nimias poscebat opes, numerosa parabat  
 Excelsæ turris tabulata, unde altior esset  
 Casus, et impulsæ præceps immane ruinæ.  
 Quid Crassos, quid Pompeios evertit? et illum,  
 Ad sua qui domitos deduxit flagra Quirites?  
 Summus nempe locus nulla non arte petitus, 110  
 Magnaque numinibus vota exaudita malignis.  
 Ad generum Cereris sine cæde et vulnere pauci  
 Descendunt reges et sicca morte tyranni.
- Eloquium ac famam Demosthenis aut Ciceronis  
 Incipit optare et totis Quinquatribus optat,  
 Quisquis adhuc uno partam colit asse Minervam,  
 Quem sequitur custos angustæ vernula capsæ.  
 Eloquio sed uterque perit orator; utrumque  
 Largus et exundans leto dedit ingenii fons.  
 Ingenio manus est et cervix cæsa; nec unquam 120  
 Sanguine cauidici maduerunt rostra pusilli.  
 "O fortunatam natam me Consule Romam!"  
 Antoni gladios potuit contemnere, si sic  
 Omnia dixisset. Ridenda poemata malo,  
 Quam te conspicuæ, divina Philippica, famæ,  
 Volveris a primæ quæ proxima. Sævus et ilium  
 Exitus eripuit, quem mirabantur Athenæ  
 Torrentem et pleni moderantem fræna theatri.  
 Dis ille adversis genitus fatoque sinistro,  
 Quem pater, ardentis massæ fuligine lippus, 130

A carbone et forcipibus gladiosque parante  
Incude et luteo Vulcano ad rhetora misit.

Bellorum exuviæ, truncis affixa tropæis  
Lorica, et fracta de casside buccula pendens,  
Et curtum temone jugum, victæque triremis  
Aplustre, et summo tristis captivus in arcu,  
Humanis majora bonis creduntur : ad hoc se  
Romanus Graiusque ac barbarus induperator  
Erexit : causas discriminis atque laboris  
Inde habuit. Tanto major famæ sitis est, quam 140  
Virtutis. Quis enim virtutem amplectitur ipsam,  
Præmia si tollas ? Patriam tamen obruit olim  
Gloria paucorum et laudis titulique cupido  
Hæsuri saxis cinerum custodibus, ad quæ  
Discutienda valent sterilis mala robora ficus :  
Quandoquidem data sunt ipsis quoque fata sepulcris.  
Expende Hannibalem ; quot libras in duce summo  
Invenies ? hic est quem non capit Africa Mauro  
Percussa Oceano Niloque admota tepenti,  
Rursus ad Æthiopum populos altosque elephantos. 150  
Additur imperiis Hispania : Pyrenæum  
Transilit. Opposuit natura Alpemque nivemque :  
Diducit scopulos et montem rumpit aceto.  
Jam tenet Italiam : tamen ultra pergere tendit :  
“ Actum,” inquit, “ nihil est, nisi Pœno milite portas  
Frangimus et media vexillum pono Suburra.”  
(O qualis facies et quali digna tabella,  
Quum Gætula ducem portaret bellua luscum !)  
Exitus ergo quis est ? O gloria ! vincitur idem  
Nempe et in exilium præceps fugit, atque ibi magnus  
Mirandusque cliens sedet ad prætoria regis, 160  
Donec Bithyno libeat vigilare tyranno.  
Finem animæ, quæ res humanas miscuit olim,  
Non gladii, non saxa dabunt, nec tela ; sed ille  
Cannarum vindex et tanti sanguinis ultor,  
Annulus. I, demens, et sævas curre per Alpes,

Ut pueris placeas et declamatio fias!  
 Unus Pellæo juveni non sufficit orbis:  
 Æstuat infelix angusto limite mundi,  
 Ut Gyari clausus scopulis parvaque Seripho: 170  
 Quum tamen a figulis munitam intraverit urbem,  
 Sarcophago contentus erit. Mors sola fatetur,  
 Quantula sint hominum corpuscula. Creditur olim  
 Velificatus Athos, et quidquid Græcia mendax  
 Audet in historia: constratum classibus îdem  
 Suppositumque rotis solidum mare: credimus altos  
 Defecisse amnes epotaque flumina, Medo  
 Prandente, et madidis cantat quæ Sostratus alis.  
 Ille tamen qualis rediit Salaminæ relictæ,  
 In Corum atque Eurum solitus sævire flagellis 180  
 Barbarus, Æolio nunquam hoc in carcere passos,  
 Ipsum compedibus qui vinxerat Ennosigæum?  
 (Mitius id sane, quod non et stigmatæ dignum  
 Credidit. Huic quisquam vellet servire Deorum!)  
 Sed qualis rediit? nempe una nave, cruentis  
 Fluctibus, ac tarda per densa cadavera prora.  
 Has toties optata exegit gloria pœnas!  
 "Da spatium vitæ, multos da, Jupiter, annos!"  
 Hoc recto vultu solum, hoc et pallidus optas.  
 Sed quam continuis et quantis longa senectus 190  
 Plena malis! Deformem et tetrum ante omnia vultum  
 Dissimilemque sui, deformem pro cute pellem,  
 Pendentesque genas et tales aspice rugas,  
 Quales, umbriferos ubi pandit Tabraca saltus,  
 In vetula scalpit jam mater simia bucca.  
 Plurima sunt juvenum discrimina: pulcrior ille  
 Hoc, atque ille alio; multum hic robustior illo:  
 Una senum facies, cum voce trementia membra,  
 Et jam leve caput madidique infantia nasi.  
 Frangendus misero gingiva panis inermi: 200  
 Usque adeo gravis uxori natisque sibique,  
 Ut captatori moveat fastidia Cosso.

Non eadem vini atque cibi, torpente palato,  
 Gaudia: nam coitus jam longa oblivio; vel si  
 Coneris, jacet exiguus cum ramice nervus  
 Et, quamvis tota palpetur nocte, jacebit.  
 Anne aliquid sperare potest hæc inguinis ægri  
 Canities? quid? quod merito suspecta libido est,  
 Quæ Venerem affectat sine viribus. Aspice partis  
 Nunc damnum alterius: nam quæ cantante voluptas, 210  
 Sit licet eximius citharædus sitve Seleucus,  
 Et quibus aurata mos est fulgere lacerna?  
 Quid refert, magni sedeat qua parte theatri,  
 Qui vix cornicines exaudiet atque tubarum  
 Concentus? clamore opus est, ut sentiat auris,  
 Quem dicat venisse puer, quot nunciet horas.  
 Præterea minimus gelido jam in corpore sanguis  
 Febre calet sola; circumssilit agmine facto  
 Morborum omne genus: quorum si nomina quæras,  
 Promptius expediam, quot amaverit Hippia mœchos, 220  
 Quot Themison ægros autumnno occiderit uno,  
 Quot Basilus socios, quot circumscripserit Hirrus  
 Pupillos, quot longa viros exsorbeat uno  
 Maura die, quot discipulos inclinet Hamillus;  
 Percurram citius, quot villas possideat nunc,  
 Quo tondente gravis juveni mihi barba sonabat.  
 Ille humero, hic lumbis, hic coxa debilis; ambos  
 Perdidit ille oculos et luscis invidet; hujus  
 Pallida labra cibum accipiunt digitis alienis.  
 Ipse ad conspectum cœnæ diducere rictum 230  
 Suetus, hiat tantum, ceu pullus hirundinis, ad quem  
 Ore volat pleno mater jejuna. Sed omni  
 Membrorum damno major dementia, quæ nec  
 Nomina servorum, nec vultum agnoscit amici,  
 Cum quo præterita cœnavit nocte, nec illos,  
 Quos genuit, quos eduxit. Nam codice sævo  
 Heredes vetat esse suos; bona tota feruntur  
 Ad Phialen: tantum artificis valet halitus oris,



Quod steterat multis in carcere fornicis annis.  
 Ut vigeant sensus animi, ducenda tamen sunt 240  
 Funera natorum, rogos aspiciendus amatae  
 Conjugis et fratris plenæque sororibus urnæ.  
 Hæc data poena diu viventibus, ut renovata  
 Semper clade domus, multis in luctibus inque  
 Perpetuo mœrore et nigra veste senescant.  
 Rex Pylus, magno si quidquam credis Homero,  
 Exemplum vitæ fuit a cornice secundæ.  
 "Felix nimirum, qui tot per secula mortem  
 Distulit atque suos jam dextra computat annos,  
 Quique novum toties mustum bibit." Oro, parumper 250  
 Attendas, quantum de legibus ipse queratur  
 Fatorum et nimio de stamine, quum videt acris  
 Antilochi barbam ardentem; quum quærit ab omni,  
 Quisquis adest socius, cur hæc in tempora duret,  
 Quod facinus dignum tam longo admiserit ævo?  
 Hæc eadem Peleus, raptum quum luget Achillem,  
 Atque alius, cui fas Ithacum lugere natantem.  
 Incolumi Troja Priamus venisset ad umbras  
 Assaraci, magnis solemnibus, Hectoræ funus  
 Portante ac reliquis fratrum cervicibus, inter 260  
 Iliadum lacrimas, ut primos edere planctus  
 Cassandra inciperet scissaque Polyxena palla,  
 Si foret extinctus diverso tempore, quo non  
 Cœperat audaces Paris ædificare carinas.  
 Longa dies igitur quid contulit? omnia vidit  
 Eversa et flammis Asiam ferroque cadentem.  
 Tunc miles tremulus posita tulit arma tiara  
 Et ruit ante aram summi Jovis, ut vetulus bos,  
 Qui domini cultris tenue et miserabile collum  
 Præbet, ab ingrato jam fastiditus aratro. 270  
 Exitus ille utcunque hominis: sed torva canino  
 Latravit rictu, quæ post hunc vixerat, uxor.  
 Festino ad nostros, et regem transeo Ponti,  
 Et Cræsum, quem vox justi facunda Solonis

Respicere ad longæ jussit spatia ultima vitæ.  
 Exsilium et carcer, Minturnarumque paludes,  
 Et mendicatus victa Carthagine panis  
 Hinc causas habuere. Quid illo cive tulisset  
 Natura in terris, quid Roma beatius unquam,  
 Si, circumducto captivorum agmine et omni  
 Bellorum pompa, animam exhalasset opimam,  
 Quum de Teutonico vellet descendere curru?  
 Provida Pompeio dederat Campania febres  
 Optandas: sed multæ urbes et publica vota  
 Vicerunt. Igitur Fortuna ipsius et urbis  
 Servatum victo caput abstulit. Hoc cruciatu  
 Lentulus, hac pœna caruit ceciditque Cethegus  
 Integer, et jacuit Catilina cadavere toto.

280

Formam optat modico pueris, majore puellis  
 Murmure, quum Veneris fanum videt anxia mater,  
 Usque ad delicias votorum. "Cur tamen," inquit,  
 "Corripias? Pulera gaudet Latona Diana."  
 Sed vetat optari faciem Lucretia, qualem  
 Ipsa habuit: cuperet Rutilæ Virginia gibbum  
 Accipere atque suam Rutilæ dare. Filius autem  
 Corporis egregii miseros trepidosque parentes  
 Semper habet. Rara est adeo concordia formæ  
 Atque pudicitia. Sanctos licet horrida mores  
 Tradiderit domus, ac veteres imitata Sabinos,  
 Præterea castum ingenium vultumque modesto  
 Sanguine ferventem tribuat natura benigna  
 Larga manu: (quid enim puero conferre potest plus  
 Custode et cura natura potentior omni?)  
 Non licet esse viros: nam prodiga corruptoris  
 Improbilas ipsos audet tentare parentes.  
 Tanta in muueribus fiducia! Nullus ephebum  
 Deformem sæva castravit in arce tyrannus:  
 Nec prætextatum rapuit Nero loripedem, nec  
 Strumosum atque utero pariter gibboque tumentem.  
 I nunc et juvenis specie lætare tui! quem

290

300

310

Majora expectant discrimina? fiet adulter  
 Publicus, et pœnas metuet, quascunque maritis  
 Iratis debet: nec erit<sup>f</sup> felicior astro  
 Martis, ut in laqueos nunquam incidat. Exigit autem  
 Interdum ille dolor plus, quam lex ulla dolori  
 Concessit. Necat hic ferro, secat ille cruentis  
 Verberibus, quosdam mœchos et mugilis intrat.  
 Sed tuus Endymion dilectæ fiet adulter  
 Matronæ: mox quum dederit Servilia nummos,  
 Fiet et illius, quam non amat; exuet omnem 320  
 Corporis ornatum. Quid enim ulla negaverit udis  
 Inguinibus, sive est hæc Oppia, sive Catulla?  
 Deterior totos habet illic femina mores.  
 "Sed casto quid forma nocet?" Quid profuit immo  
 Hippolyto grave propositum? quid Bellerophonti?  
 Erubuit nempe hæc, ceu fastidita; repulso<sup>g</sup>  
 Nec Sthenebœa minus, quam Cressa, excanduit, et se  
 Concussere ambæ. Mulier sævissima tunc est,  
 Quum stimulos odio pudor admovet. Elige, quidquam  
 Suadendum esse putes, cui nubere Cæsaris uxor 330  
 Destinat. Optimus hic et formosissimus idem  
 Gentis patriciæ rapitur miser extinguendus  
 Messalinæ oculis: dudum sedet illa parato  
 Flammeolo, Tyriusque palam genialis in hortis  
 Sternitur, et ritu decies centena dabuntur  
 Antiquo: veniet cum signatoribus auspex.  
 Hæc tu secreta et paucis commissa putabas?  
 Non nisi legitime vult nubere. Quid placeat, dic:  
 Ni parere velis, pereundum erit ante lucernas:  
 Si scelus admittas, dabitur mora parvula, dum res 340  
 Nota urbi et populo contingat principis aures.  
 Dedecus ille domus sciet ultimus: interea tu  
 Obsequere imperio: sit tanti vita dierum  
 Paucorum. Quidquid melius leviusque putaris,  
 Præbenda est gladio pulcra hæc et candida cervix.

<sup>f</sup> Exigere irati: nec erit<sup>g</sup> fastidita, repulso Nec

“ Nil ergo optabunt homines ? ” Si consilium vis,  
 Permittes ipsis expendere numinibus, quid  
 Conveniat nobis, rebusque sit utile nostris.  
 Nam pro jueundis aptissima quæque dabunt Di.  
 Carior est illis homo, quam sibi. Nos animorum 350  
 Impulsu et cæca magnaue cupidine ducti  
 Conjugium petimus partumque uxoris: at illis  
 Notum, qui pueri qualisque futura sit uxor.  
 Ut tamen et poseas aliquid, voveasque sacellis  
 Extæ, et candiduli divina tomacula porci:  
 Orandum est, ut sit mens sana in corpore sano.  
 Fortem posee animum, mortis terrore carentem,  
 Qui spatium vitæ extremum inter munera ponat  
 Naturæ, qui ferre queat quoscunque labores,  
 Nesciat irasci, cupiat nihil et potiores 360  
 Hereulis ærumnas credat sævosque labores  
 Et Venere et cœnis et pluma Sardanapali.  
 Monstro quod ipse tibi possis dare: semita certe  
 Tranquillæ per virtutem patet unica vitæ.  
 Nullum numen abest, si sit Prudentia: nos te,  
 Nos facimus, Fortuna, Deam cœloque locamus.



## SATIRA XI.

ATTICUS eximie si cœnat, lautus habetur :  
 Si Rutilus, demens. Quid enim majore eachinno  
 Excipitur vulgi, quam pauper Apicius ? Omnis  
 Convictus, thermæ, stationes, omne theatrum  
 De Rutilo. Nam dum valida ac juvenalia membra  
 Sufficiunt galeæ, dumque ardens sanguine, fertur,  
 (Non cogente quidem, sed nec prohibente tribuno,)

Scripturus leges et regia verba lanistæ.  
 Multos porro vides, quos sæpe elusus ad ipsum

Creditor introitum solet expectare macelli,  
 Et quibus in solo vivendi causa palato est. 10  
 Egregius cœnat meliusque miserrimus horum,  
 Et cito casurus jam perlucete ruina.  
 Interea gustus elementa per omnia quærunt,  
 Nunquam animo pretiis obstantibus : interius si  
 Attendas, magis illa juvant, quæ pluris emuntur.  
 Ergo haud difficile est perituram arcessere summam,  
 Lancibus oppositis vel matris imagine fracta,  
 Et quadringentis nummis condire gulosum  
 Fictile. Sic veniunt ad miscellanea ludi. 20  
 Refert ergo, quis hæc eadem paret : in Rutilo nam  
 Luxuria est, in Ventidio laudabile nomen  
 Sumit et a censu famam trahit. Illum ego jure  
 Despiciam, qui scit, quanto sublimior Atlas  
 Omnibus in Libya sit montibus, hic tamen idem  
 Ignoret, quantum ferrata distet ab arca  
 Sacculus. E cœlo descendit γυνῶθι σεαυτὸν,  
 Figendum et memori tractandum pectore, sive  
 Conjugium quæras vel sacri in parte Senatus  
 Esse velis, (nec enim lorica poscit Achillis 30  
 Thersites, in qua se traducebat Ulixes  
 Ancipitem.) seu tu magno discrimine causam  
 Protegere affectas ; te consule, dic tibi, quis sis,  
 Orator vehemens, an Curtius et Matho buccæ.  
 Noscenda est mensura sui spectandaque rebus  
 In summis minimisque ; etiam quum piscis emetur,  
 Ne mullum cupias, quum sit tibi gobio tantum  
 In oculis. Quis enim te, deficiente crumena,  
 Et crescente gula, manet exitus, ære paterno  
 Ac rebus mersis in ventrem, fœnoris atque 40  
 Argenti gravis et pecorum agrorumque capacem ?  
 Talibus a dominis post cuncta novissimus exit  
 Annulus, et digito mendicat Pollio nudo.  
 Non præmaturi cineres, nec funus acerbum  
 Luxuriæ, sed morte magis metuenda senectus.

Hi plerumque gradus : conducta pecunia Romæ  
 Et coram dominis consumitur : inde ubi paullum  
 Nescio quid superest et pallet fenoris auctor,  
 Qui vertere solum, Baias et ad Ostia currunt<sup>h</sup>.  
 Cedere namque foro jam non est deterius, quam  
 Esquilias a ferventi migrare Suburra.

50

Ille dolor solus patriam fugientibus, illa  
 Mœstitia est caruisse anno Circensibus uno.  
 Sanguinis in facie non hæret gutta : morantur  
 Pauci ridiculum fugientem ex urbe Pudorem.

Experiere hodie, numquid pulcherrima dictu,  
 Persice, non præstem vita vel moribus et re ;  
 Sed laudem siliquas occultus ganeo ; pultes  
 Coram aliis dictem puero, sed in aure placentas.  
 Nam quum sis conviva mihi promissus, habebis  
 Evandrum, venies Tirynthius aut minor illo  
 Hospes et ipse tamen contingens sanguine cœlum :  
 Alter aquis, alter flammis ad sidera missus.  
 Fercula nunc audi nullis ornata macellis.

60

De Tibertino veniet pinguissimus agro  
 Hædulus et toto grege mollior, inscius herbæ,  
 Necdum ausus virgas humilis mordere salicti,  
 Qui plus lactis habet, quam sanguinis ; et montani  
 Asparagi, posito quos legit villica fuso.

70

Grandia præterea tortoque calentia fœno  
 Ova adsunt ipsis cum matribus, et servatæ  
 Parte anni, quales fuerant in vitibus, uvæ :  
 Signinum Syriumque pirum, de corbibus isdem  
 Æmula Picenis et odoris mala recentis,  
 Nec metuenda tibi, siccatum frigore postquam  
 Autumnum et crudi posuere pericula succi.  
 Hæc olim nostri jam luxuriosa Senatus  
 Cœna fuit. Curius, parvo quæ legerat horto,  
 Ipse focus brevibus ponebat oluscula, quæ nunc  
 Squalidus in magna fastidit compede fossor,

80

<sup>h</sup> Ostrea currunt

Qui meminit, calidæ sapiat quid vulva popinæ.  
 Sicci terga suis, rara pendentia crate,  
 Moris erat quondam festis servare diebus  
 Et natalicium cognatis ponere lardum,  
 Accedente nova, si quam dabat hostia, carne.  
 Cognatorum aliquis titulo ter consulis atque  
 Castrorum imperiis et dictatoris honore  
 Functus, ad has epulas solito maturius ibat,  
 Erectum domito referens a monte ligonem.  
 Quum tremerent autem Fabios durumque Catonem 96  
 Et Scauros et Fabricios, postremo severos  
 Censoris mores etiam collega timeret :  
 Nemo inter curas et seria duxit habendum,  
 Qualis in Oceani fluctu testudo nataret,  
 Clarum Trojugenis factura ac nobile fulcrum :  
 Sed nudo latere et parvis frons aerea lectis  
 Vile coronati caput ostendebat aselli,  
 Ad quod lascivi ludebant ruris alumni.  
 Tales ergo cibi, qualis domus atque supellex.  
 Tunc rudis et Graias mirari nescius artes, 100  
 Urbibus eversis, prædarum in parte reperta  
 Magnorum artificum frangebat pocula miles,  
 Ut phaleris gauderet equus, cælataque cassis  
 Romuleæ simulacra feræ mansuescere jussæ  
 Imperii fato, geminos sub rupe Quirinos,  
 Ac nudam effigiem clypeo venientis et hasta  
 Pendentisque Dei, perituro ostenderet hosti.  
 Argenti quod erat, solis fulgebat in armis.  
 Ponebant igitur Tusco farrata catino ;  
 Omnia tunc, quibus invidas, si lividulus sis. 110  
 Templorum quoque majestas præsentior, et vox  
 Nocte fere media, mediamque audita per urbem,  
 Litore ab Oceani Gallis venientibus et Dis  
 Officium vatis peragentibus, his monuit nos.  
 Hanc rebus Latiis curam præstare solebat  
 Fictilis et nullo violatus Jupiter auro.

Illa domi natas nostraque ex arbore mensas  
 Tempora viderunt : hos lignum stabat in usus,  
 Annosam si forte nucem dejecerat Euris.  
 At nunc divitibus cœnandi nulla voluptas, 120  
 Nil rhombus, nil dama sapit, putere videntur  
 Unguenta atque rosæ, latos nisi sustinet orbes  
 Grande ebur, et magno sublimis pardus hiatu,  
 Dentibus ex illis, quos mittit porta Syenes  
 Et Mauri celeres et Mauro obscurior Indus,  
 Et quos deposuit Nabathæo bellua saltu,  
 Jam nimios capitique graves. Hinc surgit orexis,  
 Hinc stomacho bilis : nam pes argenteus illis,  
 Annulus in digito quod ferreus. Ergo superbum  
 Convivam caveo, qui me sibi comparat, et res 130  
 Despiciit exiguas. Adeo nulla uncia nobis  
 Est eboris, nec tessellæ, nec calculus ex hac  
 Materia : quin ipsa manubria cultellorum  
 Ossea : non tamen his ulla unquam opsonia fiunt  
 Rancidula, aut ideo pejor gallina secatur.  
 Sed nec structor erit, cui cedere debeat omnis  
 Pergula, discipulus Trypheri doctoris, apud quem  
 Sumine cum magno lepus, atque aper, et pygargus,  
 Et Scythicæ volucres, et phœnicopterus ingens,  
 Et Gætulus oryx hebeti lautissima ferro 140  
 Cæditur et tota sonat ulmea cœna Suburra.  
 Nec frustum capræ subducere, nec latus Afræ  
 Novit avis noster tirunculus, ac rudis omni  
 Tempore, et exiguæ furtis imbutus ofellæ.  
 Plebeios calices et paucis assibus cinctos  
 Porriget incultus puer atque a frigore tutus ;  
 Non Phryx aut Lycius, non a mangone petitus  
 Quisquam erit, et magno. Quum posces, posce Latine.  
 Idem habitus cunctis, tonsi rectique capilli,  
 Atque hodie tantum propter convivia pexi. 150  
 Pastoris duri est hic filius, ille bubulci :  
 Suspirat longo non visam tempore matrem,



Et casulam, et notos tristis desiderat hædos,  
 Ingenui vultus puer ingenuique pudoris,  
 Quales esse decet, quos ardens purpura vestit:  
 Nec pugillares defert in balnea raucus  
 Testiculos, nec vellendas jam præbuit alas,  
 Crassa nec opposito pavidus tegit inguina gutto.  
 Hic tibi vina dabit, diffusa in montibus illis,  
 A quibus ipse venit, quorum sub vertice lusit: 169  
 Namque una atque eadem est vini patria atque ministri.  
 Forsitan exspectes, ut Gaditana canoro  
 Incipiat prurire choro, plausuque probatæ  
 Ad terram tremulo descendant cluæ puellæ:  
 [Spectant<sup>i</sup> hoc nuptæ juxta recubante marito,  
 Quod pudeat narrasse aliquem præsentibus ipsis:]  
 Irritamentum Veneris languentis et acres  
 Divitis urticæ. Major tamen ista voluptas  
 Alterius sexus: magis ille extenditur, et mox  
 Auribus atque oculis concepta urina movetur. 170  
 Non capit has nugas humilis domus: audiat ille  
 Testarum crepitus cum verbis, nudum olido stans  
 Fornice mancipiam quibus abstinet; ille fruatur  
 Vocibus obscænis omnique libidinis arte;  
 Qui Lacedæmonium pytismate lubricat orbem.  
 Namque ibi fortunæ veniam damus: alea turpis,  
 Turpe et adulterium mediocribus. Hæc eadem illi  
 Omnia quum faciunt, hilares nitidique vocantur.  
 Nostra dabunt alios hodie convivia ludos:  
 Conditor Iliados cantabitur, atque Maronis 180  
 Altisoni dubiam facientia carmina palmam.  
 Quid refert, tales versus qua voce legantur?  
 Sed nunc dilatis averte negotia curis  
 Et gratam requiem dona tibi, quando licebit  
 Per totam cessare diem: non fenoris ulla  
 Mentio, nec, prima si luce egressa reverti  
 Nocte solet, tacito bilem tibi contrahat uxor,

<sup>i</sup> Speetent. sed duos hos versus alii post v. 202 collocant.

Humida suspectis referens multicia rugis,  
 Vexatasque comas, et vultum auremque calentem.  
 Protinus ante meum, quidquid dolet, exue limen: 190  
 Pone domum et servos et quidquid frangitur illis  
 Aut perit: ingratos ante omnia pone sodales.

Interea Megalesiacæ spectacula mappæ,  
 Idæum sollemne, colunt, similisque triumpho  
 Præda caballorum prætor sedet ac, mihi pace  
 Immensæ nimiaque licet si dicere plebis,  
 Totam hodie Romam Circus capit et fragor aurem  
 Percutit, eventum viridis quo colligo panni.  
 Nam si deficeret, mœstam attonitamque videres  
 Hanc urbem, veluti Cannarum in pulvere victis 200  
 Consulibus. Spectent juvenes, quos clamor et audax  
 Sponsio, quos cultæ decet assedissee puellæ:  
 Nostra bibat verum contracta cuticula solem  
 Effugiatque togam. Jam nunc in balnea, salva  
 Fronte, licet vadas, quanquam solida hora supersit  
 Ad sextam. Facere hoc non possis quinque diebus  
 Continuis, quia sunt talis quoque tædia vitæ  
 Magna. Voluptates commendat rarior usus.

---

## SATIRA XII.

NATALI, Corvine, die mihi dulcior hæc lux,  
 Qua festus promissa Deis animalia cespes  
 Exspectat, niveam Reginae ducimus agnam,  
 Par vellus dabitur pugnanti Gorgone Maura.  
 Sed procul extensum petulans quatit hostia funem,  
 Tarpeio servata Jovi, frontemque coruscat:  
 Quippe ferox vitulus, templis maturus et aræ  
 Spargendusque mero, quem jam pudet ubera matris

Ducere, qui vexat nascenti robora cornu.  
 Si res ampla domi similisque affectibus esset, 10  
 Pinguior Hispulla traheretur taurus, et ipsa  
 Mole piger, nec finitima nutritus in herba,  
 Læta sed ostendens Clitumni pascua sanguis  
 Iret, et a grandi cervix ferienda ministro  
 Ob reditum trepidantis adhuc horrendaque passi  
 Nuper et incolumem sese mirantis amici.  
 Nam præter pelagi casus et fulguris<sup>k</sup> ictus  
 Evasit. Densæ<sup>l</sup> cœlum abscondere tenelæ  
 Nube una, subitusque antennas impulit ignis,  
 Quum se quisque illo percussum crederet, et mox 20  
 Attonitus nullum conferri posse putaret  
 Naufragium velis ardentibus. Omnia fiunt  
 Talia, tam graviter, si quando poetica surgit  
 Tempestas. Genus cece aliud discriminis: audi  
 Et miserere iterum: quanquam sint cetera sortis  
 Ejusdem: pars dira quidem, sed cognita multis,  
 Et quam votiva testantur fana tabella  
 Plurima. Pictores quis nescit ab Iside pasci?  
 Accidit et nostro similis fortuna Catullo.  
 Quum plenus fluctu medius foret alveus, et jam, 30  
 Alternum puppis latus evertentibus undis  
 Arboris incertæ, nullam prudentia cani  
 Rectoris conferret opem: decidere jactu  
 Cœpit cum ventis, imitatus castora, qui se  
 Eunuchum ipse facit, cupiens evadere damno  
 Testiculi: adeo medicatum intelligit inguen.  
 "Fundite, quæ mea sunt," dicebat, "cuncta," Catullus,  
 Præcipitare volens etiam pulcherrima, vestem  
 Purpuream, teneris quoque Mæcenatibus aptam,  
 Atque alias, quarum generosi graminis ipsum 40  
 Infecit natura pecus, sed et egregius fons  
 Viribus occultis et Bæticus adjuvat aer.  
 Ille nec argentum dubitabat mittere, lances

<sup>k</sup> fulminis<sup>l</sup> Evasi, densæ

Parthenio factas, urnæ cratera capacem,  
 Et dignum sitiente Pholo vel conjuge Fusci;  
 Adde et bascaudas et mille escalia, multum  
 Cælati, biberat quo callidus emtor Olynthi.  
 Sed quis nunc alius, qua mundi parte, quis audet  
 Argento præferre caput rebusque salutem?  
 [Non propter vitam faciunt patrimonia quidam,  
 Sed vitio cæci propter patrimonia vivunt.]  
 Jactatur rerum utilium pars maxima: sed nec  
 Damna levant. Tunc, adversis urgentibus, illuc  
 Decidit, ut malum ferro submitteret; hac re<sup>m</sup>  
 Explicat angustum; discriminis ultima, quando<sup>n</sup>  
 Præsidia afferimus navem factura minorem.  
 I nunc et ventis animam committe, dolato  
 Confisus ligno, digitis a morte remotus  
 Quatuor aut septem, si sit latissima tæda!  
 Mox cum reticulis et pane et ventre lagenæ  
 Aspice sumendas in tempestate secures.  
 Sed postquam jacuit planum mare, tempora postquam  
 Prospera vectoris fatumque valentius Euro  
 Et pelago; postquam Parcæ meliora benigna  
 Pensa manu ducunt hilares, et staminis albi  
 Lanificæ, modica nec multum fortior aura  
 Ventus adest: inopi miserabilis arte cucurrit  
 Vestibus extentis et, quod superaverat unum,  
 Velo prora suo. Jam deficientibus Austris,  
 Spes vitæ cum sole redit: tum gratus Iulo,  
 Atque novercali sedes prælata Lavino,  
 Conspicitur sublimis apex, cui candida nomen  
 Scrofa dedit, lætis Phrygibus mirabile sumen,  
 Et nunquam visis triginta clara mamillis.  
 Tandem intrat positas inclusa per æquora moles  
 Tyrrhenamque Pharon porrectaque brachia rursum,  
 Quæ pelago occurrunt medio longeque relinquunt  
 Italiam. Non sic igitur mirabere portus,

<sup>m</sup> submitteret; ac se<sup>n</sup> discriminis ultima quando

Quos natura dedit: sed trunca puppe magister  
 Interiora petit, Baianæ pervia cymba, 80  
 Tuti stagna sinus, gaudent ubi vertice raso  
 Garrula securi narrare pericula nautæ.  
 Ite igitur, pueri, linguis animisque faventes,  
 Sertaque delubris et farra imponite cultris,  
 Ac molles ornate focos glebanque virentem!  
 Jam sequar et, sacro quod præstat rite peracto,  
 Inde domum repetam, graciles ubi parva coronas  
 Accipiunt fragili simulacra nitentia cera.  
 Hic nostrum placabo Jovem, Laribusque paternis  
 Thura dabo, atque omnes violæ jactabo colores. 90  
 Cuncta nitent; longos erexit janua ramos  
 Et matutinis operatur festa lucernis.

Nec suspecta tibi sint hæc, Corvine: Catullus,  
 Pro cujus reditu tot pono altaria, parvos  
 Tres habet heredes. Libet expectare, quis ægram  
 Et claudentem oculos gallinam impendat amico  
 Tam sterili. Verum hæc nimia est impensa: coturnix  
 Nulla unquam pro patre cadet. Sentire calorem  
 Si cœpit locuples Gallita et Paccius orbi,  
 Legitime fixis vestitur tota tabellis 100  
 Porticus; existunt qui promittunt<sup>o</sup> hecatomben,  
 Quatenus hic non sunt nec venales elephanti,  
 Nec Latio, aut usquam sub nostro sidere talis  
 Bellua concipitur: sed furva gente petita  
 Arboribus Rutulis et Turni paseitur agro,  
 Cæsaris armentum, nulli servire paratum  
 Privato: siquidem Tyrio parere solebant  
 Hannibali, et nostris ducibus, regique Molosso,  
 Horum majores, ac dorso ferre cohortes,  
 Partem aliquam belli, et euntem in prælia turrim. 110  
 Nulla igitur mora per Novium, mora nulla per Histrum  
 Pacuvium, quin illud ebur ducatur ad aras,  
 Et cadat ante Lares Gallitæ victima, sola

<sup>o</sup> promittant

Tantis digna Deis et captatoribus horum.  
Alter enim, si concedas mactare, vovebit  
De grege servorum magna et pulcherrima quæque  
Corpora; vel pueris et frontibus ancillarum  
Imponet vittas, et, si qua est nubilis illi  
Iphigenia domi, dabit hanc altaribus, etsi  
Non sperat tragicæ furtiva piacula cervæ.  
Laudo meum civem, nec comparo testamento  
Mille rates: nam si Libitinam evaserit æger,  
Delebit tabulas, inclusus carcere nassæ,  
Post meritum sane mirandum, atque omnia soli  
Forsan Pacuvio breviter dabit. Ille superbus  
Incedet victis rivalibus. Ergo vides, quam  
Grande operæ pretium faciat jugulata Mycenis.

120

Vivat Pacuvius, quæso, vel Nestora totum;  
Possideat, quantum rapuit Nero; montibus aurum  
Exæquet; nec amet quenquam, nec ametur ab ullo! 130

D. JUNII JUVENALIS

S A T I R A R U M

LIBER QUINTUS.

SATIRA XIII.

EXEMPLO quodcunque malo committitur, ipsi  
Displicet auctori. Prima est hæc ultio, quod se  
Judice nemo nocens absolvitur, improba quamvis  
Gratia fallaci Prætoris vicerit urna.

Quid sentire putas omnes, Calvine, recenti  
De scelere et fidei violatæ crimine? Sed nec  
Tam tenuis census tibi contigit, ut mediocris  
Jacturæ te mergat onus: nec rara videmus,  
Quæ pateris. Casus multis hic cognitus, ac jam  
Tritus, et e medio fortunæ ductus acervo.

10

Ponamus ninnios gemitus: flagrantior æquo  
Non debet dolor esse viri, nec vulnere major.  
Tu quamvis levium minimam exiguamque malorum  
Particulam vix ferre potes, spumantibus ardens  
Visceribus, sacrum tibi quod non reddat amicus  
Depositum? stupet hæc, qui jam post terga reliquit  
Sexaginta annos, Fonteio Consule natus?

An nihil in melius tot rerum proficis usu?  
Magna quidem, sacris quæ dat præcepta libellis,  
Victrix fortunæ sapientia: ducimus autem

20

Hos quoque felices, qui ferre incommoda vitæ,  
Nec jactare jugum, vita didicere magistra.  
Quæ tam festa dies, ut cesset prodere furem,  
Perfidiam, fraudes atque omni ex crimine lucrum  
Quæsitum, et partos gladio vel pyxide nummos?  
Rari quippe boni: numerus vix est totidem, quot  
Thebarum portæ vel divitis ostia Nili.

Nona ætas agitur pejoraque secula ferri  
Temporibus, quorum scelerei non invenit ipsa  
Nomen, et a nullo posuit natura metallo.

30

Nos hominum Divumque fidem clamore ciemus,  
Quanto Fæsidium laudat vocalis agentem  
Sportula. Dic, senior bulla dignissime, nescis,  
Quas habeat Veneres aliena pecunia? nescis,  
Quem tua simplicitas risum vulgo moveat, quum  
Exigis a quoquam, ne pejeret et putet ullis  
Esse aliquod numen templis aræque rubenti?

Quondam hoc indigenæ vivebant more, priusquam  
Sumeret agrestem posito diademate falcem

Saturnus fugiens, tunc, quum virguncula Juno,  
Et privatus adhuc Idæis Jupiter antris,

40

Nulla super nubes convivia cœlicolarum,  
Nec puer Iliacus, formosa nec Herculis uxor  
Ad cyathos, et jam siccato nectare tergens  
Brachia Vulcanus Liparæa nigra taberna.

Prædebat sibi quisque Deus, nec turba Deorum  
Talis, ut est hodie, contentaque sidera paucis  
Numinibus miserum urgebant Atlanta minori  
Pondere. Nondum aliquis sortitus triste profundi  
Imperium, aut Sicula torvus cum conjuge Pluton;  
Nec rota, nec Furie, nec saxum aut vulturis atri  
Pœna; sed infernis hilares sine regibus umbræ.

50

Improbis illo fuit admirabilis ævo.  
Credebant hoc grande nefas et morte piandum,  
Si juvenis vetulo non assurrexerat et si  
Barbato cuicumque puer, licet ipse videret



Plura domi fraga et majores glandis acervos,  
 Tam venerabile erat præcedere quatuor annis,  
 Primaque par adeo sacræ lanugo senectæ!  
 Nunc, si depositum non infitietur amicus,  
 Si reddat veterem cum tota ærugine follem,  
 Prodigiosa fides et Tuscis digna libellis,  
 Quæque coronata lustrari debeat agna.  
 Egregium sanctumque virum si cerno, bimembri  
 Hoc monstrum puero aut miranti sub aratro  
 Piscibus inventis et fetæ comparo mulæ,  
 Sollicitus, tanquam lapides effuderit imber,  
 Examenque apium longa consederit uva  
 Culmine delubri, tanquam in mare fluxerit amnis  
 Gurgitibus miris et lactis vortice torrens.

60

70

Intercepta decem quereris sestertia fraude  
 Sacrilega? Quid si bis centum perdidit alter  
 Hoc arcana modo? majorem tertius illa  
 Summam, quam patulæ vix ceperat angulus arcæ?  
 Tam facile et proum est superos contemnere testes,  
 Si mortalis idem nemo sciat! Aspice, quanta  
 Voce neget; quæ sit ficti constantia vultus.  
 Per solis radios Tarpeiaque fulmina jurat,  
 Et Martis frameam et Cîrrhæi spicula vatis,  
 Per calamos venatricis pharetramque puellæ  
 Perque tuum, pater Ægæi Neptune, tridentem:  
 Addit et Herculeos arcus hastamque Minervæ,  
 Quidquid habent telorum armamentaria cœli.  
 Si vero et pater est, "Comedam," inquit, "flebile nati  
 Sinciput elixi Pharioque madentis aceto."

80

Sunt in Fortunæ qui casibus omnia ponunt,  
 Et nullo credunt mundum rectore moveri,  
 Natura volvente vices et lucis et anni,  
 Atque ideo intrepidi quæcunque altaria tangunt.  
 Est alius metuens, ne crimen pœna sequatur:  
 Hic putat esse Deos et pejerat, atque ita secum:  
 "Decernat, quodcumque volet, de corpore nostro

90

Isis, et irato feriat mea lumina sistro,  
 Dummodo vel cæcus teneam, quos abnego, nummos.  
 Et Phthisis et vomicæ putres et dimidium crus  
 Sunt tanti? Pauper locupletem optare podagram  
 Nec dubitet Ladas, si non eget Anticyra nec  
 Archigene. Quid enim velocis gloria plantæ  
 Præstat, et esuriens Pisææ ramus olivæ?  
 Ut sit magna, tamen certe lenta ira Deorum est. 100  
 Si curant igitur cunctos punire nocentes,  
 Quando ad me venient? sed et exorabile numen  
 Fortasse experiar: solet his ignoscere. Multi  
 Committunt eadem diverso crimina fato:  
 Ille crucem sceleris pretium tulit, hic diadema."  
 Sic animum diræ trepidum formidine culpæ  
 Confirmant. Tunc te sacra ad delubra vocantem  
 Præcedit, trahere immo ultro ac vexare paratus.  
 Nam quum magna malæ superest audacia causæ,  
 Creditur a multis fiducia. Mimū agit ille, 110  
 Urbani qualem fugitivus scurra Catulli:  
 Tu miser exclamas, ut Stentora vincere possis,  
 Vel potius, quantum Gradivus Homericus: "Audis,  
 Jupiter, hæc, nec labra moves, quum mittere vocem  
 Debueras vel marmoreus vel aheneus? aut cur  
 In carbone tuo charta pia thura soluta  
 Ponimus, et sectum vituli jecur albaque porci  
 Omenta? Ut video, nullum discrimen habendum est  
 Effigies inter vestras statuamque Vagellī."  
 Accipe quæ contra valeat solatia ferre, 120  
 Et qui nec Cynicos, nec Stoica dogmata legit  
 A Cynicis tunica distantia, non Epicurum  
 Suspicit exigui lætum plantaribus horti.  
 Curentur dubii medicis majoribus ægri:  
 Tu venam vel discipulo committe Philippi.  
 Si nullum in terris tam detestabile factum  
 Ostendis, taceo; nec pugnīs cedere pectus  
 Te veto, nec plana faciem contundere palma,

Quandoquidem accepto claudenda est janua damno.  
 Et majore domus gemitu, majore tumultu 130  
 Planguntur numini, quam fuera. Nemo dolorem  
 Fingit in hoc casu, vestem diducere summam  
 Contentus, vexare oculos humore coacto.  
 Ploratur lacrimis amissa pecunia veris.  
 Sed si cuncta vides simili fora plena querela,  
 Si, decies lectis diversa parte tabellis,  
 Vana supervacui dicunt chirographa ligni,  
 Arguit ipsorum quos litera gemmaque princeps  
 Sardonychum, loculis quæ custoditur eburnis :  
 Te nunc, delicias ꝑ, extra communia censes 140  
 Ponendum ? Qui tu gallinæ filius albæ,  
 Nos viles pulli nati infelicibus ovis ?  
 Rem pateris modicam et mediocri bile ferendam,  
 Si flectas oculos majora ad crimina. Confer  
 Conductum latronem, incendia sulfure cœpta  
 Atque dolo, primos quum janua colligit ignes :  
 Confer et hos, veteris qui tollunt grandia templi  
 Pocula adorandæ robiginis et populorum  
 Dona vel antiquo positas a rege coronas.  
 Hæc ibi si non sunt, minor exstat sacrilegus, qui 150  
 Radat inaurati femur Herculis et faciem ipsam  
 Neptuni ; qui bracteolam de Castore ducat.  
 An dubitet, solitus totum conflare Tonantem ?  
 Confer et artifices mercatoremque veneni  
 Et deducendum corio bovis in mare, cum quo  
 Clauditur adversis innoxia simia fati.  
 Hæc quota pars scelerum, quæ custos Gallicus urbis  
 Usque a Lucifero, donec lux occidat, audit ?  
 Humani generis mores tibi nosse volenti  
 Sufficit una domus. Paucos consume dies, et 160  
 Dicere te miserum, postquam illinc veneris, aude.  
 Quis tumidum guttur miratur in Alpibus ? aut quis  
 In Meroe crasso majorem infante mamillam ?

Cærule quis stupuit Germani lumina, flavam  
 Cæsariem et madido torquentem cornua cirro?  
 Nempe quod hæc illis natura est omnibus una.  
 Ad subitas Thracum volucres nubemque sonoram  
 Pygmæus parvis currit bellator in armis:  
 Mox impar hosti raptusque per aera curvis  
 Unguibus a sæva fertur grue. Si videas hoc  
 Gentibus in nostris, risu quatiare: sed illic,  
 Quanquam eadem assidue spectentur prælia, ridet  
 Nemo, ubi tota cohors pede non est altior uno.

170

“Nullane perjuri capitis fraudisque nefandæ  
 Pœna erit?” Abreptum crede hunc graviore catena  
 Protinus, et nostro (quid plus velit ira?) necari  
 Arbitrio: manet illa tamen jactura, nec unquam  
 Depositum tibi sospes erit: sed corpore trunco  
 Invidiosa dabit minimus solatia sanguis:  
 At vindicta bonum vita jucundius ipsa.

180

Nempe hoc indocti, quorum præcordia nullis  
 Interdum aut levibus videas flagrantia causis.  
 Quantulacunque adeo est occasio, sufficit iræ:  
 Chrysippus non dicet idem nec mite Thaletis  
 Ingenium dulcique senex vicinus Hymetto,  
 Qui partem acceptæ sæva inter vincla cicutæ  
 Accusatori nolle dare. Plurima felix  
 Paullatim vitia atque errores exuit omnes,  
 Prima docet rectum Sapiencia: quippe minuti  
 Semper et infirmi est animi exiguique voluptas  
 Ultio. Continuo sic collige, quod vindicta

190

Nemo magis gaudet, quam femina. Cur tamen hos tu  
 Evasisse putes, quos diri conscia facti  
 Mens habet attonitos et surdo verbere cædit  
 Ocultum quatiente animo tortore flagellum?  
 Pœna autem vehemens ac multo sævior illis,  
 Quas et Cædicus gravis invenit aut Rhadamanthus,  
 Nocte dieque suum gestare in pectore testem.  
 Spartano cuidam respondit Pythia vates:

Haud impunitum quondam fore, quod dubitaret 200  
 Depositum retinere et fraudem jure tueri  
 Jurando: quærebat enim, quæ numinis esset  
 Mens et an hoc illi facinus suaderet Apollo?  
 Reddidit ergo, metu, non moribus; et tamen omnem  
 Vocem adyti dignam templo veramque probavit  
 Exstinctus tota pariter cum prole domoque  
 Et, quamvis longa deductis gente, propinquis.  
 Ihas patitur pœnas peccandi sola voluntas.  
 Nam scelus intra se tacitum qui cogitat ullum,  
 Facti crimen habet. "Cedo, si conata peregit?" 210  
 Perpetua anxietas nec mensæ tempore cessat,  
 Faucibus, ut morbo, siccis interque molares  
 Difficili crescente cibo: sed vina misellus  
 Exspuit; Albani veteris pretiosa senectus  
 Displicet; ostendas melius, densissima ruga  
 Cogitur in frontem, velut acri ducta Falerno.  
 Nocte brevem si forte indulsit cura soporem,  
 Et toto versata toro jam membra quiescunt:  
 Continuo templum et violati numinis aras  
 Et, quod præcipuis mentem sudoribus urget, 220  
 Te videt in somnis; tua sacra et major imago  
 Humana turbat pavidum cogitque fateri.  
 Ili sunt, qui trepidant et ad omnia fulgura pallent,  
 Quum tonat, exanimes primo quoque murmure cœli;  
 Non quasi fortuitus, nec ventorum rabie, sed  
 Iratus cadat in terras et judicet ignis.  
 Illa nihil nocuit, cura graviore timetur  
 Proxima tempestas, velut hoc dilata sereno.  
 Præterea, lateris vigili cum febre dolorem  
 Si cœpere pati, missum ad sua corpora morbum 230  
 Infesto credunt a numine; saxa Deorum  
 Hæc et tela putant. Pecudem spondere sacello  
 Balantem et laribus cristam promittere galli  
 Non audent: quid enim sperare nocentibus ægris  
 Concessum? vel quæ non dignior hostia vita?

Mobilis et varia est ferme natura malorum.  
 Quum scelus admittunt, superest constantia: quid fas  
 Atque nefas, tandem incipiunt sentire peractis  
 Criminibus. Tamen ad mores natura recurrit  
 Damnatos, fixa et mutari nescia. Nam quis 240  
 Peccandi finem posuit sibi? quando recepit  
 Ejectum semel attrita de fronte ruborem?  
 Quisnam hominum est, quem tu contentum videris uno  
 Flagitio? Dabit in laqueum vestigia noster  
 Perfidus et nigri patietur carceris uncum,  
 Aut maris Ægæi rupem scopulosque frequentes  
 Exsulibus magnis. Poena gaudebis amara  
 Nominis invisi tandemque fatebere lætus,  
 Nec surdum, nec Tiresiam quenquam esse Deorum.



## SATIRA XIV.

PLURIMA sunt, Fuscine, et fama digna sinistra  
 Et nitidis maculam hæsuram figentia rebus,  
 Quæ monstrant ipsi pueris traduntque parentes.  
 Si damnosa senem juvat alea, ludit et heres  
 Bullatus, parvoque eadem movet arma fritillo.  
 Nec melius de se cuiquam sperare propinquo  
 Concedet juvenis, qui radere tubera terræ,  
 Boletum condire et eodem jure natantes  
 Mergere ficedulas didicit, nebulone parente  
 Et cana monstrante gula. Quum septimus annus 10  
 Transierit puero, nondum omni dente renato,  
 Barbatos licet admoveas mille inde magistros,  
 Hinc totidem, cupiet lauto cœnare paratu  
 Semper, et a magna non degenerare culina.  
 Mitem animum et mores modicis erroribus æquos  
 Præcipit, atque animas servorum et corpora nostra

Materia constare putat paribusque clementis:  
 An sœvire docet Rutilus, qui gaudet acerbo  
 Plagarum strepitu et nullam Sirena flagellis  
 Comparat, Antiphates trepidi Laris ac Polyphemus, 20  
 Tum felix, quoties aliquis tortore vocato  
 Uritur ardenti duo propter lintea ferro?  
 Quid suadet juveni latus stridore catenæ,  
 Quem mire afficiunt inscripta ergastula, carcer  
 Rusticus? Exspectas, ut non sit adultera Largæ  
 Fîlia, quæ nunquam maternos dicere mœchos  
 Tam cito, nec tanto poterit contexere cursu,  
 Ut non ter decies respiret? Conscia matri  
 Virgo fuit: ceras nunc hac dictante pusillas  
 Implet, et ad mœchum dat eisdem ferre cinædis. 30  
 Sic natura jubet: velocius et citius nos  
 Corrumunt vitiorum exempla domestica, magnis  
 Quum subeunt animos auctoribus. Unus et alter  
 Forsitan hæc spernant juvenes, quibus arte benigna  
 Et meliore luto finxit præcordia Titan:  
 Sed reliquos fugienda patrum vestigia ducunt,  
 Et monstrata diu veteris trahit orbita culpæ.  
 Abstineas igitur damnandis: hujus enim vel  
 Una potens ratio est, ne crimina nostra sequantur  
 Ex nobis geniti: quoniam dociles imitandis 40  
 Turpibus ac pravis omnes sumus, et Catilinam  
 Quocunque in populo videas, quocunque sub axe:  
 Sed nec Brutus erit, Bruti nec avunculus usquam.  
 Nil dictu fœdum visuque hæc limina tangat,  
 Intra quæ puer est. Procul hinc, procul inde puellæ  
 Lenonum et cantus pernoctantis parasi.  
 Maxima debetur puero reverentia. Si quid  
 Turpe paras, ne tu pueri contemseris annos:  
 Sed peccaturo obsistat tibi<sup>9</sup> filius infans.  
 Nam si quid dignum Censoris fecerit ira 50  
 Quandoque, et similem tibi se non corpore tantum

<sup>9</sup> obstet tibi

Nec vultu dederit, morum quoque filius, et qui  
 Omnia deterius tua per vestigia peccet :  
 Corripies nimirum et castigabis acerbo  
 Clamore ac post hæc tabulas mutare parabis !  
 Unde tibi frontem libertatemque parentis,  
 Quum facias pejora senex vacuumque cerebro  
 Jam pridem caput hoc ventosa cucurbita quærat ?

Hospite venturo, cessabit nemo tuorum.

“ Verre pavementum, nitidas ostende columnas, 60  
 Arida cum tota descendat aranea tela ;  
 Hic leve argentum, vasa aspera tergeat alter :”  
 Vox domini furit instantis virgamque tenentis.  
 Ergo miser trepidas, ne stercore fœda canino  
 Atria displiceant oculis venientis amici,  
 Nec perfusa luto sit porticus ; (et tamen uno  
 Semodio scobis hæc emendat servulus unus :)  
 Illud non agitas, ut sanctam filius omni  
 Aspiciat sine labe domum vitioque carentem ?  
 Gratum est, quod patriæ civem populoque dedisti, 70  
 Si facis, ut patriæ sit idoneus, utilis agris,  
 Utilis et bellorum et pacis rebus agendis.  
 Plurimum enim intererit, quibus artibus et quibus hunc tu  
 Moribus instituas. Serpente ciconia pullos  
 Nutrit et inventa per devia rura lacerta :  
 Illi eadem sumtis quærun animalia pinnis.  
 Vultur, jumento et canibus crucibusque relictis,  
 Ad fetus properat, partemque cadaveris affert.  
 Hic est ergo cibus magni quoque vulturis et se  
 Pascentis, propria quum jam facit arbore nidos. 80  
 Sed leporem aut capream famulæ Jovis et gencrosæ  
 In saltu venantur aves : hic præda cubili  
 Ponitur : inde autem, quum se matura levarit\*  
 Progenies stimulante fame, festinat ad illam,  
 Quam primum prædam rupto gustaverat ovo.

Ædificator erat Cetronius et modo curvo

\* levabit



Litore Caietæ, summa nunc Tiburis arce,  
 Nunc Prænестinis in montibus alta parabat  
 Culmina villarum, Græcis longeque petitis  
 Marmoribus, vincens Fortunæ atque Herculis ædem: 90  
 Ut spado vincebat Capitolia nostra Posides.  
 Dum sic ergo habitat Cetronius, imminuit rem,  
 Fregit opes, nec parva tamen mensura relictæ  
 Partis erat: totam hanc turbavit filius amens,  
 Dum meliore novas attollit marmore villas.

Quidam sortiti metuentem sabbata patrem,  
 Nil præter nubes et cœli numen adorant,  
 Nec distare putant humana carne suillam,  
 Qua pater abstinuit; mox et præputia ponunt:  
 Romanas autem soliti contemnere leges, 100  
 Judaicum ediscunt et servant ac metuunt jus,  
 Tradidit arcano quodcunque volumine Moses:  
 'Non monstrare vias, eadem nisi sacra colenti,  
 Quæsitum ad fontem solos deducere verpos.'  
 Sed pater in causa, cui septima quæque fuit lux  
 Ignava, et partem vitæ non attigit ullam.

Sponte tamen juvenes imitantur cetera: solam  
 Inviti quoque avaritiam exercere jubentur.  
 Fallit enim vitium specie virtutis et umbra,  
 Quum sit triste habitu vultuque et veste severum. 110  
 Nec dubie tanquam frugi laudatur avarus,  
 Tanquam parcus homo, et rerum tutela suarum  
 Certa magis, quam si fortunas servet easdem  
 Hesperidum serpens aut Ponticus. Adde quod hunc, de  
 Quo loquor, egregium populus putat acquirendi  
 Artificem: quippe his crescunt patrimonia fabris!  
 Sed crescunt quocunque modo majoraque fiunt  
 Incude assidua semperque ardente camino.  
 Et pater ergo animi felices credit avaros,  
 Qui miratur, opes, qui nulla exempla beati 120  
 Pauperis esse putat: juvenes hortatur, ut illam  
 Ire viam pergant, et eidem incumbere sectæ.

Sunt quædam vitiorum elementa : his protinus illos  
 Imbuit et cogit minimas ediscere sordes.  
 Mox acquirendi docet insatiabile votum.  
 Servorum ventres modio castigat iniquo,  
 Ipse quoque esuriens : neque enim omnia sustinet unquam  
 Mucida cærulei panis consumere frusta,  
 Hesternum solitus medio servare minutal  
 Septembri, nec non differre in tempora cœnæ 130  
 Alterius conchem æstivam cum parte lacerti  
 Signatam, vel dimidio putrique siluro,  
 Filaque sectivi numerata includere porri.  
 Invitatus ad hæc aliquis de ponte negabit.  
 Sed quo divitias hæc per tormenta coactas,  
 Quum furor haud dubius, quum sit manifesta phrenesis,  
 Ut locuples moriaris, egentis<sup>s</sup> vivere fato ?  
 Interea pleno quum turget sacculus ore,  
 Crescit amor nummi, quantum ipsa pecunia crevit ;  
 Et minus hanc optat qui non habet. Ergo paratur 140  
 Altera villa tibi, quum rus non sufficit unum,  
 Et proferre libet fines, majorque videtur  
 Et melior vicina seges : mercaris et hanc et  
 Arbusta et densa montem qui canet oliva.  
 Quorum si pretio dominus non vincitur ullo,  
 Nocte boves macri lassoque famelica collo  
 Jumenta ad virides hujus mittuntur aristas ;  
 Nec prius inde domum, quam tota novalia sævos  
 In ventres abeant, ut credas falcibus actum.  
 Dicere vix possis, quam multi talia plorent, 150  
 Et quot venales injuria fecerit agros.  
 Sed qui sermones ! quam fœdæ buccina famæ !—  
 “Quid nocet hæc ?” inquit. “Tunicam mihi malo lupini<sup>t</sup>,  
 Quam si me toto laudet vicinia pago,  
 Exigui ruris paucissima farra secantem.”—  
 Scilicet et morbis et debilitate carebis,  
 Et luctum et curam effugies, et tempora vitæ

<sup>s</sup> egentis<sup>t</sup> lupinæ

Longa tibi post hæc fato meliore dabuntur,  
 Si tantum culti solus possederis agri,  
 Quantum sub Tatio populus Romanus arabat. 160  
 Mox etiam fractis ætate ac Punica passis  
 Proelia, vel Pyrrhum immanem, gladiosque Molossos,  
 Tandem pro multis vix jugera bina dabantur  
 Vulneribus. Merces hæc sanguinis atque laboris  
 Nullis visa unquam meritis minor, aut ingratae  
 Curta fides patriæ. Saturabat glebula talis  
 Patrem ipsum turbamque casæ, qua feta jacebat  
 Uxor, et infantes ludebant quatuor, unus  
 Vernula, tres domini: sed magnis fratribus horum  
 A scrobe vel sulco redeuntibus, altera cœna 170  
 Amplior et grandes fumabant pultibus ollæ.  
 Nunc modus hic agri nostro non sufficit horto.  
 Inde fere scelerum causæ; nec plura venena  
 Miscuit, aut ferro grassatur sæpius ullum  
 Humanæ mentis vitium, quam sæva cupido  
 Immodici census: nam dives qui fieri vult,  
 Et cito vult fieri. Sed quæ reverentia legum,  
 Quis metus aut pudor est unquam properantis avari?  
 "Vivite contenti casulis et collibus istis,  
 O pueri!" Marsus dicebat et Hernicus olim 180  
 Vestinusque senex; "panem quæramus aratro,  
 Qui satis est mensis: laudant hoc numina ruris,  
 Quorum ope et auxilio gratæ post munus aristæ  
 Contingunt homini veteris fastidia quercus.  
 Nil vetitum fecisse volet, quem non pudet alto  
 Per glaciem perone tegi; qui summovet Euros  
 Pellibus inversis. Peregrina ignotaque nobis  
 Ad scelus atque nefas, quæcunque est, purpura ducit."—  
 Hæc illi veteres præcepta minoribus: at nunc  
 Post finem autumnii media de nocte supinum 190  
 Clamosus juvenem pater excitat: "Accipe ceras,  
 Scribe, puer, vigila, causas age, perlege rubras  
 Majorum leges, aut vitem posce libello.

Sed caput intactum buxo naresque pilosas  
 Annotet, et grandes miretur Lælius alas.  
 Dirue Maurorum attegias, castella Brigantum,  
 Ut locupletem aquilam tibi sexagesimus annus  
 Afferat: aut, longos castrorum ferre labores  
 Si piget, et trepidum solvunt tibi cornua ventrem  
 Cum lituis audita, pares, quod vendere possis 200  
 Pluris dimidio, nec te fastidia mercis  
 Ullius subeant ablegandæ Tiberim ultra,  
 Neu credas ponendum aliquid discriminis inter  
 Unguenta et corium. Lucri bonus est odor ex re  
 Qualibet. Illa tuo sententia semper in ore  
 Versetur, Dis atque ipso Jove digna, poetæ:  
 Unde habeas, quærit nemo: sed oportet habere."—  
 Hoc monstrant vetulæ pueris repentibus assæ;  
 Hoc discunt omnes ante alpha et beta puellæ.  
 Talibus instantem monitis quemcunque parentem 210  
 Sic possem affari: "Dic, o vanissime, quis te  
 Festinare jubet? meliorem præsto magistro  
 Discipulum. Securus abi: vinceris, ut Ajax  
 Præteriit Telamonem, ut Pelea vicit Achilles.  
 Parcendum est teneris: nondum implevere medullas  
 Maturæ mala nequitiae. Quum pectere barbam  
 Cœperit, et longi mucronem admittere cultri,  
 Falsus erit testis, vendet perjuria summa  
 Exigua, Cereris" tangens aramque pedemque.  
 Elatam jam crede nurum, si limina vestra 220  
 Mortifera cum dote subit. Quibus illa premetur  
 Per somnum digitis! nam quæ terraque marique  
 Acquirenda putas, brevior via conferet illi.  
 Nullus enim magni sceleris labor." "Hæc ego nunquam  
 Mandavi," dices olim, "nec talia suasi."  
 Mentis causa malæ tamen est et origo penes te.  
 Nam quisquis magni census præcepit amorem  
 Et lævo monitu pueros producit avaros,

[Et qui per fraudes patrimonia conduplicare]  
 Dat libertatem, et totas effundit habenas 230  
 Curriculo: quem si revoces, subsistere nescit,  
 Et te contento rapitur metisque relictis.  
 Nemo satis credit tantum delinquere, quantum  
 Permittas: adeo indulgent sibi latius ipsi.  
 Quum dicis juveni, stultum, qui donet amico,  
 Qui paupertatem levet attollatque propinqui;  
 Et spoliare doces et circumscribere et omni  
 Crimine divitias acquirere, quarum amor in te,  
 Quantus erat patriæ Deciorum in pectore, quantum  
 Dilexit Thebas, si Græcia vera, Menœceus: 240  
 In quorum sulcis legiones dentibus anguis  
 Cum clypeis nascuntur, et horrida bella capessunt  
 Continuo, tanquam et tubicen surrexerit una.  
 Ergo ignem, cujus scintillas ipse dedisti,  
 Flagrantem late et rapientem cuncta videbis.  
 Nec tibi parceretur misero, trepidumque magistrum  
 In cavea magno fremitu leo tollet alumnus.  
 Nota mathematicis genesis tua: sed grave tardas  
 Expectare colus. Morieris stamine nondum  
 Abrupto. Jam nunc obstat et vota moraris, 250  
 Jam torquet juvenem longa et cervina senectus.  
 Ocius Archigenen quære atque eme quod Mithridates  
 Composuit, si vis aliam decerpere ficum  
 Atque alias tractare rosas. Medicamen habendum est,  
 Sorbere ante cibum quod debeat et pater et rex.  
 Monstro voluptatem egregiam, cui nulla theatra,  
 Nulla æquare queas prætoris pulpita lauti,  
 Si spectes, quanto capitis discrimine constant  
 Incrementa domus, ærata multus in arca  
 Fiscus, et ad vigilem ponendi Castora nummi, 260  
 Ex quo Mars Ultor galeam quoque perdidit, et res  
 Non potuit servare suas. Ergo omnia Floræ  
 Et Cereris licet et Cybeles aulæa relinquo:  
 Tanto majores humana negotia ludi.

An magis oblectant animum jactata petauro  
 Corpora, quique solet rectum descendere funem,  
 Quam tu, Corycia semper qui puppe moraris  
 Atque habitas, Coro semper tollendus et Austro,  
 Perditus ac vilis sacci mercator olentis :  
 Qui gaudes pingue antiquæ de litore Cretæ 270  
 Passum, et municipes Jovis advexisse lagenas ?  
 Hic tamen ancipiti figens vestigia planta  
 Victum illa mercede parat brumamque famemque  
 Illa recte cavet : tu propter mille talenta  
 Et centum villas temerarius. Aspice portus  
 Et plenum magnis trabibus mare ; plus hominum est jam  
 In pelago ; veniet classis, quocunque vocarit  
 Spes lucri, nec Carpathium Gætulaque tantum  
 Æquora transiliet, sed, longe Calpe relieta,  
 Audiet Herculeo stridentem gurgite solem. 280  
 Grande operæ pretium est, ut tenso folle reverti  
 Inde domum possis, tumidaque superbus aluta,  
 Oceani monstra et juvenes vidisse marinos.  
 Non unus mentes agitat furor. Ille sororis  
 In manibus vultu Eumenidum terretur et igni,  
 Hic bove percusso mugire Agamemnona credit  
 Aut Ithacum. Pareat tunicis licet atque lacernis,  
 Curatoris eget qui navem mercibus implet  
 Ad summum latus, et tabula distinguitur unda,  
 Quum sit causa mali tanti et discriminis hujus 290  
 Concisum argentum in titulos faciesque minutas.  
 Occurrunt nubes et fulgura : " solvite funem,"  
 Frumenti dominus clamat piperisque coemti ;  
 " Nil color hic cœli, nil fascia nigra minatur ;  
 Æstivum touat." Infelix hac forsitan ipsa  
 Nocte cadet fractis trabibus, fluctuque premetur  
 Obrutus, et zonam læva morsuque tenebit.  
 Sed cujus votis modo non suffecerat aurum,  
 Quod Tagus et rutila volvit Pactolus arena,  
 Frigida sufficient velantes inguina panni 300

Exiguusque cibus, mersa rate naufragus assem  
Dum rogat, et pieta se tempestate tuetur.

Tantis parta malis cura maiore metuque  
Servantur. Misera est magni custodia census.  
Dispositis prædives hamis vigilare cohortem  
Servorum noctu Licinus jubet, attonitus pro  
Electro signisque suis Phrygiaque columna,  
Atque ebore et lata testudine. Dolia nudi  
Non ardent Cynici: si fregeris, altera fiet  
Cras domus, aut eadem plumbo commissa manebit 310  
Sensit Alexander, testa quum vidit in illa  
Magnum habitatorem, quanto felicior hic, qui  
Nil cuperet, quam qui totum sibi posceret orbem,  
Passurus gestis æquanda pericula rebus.  
Nullum numen abest, si sit Prudentia: nos te,  
Nos facimus, Fortuna, Deam. Mensura tamen quæ  
Sufficiat census, si quis me consulat, edam:  
In quantum sitis atque fames et frigora poscunt,  
Quantum, Epicure, tibi parvis suffecit in hortis,  
Quantum Socratici ceperunt ante penates. 320  
Nunquam aliud Natura, aliud Sapientia dicit.

Acribus exemplis videor te claudere. Misce  
Ergo aliquid nostris de moribus: effice summam,  
Bis septem ordinibus quam lex dignatur Othonis.  
Hæc quoque si rugam trahit extenditque labellum:  
Sume duos Equites, fac tertia quadringenta.  
Si nondum implevi gremium, si panditur ultra:  
Nec Cræsi fortuna unquam, nec Persica regua  
Sufficient animo, nec divitiæ Narcissi,  
Indulsit Cæsar cui Claudius omnia, cujus 330  
Paruit imperiis, uxorem occidere jussus.

## SATIRA XV.

Quis nescit, Volusi Bithynice, qualia demens  
 Ægyptus portenta colat? Crocodilon adorat  
 Pars hæc; illa pavet saturam serpentibus ibin.  
 Effigies sacri nitet aurea cercopitheci,  
 Dimidio magicæ resonant ubi Memnone chordæ,  
 Atque vetus Thebe centum jacet obruta portis.  
 Illic aeluros\*, hic piscem fluminis, illic  
 Oppida tota canem venerantur, nemo Dianam.  
 Porrum et cæpe nefas violare et frangere morsu.  
 O sanctas gentes, quibus hæc nascuntur in hortis 10  
 Numina! Lanatis animalibus abstinet omnis  
 Mensa; nefas illic fetum jugulare capellæ:  
 Carnibus humanis vesci licet. Attonito quum  
 Tale super cœnam facinus narraret Ulixes  
 Aleiwoo, bilem aut risum fortasse quibusdam  
 Moverat, ut mendax aretalogus. "In mare nemo  
 Hunc abiecit, sæva dignum veraque Charybdi,  
 Fingentem immanes Læstrygonas atque Cyclopas?  
 Nam citius Scyllam vel concurrentia saxa  
 Cyanea†, plenos et tempestatibus utres 20  
 Crediderim, aut tenui percussum verbere Circes  
 Et cum remigibus grunnisse Elpenora porcis.  
 Tam vacui capitis populum Phæaca putavit?"  
 Sic aliquis merito nondum ebrius et minimum qui  
 De Coreyræa temetum duxerat urna:  
 Solus enim hoc Ithacus nullo sub teste canebat.  
 Nos miranda quidem, sed nuper consule Junio  
 Gesta super calidæ referemus mœnia Copti,  
 Nos vulgi scelus et eunctis graviora cothurnis.  
 Nam scelus, a Pyrrha quamquam omnia syrmata volvas,  
 Nullus apud tragicos populus facit. Accipe, nostro 30

\* Illic cæruleos

† Cyaneas



Dira quod exemplum feritas produxerit ævo.

Inter finitimos vetus atque antiqua simultas,  
Immuortale odium et nunquam sanabile vulnus  
Ardet adhuc, Ombos<sup>4</sup> et Tentyra. Summus utrinque  
Inde furor vulgo, quod numina vicinorum  
Odit uterque locus, quum solos credat habendos  
Esse Deos, quos ipse colit. Sed tempore festo  
Alterius populi rapienda occasio cunctis  
Visa inimicorum primoribus ac ducibus, ne  
Latum hilaremque diem, ne magnæ gaudia cœnæ  
Sentirent, positis ad templa et compita mensis  
Pervigilique toro, quem nocte ac luce jacentem  
Septimus interdum sol invenit. Horrida sane  
Ægyptus: sed luxuria, quantum ipse notavi,  
Barbara famoso non cedit turba Canopo.

40

Adde, quod et facilis victoria de madidis et  
Blæsis atque mero titubantibus. Inde virorum  
Saltatus nigro tibicine, qualiacunque  
Unguenta et flores multæque in fronte coronæ:  
Hinc jejunum odium. Sed jurgia prima sonare  
Incipiunt animis ardentibus: hæc tuba rixæ.  
Dein clamore pari concurritur, et vice teli  
Sævit nuda manus: paucæ sine vulnere malæ;  
Vix cuiquam aut nulli toto certamine nasus  
Integer. Aspiceres jam cuncta per agmina vultus  
Dimidios, alias facies et hiantia ruptis  
Ossa genis, plenos oculorum sanguine pugnos.

50

Ludere se credunt ipsi tamen et pueriles  
Exercere acies, quod nulla cadavera calcent:  
Et sane quo tot rixantis millia turbæ,  
Si vivunt omnes? Ergo acrior impetus, et jam  
Saxa inclinatis per humum quæsita lacertis  
Incipiunt torquere, domestica seditioni  
Tela; nec hunc lapidem, quales et Turnus et Ajax,  
Vel quo Tydides percussit pondere coxam

60

<sup>4</sup> Coptos et Tentyra

Æneæ; sed quem valeant emittere dextræ  
Illis dissimiles et nostro tempore natæ.  
Nam genus hoc vivo jam decrescebat Homero.  
Terra malos homines nunc educat atque pusillos : 70  
Ergo Deus, quicunque aspexit, ridet et odit.

A diverticulo repetatur fabula. Postquam  
Subsidiis aucti, pars altera promere ferrum  
Audet, et infestis pugnam instaurare sagittis:  
Terga fuga celeri præstantibus omnibus, instant  
Qui vicina colunt umbrosæ Tentyra palmæ.  
Labitur hinc quidam, nimia formidine cursum  
Præcipitans, capiturque : ast illum in plurima sectum  
Frusta et particulas, ut multis mortuus unus  
Sufficeret, totum corrosis ossibus edit 80

Victrix turba: nec ardenti decoxit aeno  
Aut verubus: longum usque adeo tardumque putavit  
Exspectare focos, contenta cadavere crudo.  
Hic gaudere libet, quod non violaverit ignem,  
Quem summa cœli raptum de parte Prometheus  
Donavit terris. Elemento gratulor et te  
Exsultare reor. Sed qui mordere cadaver  
Sustinuit, nil unquam hac carne libentius edit.  
Nam scelere in tanto ne quæras et dubites, an  
Prima voluptatem gula senserit. Ultimus autem, 90

Qui stetit absumto jam toto corpore, ductis  
Per terram digitis, aliquid de sanguine gustat.  
Vascones, hæc fama est, alimentis talibus olim  
Produxere animas: sed res diversa, sed illic  
Fortunæ invidia est bellorumque ultima, casus  
Extremi, longæ dira obsidionis egestas.  
Hujus enim, quod nunc agitur, miserabile debet  
Exemplum esse cibi: sicut modo dicta mihi gens  
Post omnes herbas, post cuncta animalia, quidquid  
Cogebat vacui ventris furor, hostibus ipsis 100  
Pallorem ac maciem et tenues miserantibus artus,  
Membra aliena fame lacerabant, esse parati

Et sua. Quisnam hominum veniam dare, quisve Deorum  
 Viribus abnuerit dira atque immania passis,  
 Et quibus illorum poterant ignoscere manes,  
 Quorum corporibus vescebantur? Melius nos  
 Zenonis præcepta monent: nec enim omnia, quædam  
 Pro vita facienda putat. Sed Cantaber unde  
 Stoicus, antiqui præsertim ætate Metelli?  
 Nunc totus Graias nostrasque habet orbis Athenas. 110  
 Gallia causicos docuit facunda Britannos:  
 De conducendo loquitur jam rhetore Thule.  
 Nobilis ille tamen populus, quem diximus, et par  
 Virtute atque fide, sed major clade, Saguntus  
 Tale quid excusat. Mæotide sævior ara  
 Ægyptus: quippe illa nefandi Taurica sacri  
 Inventrix homines (ut jam, quæ carmina tradunt,  
 Digna fide credas) tantum immolat, ulterius nil  
 Aut gravius cultro timet hostia. Quis modo<sup>a</sup> casus  
 Impulit hos? quæ tanta fames infestaque vallo 120  
 Arma coegerunt tam detestabile monstrum  
 Audere? Anne aliam, terra Memphitide sicca,  
 Invidiam facerent nolenti surgere Nilo?  
 Qua nec terribiles Cimbri, nec Britones unquam,  
 Sauromatæque truces aut immanes Agathyrsi,  
 Hac sævit rabie imbelle et inutile vulgus,  
 Parvula fictilibus solitum dare vela phaselis,  
 Et brevibus pictæ remis incumbere testæ.  
 Nec pœnam sceleri invenies, nec digna parabis  
 Supplicia his populis, in quorum mente pares sunt 130  
 Et similes ira atque fames. Mollissima corda  
 Humano generi dare se natura fatetur,  
 Quæ lacrimas dedit: hæc nostri pars optima sensus.  
 Plorare ergo jubet casum lugentis amici  
 Squaloremque rei, pupillum ad jura vocantem  
 Circumscriptorem, cujus manantia fletu  
 Ora puellares faciunt incerta capilli.

<sup>a</sup> Qui modo

Naturæ imperio gemimus, quum funus adultæ  
 Virginis occurrit, vel terra clauditur infans,  
 Et minor igne rogi. Quis enim bonus et face dignus 140  
 Arcana, qualem Cereris vult esse sacerdos,  
 Ulla aliena sibi credat mala? Separat hoc nos  
 A grege mutorum, atque ideo venerabile soli  
 Sortiti ingenium divinorumque capaces  
 Atque exercendis capiendisque artibus apti  
 Sensum a cœlesti demissum traximus arce,  
 Cujus egent prona et terram spectantia. Mundi  
 Principio indulsit communis conditor illis  
 Tantum animas, nobis animum quoque, mutuus ut nos  
 Affectus petere auxilium et præstare juberet, 150  
 Dispersos trahere in populum, migrare vetusto  
 De nemore et proavis habitatas linquere silvas;  
 Ædificare domos, Laribus conjungere nostris  
 Tectum aliud, tutos vicino limine somnos  
 Ut collata daret fiducia; protegere armis  
 Lapsum, aut ingenti nutantem vulnere civem,  
 Communi dare signa tuba, defendier isdem  
 Turribus, atque una portarum clave teneri.  
 Sed jam serpentum major concordia: parcit  
 Cognatis maculis similis fera. Quando leoni 160  
 Fortior eripuit vitam leo? quo nemore unquam  
 Exspiravit aper majoris dentibus apri?  
 Indica tigris agit rabida cum tigride pacem  
 Perpetuam; sævis inter se convenit ursis.  
 Ast homini ferrum letale incude nefanda  
 Produxisse parum est; quum rastra et sarcula tantum  
 Assucti coquere, et marris ac vomere lassi  
 Nescierint primi gladios extundere fabri<sup>b</sup>.  
 Aspicimus populos, quorum non sufficit iræ  
 Occidisse aliquem; sed pectora, brachia, vultum 170  
 Crediderint genus esse cibi. Quid diceret ergo,  
 Vel quo non fugeret, si nunc hæc monstra videret

<sup>b</sup> Nescirint . . extendere

Pythagoras, cunctis animalibus abstinuit qui  
Tanquam homine et ventri indulgit non omne legumen?



## SATIRA XVI.

QUIS numerare queat felicitis præmia, Galle,  
Militiæ? Quod si subeuntur prospera castra,  
Me pavidum excipiat tironem porta secundo  
Sidere. Plus etenim fati valet hora benigni,  
Quam si nos Veneris commendet epistola Marti  
Et Samia genitrix quæ delectatur arena.

Commoda tractemus primum communia: quorum  
Haud minimum illud erit, ne te pulsare togatus  
Audeat; immo etsi pulsetur, dissimulet, nec  
Audeat excussos prætori ostendere dentes

10

Et nigram in facie tumidis livoribus offam  
Atque oculum, medico nil promittente, relictum.  
Bardaicus iudex datur hæc punire volenti,  
Calceus et grandes magna ad subsellia suræ,  
Legibus antiquis castrorum et more Camilli  
Servato, miles ne vallum litiget extra  
Et procul a signis. Justissima Centurionum  
Cognitio est igitur de milite; nec mihi deerit  
Ultio, si justæ defertur causa querelæ.

Tota cohors tamen est inimica, omnesque manipuli  
Consensu magno efficiunt, curabilis ut sit  
Vindicta et gravior, quam injuria. Dignum erit ergo  
Declamatoris mulino corde Vagelli,  
Quum duo crura habeas, offendere tot caligas, tot  
Millia clavorum. Quis tam procul absit ab urbe  
Præterea? quis tam Pylades, molem aggeris ultra  
Ut veniat? Lacrimæ siccentur protinus, et se  
Excusaturos non sollicitemus amicos,  
Da testem, iudex quum dixerit. Audeat ille,

20

Nescio quis, pugnoscui vidit, dicere, Vidi? 30  
 Et credam dignum barba, dignumque capillis  
 Majorum. Citius falsum producere testem  
 Contra paganum possis, quam vera loquentem  
 Contra fortunam armati contraque pudorem.

Præmia nunc alia atque alia emolumenta notemus  
 Sacramentorum. Convallem ruris aviti  
 Improbus aut campum mihi si vicinus ademit  
 Et sacrum effodit medio de limite saxum,  
 Quod mea cum patulo coluit puls annua libo;  
 Debitor aut sumtos pergit non reddere nummos, 40  
 Vana supervacui dicens chirographa ligni:  
 Exspectandus erit, qui lites inchoet, annus  
 Totius populi: sed tunc quoque mille ferenda  
 Tædia, mille moræ; toties subsellia tantum  
 Sternuntur; tum facundo<sup>c</sup> ponente lacernas  
 Cædicio, et Fusco jam micturiente, parati  
 Digredimur: lentaque fori pugnamus arena.  
 Ast illis, quos arma tegunt et balteus ambit,  
 Quod placitum est ipsis, præstatur tempus agendi,  
 Nec res atteritur longo sufflamine litis. 50

Solis præterea testandi militibus jus  
 Vivo patre datur: nam, quæ sunt parta labore  
 Militiæ, placuit non esse in corpore census,  
 Omne tenet cujus regimen pater. Ergo Coranum  
 Signorum comitem, castrorumque æra merentem,  
 Quamvis jam tremulus, captat pater. Hunc labor æquus  
 Provehit, et pulcro reddit sua dona labori.  
 Ipsius certe ducis hoc referre videtur,  
 Ut, qui fortis erit, sit felicissimus idem,  
 Ut læti phaleris omnes et torquibus omnes. 60

<sup>c</sup> jam facundo poscente

A. PERSII FLACCI

S A T I R Æ.





A. PERSII FLACCI  
S A T I R Æ.

PROLOGUS.

Nec fonte labra prolui caballino,  
Nec<sup>a</sup> in bicipiti somniasse Parnasso<sup>a</sup>  
Memini, ut repente sic poeta prodirem;  
Heliconidasque<sup>b</sup> pallidamque Pirenen  
Illis remitto, quorum imagines lambunt  
Hederæ sequaces: ipse semipaganus  
Ad sacra vatum carmen affero nostrum.  
Quis expedit psittaco suum χαίρε,  
Picasque docuit verba nostra conari?  
Magister artis ingenique largitor  
Venter, negatas artifex sequi voces.  
Quod si dolosi spes refulserit nummi,  
Corvos poetas et poetridas<sup>c</sup> picas  
Cantare credas Pegaseium nectar<sup>d</sup>.

10

SATIRA I.

*O curas hominum! o quantum est in rebus inane!*  
“Quis leget hæc?” Min’ tu istud ais? “Nemo hercule!”  
Nemo?  
“Vel duo, vel nemo; turpe et miserabile!” Quare?  
Ne mihi Polydamas<sup>e</sup> et Troiades Labeonem

<sup>a</sup> neque . . . Parnasso

<sup>d</sup> P. melos

<sup>b</sup> Heliconiadasq.

<sup>c</sup> poetrias  
<sup>e</sup> ne . . . Polyd.

Prætulerint? Nugæ. Non, si quid turbida Roma  
 Elevet, accedas, examenve improbum in illa  
 Castiges trutina; nec te quæsiveris extra!  
 Nam Romæ quis non . . . ? at, si<sup>f</sup> fas dicere . . . ! Sed fas  
 Tunc, quum ad canitiem et nostrum istud vivere triste  
 Aspexi, ac nucibus<sup>g</sup> facimus quæcunque relictis, 10  
 Quum sapimus patruos; tunc, tunc ignoscite. Nolo:  
 (Quid faciam?) sed sum petulanti splene cachinno.

Scribimus, inclusus numeros ille, hic<sup>h</sup> pede liber,  
 Grande aliquid, quod pulmo animæ prælargus anhelet.  
 Scilicet hæc populo, pexusque togaque recenti  
 Et natalitia tandem cum sardonyche albus,  
 Sede leget<sup>i</sup> celsa, liquido quum plasmate guttur  
 Mobile colluerit<sup>k</sup> patranti fractus oculo.  
 Hic neque<sup>l</sup> more probo videas nec voce serena  
 Ingentes trepidare Titos, quum carmina lumbum 20  
 Intrans, et tremulo scalpuntur ut intima<sup>m</sup> versu.  
 Tun,' vetule, auriculis alienis colligis escas?  
 Auriculis, quibus et dicas cute perditus, ohe!—  
 Quo didicisse, nisi hoc fermentum et quæ semel intus  
 Innata est, rupto jecore, exierit caprificus?  
 Hinc pallor<sup>n</sup>, seniumque!—O mores! usque adeone  
 Scire tuum nihil est, nisi te scire hoc sciat alter?  
 “At pulchrum est digito<sup>o</sup> monstrari et dicier, hic est!  
 Ten' cirratorum centum dictata fuisse  
 Pro nihilo pendas<sup>p</sup>?” Ecce inter pocula quærunt 30  
 Romulidæ saturi, quid dia poemata narrent.  
 Hic aliquis, cui circum humeros tyrianthina<sup>q</sup> læna est,  
 Rancidulum quiddam balba de nare loquutus,  
 Phyllidas, Hypsipylas, vatum et plorabile si quid,  
 Eliquat, ac tenero supplantat verba palato.  
 Assensere viri. Nunc non cinis ille poetæ  
 Felix? non levior cippus nunc imprimit ossa?

<sup>l</sup> Romæ est . . . ac si . . . ah si      <sup>g</sup> et nuc.      <sup>h</sup> inclusi, numeros ille, hic

<sup>i</sup> legens leges.      <sup>k</sup> collueris      <sup>l</sup> Tunc neque      <sup>m</sup> ubi intima

<sup>n</sup> En pallor      <sup>o</sup> pulcrum digito      <sup>p</sup> pendes      <sup>q</sup> hyacinthina

Laudant convivæ: nunc non e manibus illis,  
 Nunc non e tumulto fortunataque favilla  
 Nascentur violæ? "Rides," ait, "et nimis uncis 40  
 Naribus indulges. an erit qui velle recuset  
 Os populi meruisse, et cedro digna loquutus,  
 Linquere nec scombros metuentia carmina, nec thus?"—

Quisquis es, O, modo quem ex adverso dicere feci,  
 Non ego, quum scribo, si forte quid aptius exit,  
 Quamquam<sup>r</sup> hæc rara avis est, si quid tamen aptius exit,  
 Laudari metuam: neque enim mihi cornea fibra est:  
 Sed recti finemque extremumque esse recuso

*Euge* tuum et *belle*. Nam *belle* hoc excute totum,  
 Quid non intus habet? Non hic est Ilias Acci 50

Ebria veratro? non, si qua elegidia crudi  
 Dictarunt procures? non, quicquid denique lectis  
 Scribitur in citreis? Calidum scis ponere sumen,  
 Scis comitem horridulum trita donare lacerna,  
 Et, Verum, inquis, amo; verum mihi dicite de me.  
 Qui pote? Vis dicam? nugaris, quum tibi, calve,  
 Pinguis aqualiculus protenso<sup>s</sup> sesquipede extet.  
 O Jane, a tergo quem nulla ciconia pinsit,  
 Nec manus auriculas imitari<sup>t</sup> mobilis albas,  
 Nec linguæ, quantum sitiât canis Appula, tantum<sup>u</sup>! 60  
 Vos, o patricius sanguis, quos vivere fas est<sup>x</sup>  
 Occipiti cæco, posticæ occurrite sannæ!

Quis populi sermo est? quis enim, nisi carmina molli  
 Nunc demum numero fluere, ut per leve severos  
 Effundat junctura unguis? scit tendere versum  
 Non secus ac si oculo rubricam dirigat uno.  
 Sive opus in<sup>y</sup> mores, in luxum et prandia regum  
 Dicere, res grandes nostro dat Musa poetæ.

Ecce, modo heroos<sup>z</sup> sensus afferre docemus  
 Nugari solitos Græce, nec ponere lucum 70  
 Artifices, nec rus saturum laudare, ubi corbes

<sup>r</sup> Quando<sup>s</sup> propenso<sup>t</sup> imitata est<sup>u</sup> tantæ<sup>x</sup> jus est<sup>y</sup> in pr.<sup>z</sup> heroas

Et focus et porci et fumosa Palilia fœno ;  
 (Unde Remus, sulcoque terens dentalia, Quinti,  
 Quum<sup>a</sup> trepida ante boves dictatorem induit uxor,  
 Et tua aratra domum lictor tulit.) Euge, poeta!

Est nunc Brisei<sup>b</sup> quem venosus liber Acci,  
 Sunt quos Pacuviusque et verrucosa moretur  
 Antiopa, "*ærumnis cor luctificabile fulta.*"  
 Hos pueris monitus patres infundere lippos  
 Quum videas, quærisne, unde hæc sartago loquendi 80  
 Venerit in linguas ; unde istud dedecus, in quo  
 Trossulus exsultat tibi per subsellia levis ?  
 Nilne pudet capiti non posse pericula cano  
 Pellere, quin tepidum hoc optes audire, *decenter* ?

Fur es, ait Pedio. Pedius quid ? crimina rasis  
 Librat in antithetis, doctus<sup>c</sup> posuisse figuras.  
 Laudatur : bellum hoc ! hoc bellum ? an, Romule, ceves ?  
 Men' moveat ? quippe et, cantet si naufragus, assem  
 Protulerim. cantas, quum fracta te in trabe pictum  
 Ex humero portas<sup>d</sup> ? Verum, nec nocte paratum, 90  
 Plorabit qui me volet incurvasse querela.

"Sed numeris decor est et junctura addita crudis.  
 Claudere sic versum didicit Berecynthius Attis<sup>e</sup>,  
 Et qui cæruleum dirimebat Nerea delphin ;  
 Sic costam longo subduximus Apennino.

*Arma virum, nonne hoc spumosum et cortice pingui,  
 Ut ramale vetus, prægrandi subere coctum ?*  
 Quidnam igitur tenerum, et laxa cervice legendum ?  
*Torva Mimalloneis impleverunt cornua bombis,*  
*Et raptum vitulo caput ablatura superbo* 100  
*Bassaris, et lyncem Mænas flexura corymbis*  
*Euion ingeminat : reparabilis assonat Echo.*  
 Hæc fierent, si testiculi vena ulla paterni  
 Viveret in nobis ? summa delumbe saliva

<sup>a</sup> quem<sup>b</sup> Briseis<sup>c</sup> doctas<sup>d</sup> portes<sup>e</sup> Atys Attin

Hoc natat: in labris et in udo est Mænas et Attis;  
Nec pluteum cædit, nec demorsos sapit unguis.

“Sed quid opus teneras mordaci radere vero  
Aurículas? vide sis, ne majorum tibi forte  
Limina frigescant: sonat hic de nare canina  
Littera.”—Per me quidem sint omnia protinus alba; 110  
Nil moror. Euge! omnes, omnes bene miræ eritis res!  
Hoc juvat? Hic, inquis, veto quisquam faxit oletum.—  
Pinge duos angues: pueri, sacer est locus, extra  
Mejite! Discedo.—Secuit Lucilius urbem,  
Te, Lupe, te, Muci, et genuinum fregit in illis:  
Omne vafer vitium ridenti Flaccus amico  
Tangit, et admissus circum præcordia ludit,  
Callidus excusso populum suspendere naso:  
Men’ mutire<sup>f</sup> nefas? nec clam, nec cum scrobe, nusquam.  
Hic tamen infodiam. Vidi, vidi ipse, libelle, 120  
Aurículas asini: quis non habet<sup>g</sup>. Hoc ego opertum,  
Hoc ridere meum, tam nil, nulla tibi vendo  
Iliadc. Audaci quicunque afflate Cratino,  
Iratum Eupolidem prægrandi cum sene palles,  
Aspice et hæc, si forte aliquid decoctius audis.  
Inde vaporata lector mihi ferveat aure,  
Non hic, qui in crepidas Graiorum ludere gestit,  
Sordidus, et lusco qui possit<sup>h</sup> dicere, Lusce,  
Sese<sup>i</sup> aliquem credens, Italo quod honore supinus  
Fregerit heminas Arreti ædilis iniquas; 130  
Nec qui abaco numeros, et secto in pulvere metas  
Scit risisse vafer, multum gaudere paratus,  
Si cynico barbam petulans nonaria vellat.  
His mane edictum, post prandia Callirhoen do.

<sup>f</sup> me mut.<sup>g</sup> Mida rex habet<sup>h</sup> poscit<sup>i</sup> seque

## SATIRA II.

Hunc, Macrine, diem numera meliore lapillo,  
 Qui tibi labentes apponit<sup>k</sup> candidus annos;  
 Funde merum Genio. Non tu prece poscis emaci,  
 Quæ nisi seductis nequeas committere Divis.  
 At bona pars procerum tacita libavit<sup>l</sup> acerra:  
 Aut<sup>m</sup> cuivis promptum est murmurque humilesque susurros  
 Tollere de templis, et aperto vivere voto?  
 Mens bona, fama, fides, hæc clare et ut audiat hospes:  
 Illa sibi introrsum et sub lingua immurmurat<sup>n</sup>: "O si  
 Ebulliat patruus<sup>o</sup> præclarum funus! et, O si 10  
 Sub rastro crepet argenti mihi seria, dextro  
 Hercule! pupillumve utinam, quem proximus heres  
 Impello, expungam! namque et scabiosus, et acri  
 Bile tumet. Nerio jam tertia ducitur<sup>p</sup> uxor!"  
 Hæc sancte ut poscas, Tiberino in gurgite mergis  
 Mane caput bis terque, et noctem flumine purgas.  
 Heus age, responde; minimum est quod scire laboro:  
 De Jove quid sentis? estne ut præponere cures  
 Hunc cuiquam? "Cuiam<sup>q</sup>? vis Staio? an scilicet hæres,  
 Quis potior iudex, puerisve quis aptior orbis? 20  
 Hoc igitur, quo tu Jovis aurem impellere tentas,  
 Dic agedum Staio: proh Jupiter! o bone, clamet,  
 Jupiter! at sese<sup>r</sup> non clamet Jupiter ipse?  
 Ignovisse putas, quia, quum tonat, ocus illex  
 Sulfure discutitur sacro, quam tuque domusque.  
 An quia non fibris ovium Ergennaque jubente  
 Triste jaces lucis evitandumque bidental,  
 Idcirco stolidam præbet tibi vellere barbam  
 Jupiter? at quidnam<sup>s</sup> est, qua tu mercede Deorum  
 Emeris auriculas? pulmone et lactibus unctis! 30

<sup>k</sup> apponet<sup>l</sup> libabit<sup>m</sup> haud<sup>n</sup> murmurat<sup>o</sup> ebullit patru<sup>p</sup> conditur<sup>q</sup> enimam? cuin. . . heres<sup>r</sup> ad sese<sup>s</sup> aut quidn.

Ecce avia, aut metuens Divum matertera, cunis  
 Exemit puerum, frontemque atque uda labella  
 Infami digito et lustralibus ante salivis  
 Expiat, urentes oculos inhibere perita.  
 Tunc manibus quatit, et spem macram supplice voto  
 Nunc Licini in campos, nunc Crassi mittit in ædes.  
 Hunc optent generum rex et regina; puellæ  
 Hunc raptant; quicquid calcaverit hic, rosa fiat!  
 Ast ego nutrici non mando vota; negato,  
 Jupiter, hæc illi, quamvis te albata rogarit.

40

Poscis opem nervis corpusque fidele senectæ.  
 Esto age: sed grandes patinæ tucetaque crassa  
 Annuere his superos vetuere Jovemque morantur.

Rem struere exoptas cæso bove, Mercuriumque  
 Arcensis fibra: da fortunare Penates,  
 Da pecus et gregibus fetum! Quo, pessime, pacto,  
 Tot tibi quum in flammis<sup>t</sup> junicum omenta liquescant?  
 Et tamen hic extis et opimo vincere ferto  
 Intendit: "Jam crescit ager, jam crescit ovile,  
 Jam dabitur, jam, jam!" donec deceptus et exspes  
 Nequicquam fundo suspiret nummus in imo.

50

Si tibi crateras argenti incusaque pingui  
 Auro dona feram, sudes et pectore lævo  
 Excutiat<sup>u</sup> guttas lætari prætrepidum cor.  
 Hinc illud subiit, auro sacras quod ovato  
 Perducis facies: nam fratres inter ahenos  
 Somnia pituita qui purgatissima mittunt  
 Præcipui sunt, sitque illis aurea barba.

Aurum vasa Numæ Saturniaque impulit æra,  
 Vestalesque urnas et Tuscum fictile mutat.  
 O curvæ in terras animæ et cœlestium inanes!  
 Quid juvat hoc, templis nostros immittere mores,  
 Et bona Dis ex hac scelerata ducera pulpa?  
 Hæc sibi corrupto casiam dissolvit olivo,  
 Hæc Calabrum<sup>x</sup> coxit vitiato murice vellus,

60

<sup>t</sup> flammis<sup>u</sup> excutias<sup>x</sup> et Cal.

Hæc baccam conchæ rasisse, et stringere venas  
 Ferventis massæ crudo de pulvere jussit.  
 Peccat et hæc, peccat: vitio tamen utitur. At vos  
 Dicite, pontifices, in sacro<sup>r</sup> quid facit aurum?  
 Nempe hoc quod Veneri donatæ a virgine puppæ.  
 Quin damus id Superis, de magna quod dare lance  
 Non possit magni Messalæ lippa propago:  
 Compositum jus fasque animo, sanctosque recessus  
 Mentis, et incoctum generoso pectus honesto?  
 Hæc cedo, ut admoveam templis, et farre litabo.

70



## SATIRA III.

NEMPE hæc<sup>z</sup> assidue: jam clarum mane fenestras  
 Intrat et angustas extendit lumine rimas,  
 Stertimus, indomitum quod despumare Falernum  
 Sufficiat, quinta dum linea tangitur umbra.  
 "En quid agis? siccas insana Canicula messes  
 Jamdudum coquit, et patula pecus omne sub ulmo est."  
 Unus ait comitum. "Verumne? itane? ocius adsit  
 Huc aliquis! nemon'?" Turgescit vitrea bilis,  
 Finditur, Arcadiæ<sup>a</sup> pecuaria rudere dicas.

10

Jam liber et bicolor positis membrana capillis,  
 Inque manus chartæ nodosaque venit arundo.  
 Tunc queritur<sup>b</sup>, crassus calamo quod pendeat humor,  
 Nigra quod infusa vanescat sepia lympa;  
 Dilutas queritur geminet quod fistula guttas.

O miser! inque dies ultra miser, hucce rerum  
 Venimus? at cur non potius, teneroque columbo<sup>c</sup>  
 Et similis regum pueris, pappare minutum  
 Poscis, et iratus mammæ lallare recusas?

<sup>r</sup> in sancto<sup>b</sup> querimur<sup>a</sup> hoc<sup>a</sup> findor, ut Arc. credas<sup>c</sup> aut cur . . . palumbo



"An tali studeam calamo?" Cui verba? quid istas  
Saccinis ambages? tibi luditur; effluis<sup>d</sup> amens. 20

Contemnere: sonat vitium percussa, maligne  
Respondet viridi non cocta fidelia limo.

Udum et molle lutum es, nunc, nunc properandus et acri  
Fingendus sine fine rota. Sed rure paterno

Est tibi far modicum, purum et sine labe salinum;  
(Quid metuas?) cultrixque foci secura patella est<sup>e</sup>,

Hoc satis? an deceat pulmonem rumpere ventis,  
Stemmate quod Tusco ramum millesime ducis,  
Censoremque tuum<sup>f</sup> vel quod trabeate salutas?

Ad populum phaleras: ego te intus et in cute novi. 30  
Non pudet ad morem discincti vivere Nattæ?

Sed stupet hic vitio, et fibris increvit opimum  
Pingue, caret culpa, nescit, quid perdat, et alto  
Demersus summa rursus non bullit in unda.

Magne pater Divum, sævos punire tyrannos  
Haud alia ratione velis, quum dira libido  
Moverit ingenium ferventi tincta veneno:  
Virtutem videant intabescantque relictæ.

Anne magis Siculi gemuerunt æra juveni,  
Et magis<sup>g</sup> auratis pendens laquearibus ensis 40  
Purpureas subter cervices terruit, Imus,  
Imus præcipites, quam si sibi dicat, et intus  
Palleat infelix quod proxima nesciat uxor?

Sæpe oculos, memini, tangebam<sup>h</sup> parvus olivo,  
Grandia si nollem morituri verba Catonis<sup>i</sup>

Discere, non sano multum laudanda magistro,  
Quæ pater adductis sudans audiret amicis.

Jure etenim id summum, quid dexter senio ferret  
Scire, erat in voto; damnosa canicula quantum  
Raderet; angustæ collo non fallier oræ; 50  
Neu quis callidior buxum torquere flagello.

<sup>d</sup> et fluis

<sup>e</sup> patella om. est

<sup>f</sup> censoremve tuum censoremne tuum censorem fatuum

<sup>g</sup> aut mag.

<sup>h</sup> tangebam

<sup>i</sup> morituro—Catoni

Haud tibi inexpertum curvos deprendere mores,  
 Quæque docet sapiens braccatis illita Medis  
 Porticus, insomnis quibus et detonsa juvenus  
 Invigilat, siliquis et grandi pasta polenta;  
 Et tibi, quæ Samios diduxit<sup>k</sup> litera ramos,  
 Surgentem dextro monstravit limite callem:  
 Stertis adhuc, laxumque caput, compage soluta,  
 Oscitat hesternum, dissutis undique malis.  
 Est aliquid quo tendis, et in quod dirigis arcum?  
 An passim sequeris corvos testa<sup>q</sup>que lutoque  
 Securus quo pes ferat, atque ex tempore vivis?

60

Helleborum frustra, cum jam cutis ægra tumebit,  
 Poscentes videas: venienti occurrите morbo!  
 Et quid opus Cratero magnos promittere mont  
 Discite, O miseri<sup>l</sup>, et causas cognoscite rerum,  
 Quid sumus, aut quidnam<sup>m</sup> victuri gignimur; ordo  
 Quis datus, et metæ<sup>n</sup> qua mollis flexus et unde;  
 Quis modus argento, quid fas optare, quid asper  
 Utile nummus habet; patriæ carisque propinquis  
 Quantum elargiri deceat; quem te Deus esse  
 Jussit, et humana qua parte locatus es in re.  
 Disce, neque invideas<sup>o</sup>, quod multa fidelia putet  
 In locuplete penu, defensis pinguibus Umbris,  
 Et piper et pernæ, Marsi monumenta clientis;  
 Mænaque quod prima nondum defecerit orca.

70

Hic aliquis de gente hircosa Centurionum  
 Dicat: "Quod sapio, satis est mihi<sup>p</sup>; non ego curo  
 Esse quod Arcesilas ærumnosique Solones,  
 Obstipo capite et figentes lumine terram,  
 Murmura quum secum et rabiosa silentia rodunt,  
 Atque exporrecto trutinantur verba labello,  
 Ægroti veteris meditantés somnia, gigni  
 De nihilo nihil, in nihilum<sup>q</sup> uil posse reverti.  
 Hoc est, quod palles? cur quis non prandeat, hoc est?"

80

<sup>k</sup> deduxit

• nec inv.

<sup>l</sup> discite et o mis.<sup>p</sup> quod satis est, sapio mihi<sup>m</sup> et quidn.<sup>n</sup> et met. quam<sup>q</sup> nihilo nihilum

His populus ridet, multumque torosa juvenus  
Ingeminat tremulos naso crispante cachinnos.

Inspice; nescio quid trepidat mihi pectus, et ægris  
Faucibus exsuperat gravis halitus; inspicere, sodes!

Qui dicit medico, jussus requiescere, postquam 90

Tertia compositas vidit nox currere venas,  
De majore domo, modicum<sup>r</sup> sitiente lagena,  
Lenia loturo sibi Surrentina rogavit.

Heus, bone, tu palles! "Nihil est." Videas tamen istud,  
Quicquid id est: surgit tacite tibi lutea pellis.

"At tu deterius palles; ne sis mihi tutor;

Jam pridem hunc sepeli: tu restas." Perge, tacebo.

Turgidus hic epulis atque albo ventre lavatur,  
Gutturè sulfureas lentum<sup>s</sup> exhalante mephites.

Sed tremor inter vina subit, calidumque trientem 100

Excudit e manibus, dentes crepuere relecti,

Uncta cadunt laxis tunc pulmentaria labris.

Hinc tuba, candelæ, tandemque beatulus alto

Compositus lecto, crassisque lutatus amomis,

In portam rigidos calces extendit: at illum

Hesterni capite induto subiere Quirites.

Tange, miser, venas et pone in pectore dextram,

"Nil calet hic;" summosque pedes attinge manusque,

"Non frigent."—Visa est si forte pecunia, sive

Candida vicini subrisit molle puella, 110

Cor tibi rite salit? Positum est argente catino<sup>t</sup>

Durum olus, et populi cribro decussa farina,

Tentemus fauces: tenero latet ulcus in ore

Putre, quod haud deceat plebeia radere beta.

Alges, quum excussit membris timor albus aristas;

Nunc face supposita fervescit sanguis, et ira

Scintillant oculi, dicisque facisque, quod ipse

Non sani esse hominis non sanus juret Orestes.

<sup>r</sup> modice modicum

<sup>s</sup> lente

<sup>t</sup> camino

## SATIRA IV.

REM populi tractas? (barbatum hæc crede magistrum  
 Dicere, sorbitio tollit quem dira cicuta,) 10  
 Quo fretus, dic, o<sup>u</sup> magni pupille Pericli.  
 Scilicet ingenium et rerum prudentia velox  
 Ante pilos venit; dicenda tacendaque calles!  
 Ergo ubi commota fervet plebecula bile,  
 Fert animus calidæ fecisse silentia turbæ  
 Majestate manus: quid deinde loquere? Quirites,  
 Hoc, puto<sup>x</sup>, non justum est; illud male, rectius illud.  
 Scis etenim justum gemina suspendere lance  
 Ancipitis libræ; rectum discernis, ubi inter  
 Curva subit, vel quum fallit pede regula varo,  
 Et potis es nigrum vitio præfigere theta.  
 Quin tu igitur, summa nequicquam pelle decorus,  
 Ante diem blando caudam jactare popello  
 Desinis, Anticyras melior sorbere meracas?  
 Quæ tibi summa boni est? Uncta vixisse patella  
 Semper, et assiduo curata cuticula sole.  
 Exspecta, haud aliud respondeat hæc anus. I nunc:  
 "Dinomaches ego sum," suffla; "sum candidus." Esto, 20  
 Dum ne deterius sapiat pannucea Baucis,  
 Quum bene discincto cantaverit ocima vernæ.  
 Ut nemo in sese tentat descendere, nemo,  
 Sed præcedentis<sup>y</sup> spectatur mantica tergo!  
 Quæsieris, Nostin' Vectidi prædia? "Cujus?"  
 Dives arat Curibus quantum non milvus oberret.  
 "Hunc ais, hunc Dis iratis, Genioque sinistro!  
 Qui, quandoque jugum pertusa ad compita figit,  
 Serioke veterem metuens deradere limum  
 Ingemit, Hoc bene sit! tunicatum cum sale mordens 30  
 Cæpe et, farrata pueris plaudentibus olla,

<sup>u</sup> dic hoc<sup>x</sup> puta<sup>y</sup> præcedenti

Pannosam faciem morientis sorbet aceti?"

At si unctus cesses et figas<sup>a</sup> in cute solem,  
Est, prope se ignotum<sup>a</sup> cubito qui tangat, et acre  
Despuat in mores, penemque arcanaque lumbi  
Runcantem populo marcentes pandere vulvas:  
"Tu quum maxillis balanatum gausape pectas,  
Inguinibus quare detonsus gurgulio extat?  
Quinque palestritæ licet hæc plantaria vellant,  
Elixasque nates labefactent forceipe adunca, 40  
Non tamen ista filix ullo mansuescit aratro."

Cædimus, inque vicem præbemus crura sagittis.  
Vivitur hoc pacto; sic novimus! Ilia subter  
Cæcum vulnus habes: sed lato baltens auro  
Prætegit. Ut mavis, da verba et decipe nervos,  
Si potes. "Egregium quum me vicinia dicat,  
Non credam?" Viso si palles improbe nummo,  
Si facis in penem quicquid tibi venit amarum,  
Si Puteal multa cautus vibice flagellas:  
Nequiequam populo bibulas donaveris aures. 50  
Respue, quod non es; tollat sua munera cerdo;  
Tecum habita, noris<sup>b</sup>, quam sit tibi curta supellex.



## SATIRA V.

VATIBUS hic mos est, centum sibi poscere voces,  
Centum ora et linguas optare in carmina centum,  
Fabula seu mæsto ponatur hianda tragædo,  
Vulnera seu Parthi ducentis ab inguine ferrum.—

"Quorsum hæc? aut quantas robusti carminis offas  
Ingeris, ut par cit centeno gutture niti?  
Grande loquuturi nebulas Helicone legunto,  
Si quibus aut Prognès, aut si quibus olla Thyestæ

<sup>a</sup> frigas

<sup>a</sup> prope te ignotus

<sup>b</sup> et nor.

Fervebit, sæpe insulso cœnanda Glyconi.  
 Tu neque anhelanti, coquitur dum massa camino, 1C  
 Folle premis ventos, nec clauso murmure raucus  
 Nescio quid tecum grave cornicaris inepte,  
 Nec stloppo tumidas intendis rumpere buccas:  
 Verba togæ sequeris junctura callidus acri,  
 Ore teres<sup>a</sup> modico, pallentes radere mores  
 Doctus et ingenuo culpam defigere ludo.  
 Hinc trahe quæ dicas, mensasque relinque Mycenis<sup>b</sup>  
 Cum patite et pedibus, plebeiaque prandia noris."—

Non equidem hoc studeo, pullatis<sup>c</sup> ut mihi nugis 20  
 Pagina turgescat dare pondus idonea fumo.  
 Secreti loquimur, tibi nunc, hortante Camena,  
 Excutienda damus præcordia, quantaque nostræ  
 Pars tua sit, Cornute, animæ, tibi, dulcis amice,  
 Ostendisse juvat. Pulsa, dignoscere cautus  
 Quid solidum crepet, et pietæ tectoria linguæ.  
 His ego centenas ausim deprecere fauces<sup>d</sup>,  
 Ut, quantum mihi te sinuoso in pectore fixi,  
 Voce traham pura, totumque hoc verba resignent,  
 Quod latet arcana non enarrabile fibra.

Quum primum pavidò custos mihi purpura cessit, 30  
 Bullaque succinctis laribus donata pepeudit;  
 Quum blandi comites totaque impune Suburra  
 Pernisit sparsisse oculos jam candidibus umbo;  
 Quumque iter ambiguum est, et vitæ nescius error  
 Diducit<sup>e</sup> trepidas ramosa in compita mentes,  
 Me tibi supposui: teneros tu suscipis annos  
 Socratico, Cornute, sinu; tunc fallere sollers  
 Apposita intortos extendit regula mores,  
 Et premitur ratione animus vincique laborat, 40  
 Artificemque tuo ducit sub pollice vultum.  
 Tecum etenim longos memini consumere soles,  
 Et tecum primas epulis decerpere noctes.  
 Unum opus et requiem pariter disponimus ambo,

<sup>a</sup> teris<sup>b</sup> Mycenæ<sup>c</sup> bullatis<sup>d</sup> voces<sup>e</sup> deducit

Atque verecunda laxamus seria mensa.  
 Non equidem hoc dubites, amborum fœdere certo  
 Consentire dies et ab uno sidere duci:  
 Nostra vel æquali suspendit tempora libra  
 Parca tenax veri, seu nata fidelibus hora  
 Dividit in geminos concordia fata duorum,  
 Saturnumve<sup>f</sup> gravem nostro Jove frangimus una: 50  
 Nescio quod, certe est, quod me tibi temperat, astrum.

Mille hominum species et rerum discolor usus;  
 Velle suum cuique est, nec voto vivitur uno.  
 Mercibus hic Italis mutat sub sole recenti  
 Rugosum piper et pallentis grana cumini;  
 Hic satur irriguo mavult turgescere somno;  
 Hic Campo indulget; hunc alea decoquit; ille  
 In Venerem putret<sup>g</sup>: sed quum lapidosa chiragra  
 Fregerit articulos veteris ramalia fagi,  
 Tunc crassos transisse dies lucemque palustrem, 60  
 Et sibi jam miseri<sup>h</sup> vitam ingemuere relictam.

At te nocturnis juvat impallescere chartis:  
 Cultor enim juvenum<sup>i</sup> purgatas inseris aures  
 Fruge Cleanthea. petite hinc juvenesque senesque  
 Finem animo certum serisque<sup>k</sup> viatica canis!  
 "Cras hoc fiet." Idem cras fiet. "Quid? quasi magnum  
 Nempe, diem donas!" Sed quum lux altera venit,  
 Jam cras hesternum heu<sup>l</sup>! consumsimus: ecce aliud cras  
 Egerit hos annos, et semper paulum erit ultra.  
 Nam quamvis prope te, quamvis temone sub uno 70  
 Vertentem sese frustra sectabere canthum,  
 Quum rota posterior curras et in axe secundo.

Libertate opus est: non hac, qua, quisque<sup>m</sup> Velina  
 Publius emeruit, scabiosum tesserula far  
 Possidet. Heu steriles veri, quibus una Quiritem  
 Vertigo facit! hic Dama est non tressis agaso,

<sup>f</sup> Saturnumque<sup>g</sup> Ven. est putris<sup>h</sup> jam seri<sup>i</sup> enim est juv.<sup>k</sup> miserisque<sup>l</sup> heu om.<sup>m</sup> hac ut quisq. hac quam ut quisq.

Vappa et lippus, et in tenui farragine mendax.  
 Verterit hunc dominus, momento turbinis exit  
 Marcus Dama. Papæ! Marco spondente recusas  
 Credere tu nummos? Marco sub iudice palles? 80  
 Marcus dixit, ita est: assigna, Marce, tabellas.  
 "Hæc mera libertas! hoc nobis pilea donant!  
 An quisquam est alius liber, nisi ducere vitam  
 Cui licet, ut voluit? licet ut volo vivere: non sum<sup>n</sup>  
 Liberior Bruto?" Mendose colligis, inquit  
 Stoicus hic aurem mordaci lotus aceto;  
 Hoc, reliqua accipio, *licet ut volo vivere*, tolle<sup>o</sup>.  
 "Vindicta postquam meus a prætore recessi,  
 Cur mihi non liceat jussit quodcunque voluntas,  
 Excepto si quid Masuri rubrica vetavit?" 90  
 Disce, sed ira cadat naso rugosaque sanna,  
 Dum veteres avias tibi de pulmone revello.  
 Non prætoris erat stultis dare tenuia rerum  
 Officia, atque usum rapidæ permittere vitæ.  
 Sambucam citius caloni aptaveris alto.  
 Stat contra ratio et secretam gannit<sup>p</sup> in aurem,  
 Ne liceat facere id, quod quis vitiabit agendo.  
 Publica lex hominum naturaque continet hoc fas,  
 Ut teneat vetitos inscitia debilis actus.  
 Diluis helleborum certo compescere puncto 100  
 Nescius examen: vetat hoc natura medendi.  
 Navem si poscat sibi peronatus arator  
 Luciferi rudis, exclamet Melicerta perisse  
 Frontem de rebus: tibi recto vivere talo  
 Ars dedit? et veri speciem dignoscere calles,  
 Ne qua subærato mendosum tinniat auro?  
 Quæque sequenda forent, quæque evitanda vicissim,  
 Illa prius creta, mox hæc carbone notasti?  
 Es modicus voti, presso lare, dulcis amicis?  
 Jam nunc astringas, jam nunc granaria laxes: 110  
 Inque luto fixum possis transcendere nummum,

<sup>n</sup> sim    <sup>o</sup> reliquum    licet illud *et ut volo* . . . tolle    <sup>p</sup> garrit



Nec glutto sorbere salivam Mercurialem?

“Hæc mea sunt, teneo,” quum vere dixeris, esto  
 Liberque ac sapiens prætoribus et Jove<sup>a</sup> dextro:  
 Sin tu, quum fueris nostræ paulo ante farinae,  
 Pelliculam veterem retines, et fronte politus  
 Astutam vapido servas sub pectore<sup>r</sup> vulpem:  
 Quæ dederam supra, repeto, funemque reduco:  
 Ni<sup>s</sup> tibi concessit ratio, digitum exsere, peccas:  
 Et quid tam parvum<sup>t</sup>? Sed nullo thure litabis, 120  
 Hæreat in stultis brevis ut semuncia recti.  
 Hæc miscere nefas; nec, quum sis cetera fossor,  
 Tres tantum ad numeros satyrum<sup>a</sup> moveare Bathylli.  
 “Liber ego.” Unde datum hoc sumis, tot subdite rebus?  
 An dominum ignoras, nisi quem vindicta relaxat?  
 I puer, et strigiles Crispini ad balnea defer,  
 Si increpuit, cessas nugator? servitium acre  
 Te nihil impellit, nec quicquam extrinsecus intrat,  
 Quod nervos agitet: sed si intus et in jecore ægro  
 Nascuntur<sup>x</sup> domini, qui tu impunitior exis 130  
 Atque hic, quem ad strigiles scutica et metus egit herilis?  
 Mane piger stertis. Surge, inquit Avaritia; heia  
 Surge. Negas, instat, Surge, inquit. “Non queo.” Surge.  
 “Et quid agam?” Rogitas? saperdas advehe Ponto,  
 Castoreum, stuppas, hebenum, thus, lubrica Coa;  
 Tolle recens primus piper e<sup>y</sup> sitiente camelo.  
 Verte aliquid; jura. “Sed Jupiter audiet.” Eheu!  
 Varo<sup>z</sup>, regustatum digito terebrare salinum  
 Contentus perages, si vivere cum Jove tendis.  
 Jam puer<sup>a</sup> it pellem succinctus et cœnophorum aptus. 140  
 Ociosus ad navem! Nihil obstat, quin trabe vasta  
 Ægæum rapias, nisi sollers luxuria ante  
 Seductum moneat: Quo deinde, insane, ruis? quo?  
 Quid tibi vis? calido sub pectore mascula bilis  
 Intumuit, quam non extinxerit urna cicutæ.

<sup>a</sup> ac Jove      <sup>r</sup> in pect.

<sup>x</sup> nascantur quin      <sup>y</sup> et

<sup>s</sup> Nil

<sup>t</sup> Baro,

<sup>t</sup> parvum est

<sup>a</sup> pueris . . . aptas

<sup>a</sup> satyri

Tun' mare transilias? tibi, torta cannabe fulto,  
 Cœna sit<sup>b</sup> in transtro, Veientanumque rubellum  
 Exhalet vapida læsum pice sessilis<sup>c</sup> obba?  
 Quid petis? ut nummi, quos hic quincunce modesto  
 Nutrieras, peragant<sup>d</sup> avidos sudare deunces? 150  
 Indulge Genio, carpamus dulcia, nostrum est,  
 Quod vivis: cinis et Manes et fabula fies;  
 [Vive memor leti, fugit hora, hoc quod loquor inde est.]

En quid agis? duplici in diversum scinderis hamo,  
 Huncceine, an hunc sequeris? Subeas alternus oportet  
 Ancipiti obsequio dominos, alternus oberres:  
 Nec tu, quum obstiteris semel, instantique negaris  
 Parere imperio, Rupi jam vincula, dicas.  
 Nam et luctata canis nodum abripit: attamen illi,  
 Quum fugit, a collo trahitur pars longa catenæ. 160

Dave, cito, hoc credas jubeo, finire dolores  
 Præteritos meditor (crudum Chærestratus unguem  
 Abrodens ait hæc). An siccis dedecus obstem  
 Cognatis? An rem patriam rumore sinistro  
 Limen ad obscenum frangam, dum Chrysidis udas  
 Ebrius ante fores extincta cum face canto?—  
 Euge, puer, sapias, Dīs depellentibus agnam  
 Percute.—Sed, censen', plorabit, Dave, relicta?—  
 Nugaris: solea, puer, objurgabere rubra.  
 Ne trepidare velis atque artos rodere casses. 170  
 Nunc ferus et violens: at si vocet, haud mora, dicas,  
 Quidnam igitur faciam? ne nunc, quum arcessat<sup>e</sup> et ultro  
 Supplicet<sup>f</sup>, accedam? Si totus et integer illinc  
 Exieras, ne nunc<sup>g</sup>. Hic, hic quem quærimus, hic est,  
 Non in festuca, lictor quam jactat ineptus.  
 Jus habet ille sui palpo, quem ducit hiantem<sup>h</sup>  
 Cretata ambitio? Vigila et ciceringere large  
 Rixanti populo, nostra ut Floralia possint  
 Aprici meminisse senes. Quid pulcrius? At quum

<sup>b</sup> fit<sup>c</sup> fissilis<sup>d</sup> pergant<sup>e</sup> accersor<sup>f</sup> Supplicat<sup>g</sup> nec nunc<sup>h</sup> tollit hiant.

Herodis venere dies, unctaque fenestra 180  
 Dispositæ pinguem nebulam vomuere lucernæ  
 Portantes violas, rubrumque amplexa catinum  
 Cauda natat thunni, tumet alba fidelia vino:  
 Labra moves tacitus, recutitaque sabbata palles.  
 Tunc nigri lemures ovoque pericula rupto,  
 Tunc<sup>i</sup> grandes Galli et cum sistro lusca sacerdos  
 Incussere Deos inflantes corpora, si non  
 Prædictum ter mane caput gustaveris alli.  
 Dixeris hæc inter varicosos Centuriones,  
 Continuo crassum ridet Vulfenius<sup>k</sup> ingens, 190  
 Et centum Græcos curto centusse licetur.



## SATIRA VI.

ADMOVIT jam bruma foco te, Basse, Sabino?  
 Jamne lyra et tetrico vivunt tibi pectine chordæ?  
 Mire opifex, numeris veterum, primordia rerum  
 Atque marem strepitum fidis intendisse Latinæ,  
 Mox juvenes agitare jocis<sup>l</sup> et pollice honesto  
 Egregius<sup>m</sup> lusisse senes. Mihi nunc Ligus ora  
 Intepet, hibernatque meum mare, qua latus ingens  
 Dant scopuli, et multa litus se valle receptat.  
*Lunai portum<sup>n</sup> est operæ cognoscere, cives!*  
 Cor jubet hoc Ennî, postquam destertuit esse 10  
 Mæonides Quintus, pavone ex Pythagoreo.  
 Hic ego securus vulgi et quid præparet Auster  
 Infelix pecori, securus et angulus ille  
 Vicini nostro quia pinguior; etsi adeo omnes

<sup>i</sup> hinc gr.<sup>k</sup> Pulfen<sup>l</sup> jocos<sup>m</sup> egregios<sup>n</sup> L. pretium

Ditescant orti pejoribus, usque recusem  
 Curvus ob id minui senio, aut cœnare sine uncto,  
 Et signum in vapida naso tetigisse lagena.  
 Discrepet hinc<sup>o</sup> alius. Geminos, horoscope, varo  
 Producis Genio: solis natalibus est qui  
 Tingat olus siccum muria vafer in calice empta, 20  
 Ipse sacrum irrorans patinæ piper; hic bona dente  
 Grandia magnanimus peragit puer. Utar ego, utar,  
 Nec rhombos ideo libertis ponere lautus,  
 Nec tenuem sollers turdarum nosse salivam.  
 Messe tenuis propria vive, et granaria, fas est,  
 Emole: quid metuas? occa, et seges altera in herba est.  
 Ast vocat officium; trabe rupta, Bruttia saxa  
 Prendit amicus inops, remque omnem surdaque vota  
 Condidit Ionio: jacet ipse in litore et una  
 Ingentes de puppe Dei, jamque obvia mergis 30  
 Costa ratis laceræ. Nunc et de cespite vivo  
 Frange aliquid, largire inopi, ne pictus oberret  
 Cærulea in tabula.—Sed cœnam funeris heres  
 Negliget iratus, quod rem curtaveris; urnæ  
 Ossa inodora dabit, seu spirent cinnama surdum,  
 Seu ceraso peccent casia, nescire paratus.  
 Tune bona incolumis minuas? Et Bestius<sup>p</sup> urget  
 Doctores Graios: "Ita fit, postquam sapere urbi  
 Cum pipere et palmis venit uostrum hoc maris experts,  
 Fœnisecæ crasso vitiarunt unguine pultes."— 40  
 Hæc cinere ulterior metuas! At tu, meus heres,  
 Quisquis eris, paulum a turba seductior audi.  
 O bone, num ignoras? missa est a Cæsare laurus  
 Insignem ob cladem Germanæ pubis, et aris  
 Frigidus excutitur cinis, ac jam postibus arma,  
 Jam chlamydes regum, jam lutea gausapa captis  
 Fessadaque, ingentesque locat Cæsonia Rhenos.  
 Dis igitur, Genioque ducis centum paria ob res  
 Egregie gestas induco; quis vetat? aude;

Væ, nisi connives! Oleum artocreasque popello 50  
 Largior; an prohibes? dic clare! "Non adeo<sup>q</sup>," inquis:  
 "Exossatus ager juxta est." Age, si mihi nulla  
 Jam reliqua ex amitis, patruelis nulla, proneptis  
 Nulla manet patrui, sterilis matertera vixit,  
 Deque avia nihilum superest, accedo Bovillas  
 Clivumque ad Virbi, præsto est mihi Manius heres,—  
 "Progenies terræ?"—Quære ex me, quis mihi quartus  
 Sit pater: haud prompte, dicam tamen; adde etiam unum,  
 Unum etiam, Terræ est jam filius: et mihi ritu  
 Manius hic generis prope major avunculus exit<sup>r</sup>. 60  
 Qui prior es, cur me in decursum<sup>s</sup> lampada poscis?  
 Sum tibi Mercurius; venio Deus huc ego, ut ille  
 Pingitur: an renuis? vin' tu gaudere relictis?  
 Deest aliquid summæ; minui mihi: sed tibi totum est,  
 Quicquid id est. Ubi sit, fuge quærere, quod mihi quon-  
 dam

Legarat Tadius, neu dicta reponet<sup>t</sup> paterna:  
 "Fænoris accedat merces; hinc exime sumtus!"—  
 "Quid reliquum est?"—Reliquum? nunc, nunc impen-  
 sius unge,  
 Unge, puer, caules. Mihi festa luce coquatur  
 Urtica et fissa fumosum sinciput aure, 70  
 Ut tuus iste nepos olim satur anseris extis,  
 Quum morosa vago singultiet inguine vena,  
 Patriciæ immeiat vulvæ? mihi trama figuræ  
 Sit reliqua: ast illi tremat omento popa venter?

Vende animam lucro: mercare atque excute solers  
 Omne latus mundi, ne sit præstantior alter  
 Cappadocas rigida pingues plausisse catasta.  
 Rem duplica. Feci: jam triplex, jam mihi quarto,  
 Jam decies redit in rugam. Depunge, ubi sistam.  
 Inventus, Chrysippe, tui finitor acervi. 80

<sup>q</sup> audeo<sup>r</sup> exstat<sup>s</sup> in decursu<sup>t</sup> oppone



# INDEX NOMINUM PROPRIORUM.

## JUVENAL.

- Accrus, vi. 70.  
 Acersecomes, viii. 128.  
 Acestes, vii. 235.  
 Achæi, iii. 61.  
 Achilles, i. 163; vii. 210; x. 256;  
     xi. 30; xiv. 213.  
 Acilius, iv. 94.  
 Acœnonetus, vii. 218.  
 Actiacus, ii. 109.  
 Actor, ii. 100.  
 Adriacus, iv. 39.  
 Æacides, viii. 270.  
 Æacus, i. 10.  
 Ægeus, xiii. 81, 246.  
 Ægyptius, i. 130.  
 Ægyptus, vi. 527; xv. 2, 45, 116.  
 Ælia, vi. 72.  
 Æmilius, vi. 32; vii. 124.  
 Æneas, i. 162; v. 139; xv. 67.  
 Æolius, i. 8; x. 181.  
 Æthiops, ii. 23; vi. 600; viii. 33;  
     x. 150.  
 Afer, v. 91; vii. 120; xi. 142.  
 Afri, v. 152; viii. 120.  
 Africa, vii. 149; x. 148.  
 Agamemnon, xiv. 286.  
 Aganippe, vii. 6.  
 Agathyrsi, xv. 125.  
 Agave, vii. 87.  
 Agrippa, vi. 158.  
 Agrippina, vi. 620.  
 Ajax, vii. 115; x. 84; xiv. 212; xv.  
     65.  
 Alabandi, iii. 70.  
 Alba, iv. 61.  
 Albanus, iv. 100, 145; v. 33; xiii.  
     214.  
 Albina, iii. 130.  
 Alceestis, vi. 653.  
 Alcinous, xv. 15.  
 Alcithoe, vii. 12.  
 Alexander, xiv. 311.  
 Allidius, v. 118.  
 Allobrogicus, viii. 13.  
 Allobrox, vii. 214.  
 Alpes, x. 152, 166; xiii. 162.  
 Ambrosius, vi. 77.  
 Amydon, iii. 69.  
 Anchises, vii. 234.  
 Ancon, iv. 40.  
 Andromache, vi. 503.  
 Andros, iii. 70.  
 Antæus, iii. 89.  
 Anticyra, xiii. 97.  
 Antigone, viii. 229.  
 Antiochus, x. 253.  
 Antiochus, iii. 98.  
 Antiphates, xiv. 20.  
 Antonius, viii. 105; x. 123.  
 Anubis, vi. 534.  
 Aonides, vii. 59.  
 Apicius, iv. 23; xi. 3.  
 Apollo, i. 128; vii. 37; xiii. 203.  
 Appulia, iv. 27.  
 Appula, vi. 64.  
 Appulus, ix. 55.  
 Aquilo, ix. 68.  
 Aquinus, iii. 318.  
 Arabarches, i. 130.  
 Arcadius, vii. 160.  
 Archigenes, vi. 236; xiii. 98; xiv.  
     252.  
 Arachne, ii. 56.  
 Archemorus, vii. 235.  
 Aricinus, iv. 117.  
 Aristoteles, ii. 6.

- Armenia, viii. 169.  
 Armenius, ii. 164; vi. 407, 550.  
 Armillatus, iv. 53.  
 Arpinus, viii. 237, 245.  
 Artaxata, ii. 170.  
 Artorius, iii. 29.  
 Arviragus, iv. 127.  
 Asia, v. 56; x. 266.  
 Asianus, iii. 217; vii. 13.  
 Assaracus, x. 259.  
 Assyrius, ii. 108.  
 Astræa, vi. 19.  
 Asturicus, iii. 211.  
 Asylus, vi. 267.  
 Atellanæ, vi. 71.  
 Athenæ, iii. 80; vii. 205; ix. 101;  
     x. 127; xv. 110.  
 Athos, x. 174.  
 Atas, viii. 32; xi. 24; xiii. 48.  
 Atrens, vii. 73.  
 Atrides, iv. 65; vi. 660.  
 Atticus, xi. 1.  
 Aufidius, ix. 25.  
 Augustus, iii. 9; x. 77.  
 Aurelia, v. 98.  
 Aurora, x. 2.  
 Aurunca, i. 20.  
 Auruncus, ii. 100.  
 Auster, iv. 59; v. 100; vi. 517; xii.  
     69; xiv. 268.  
 Automedon, i. 61.  
 Autonoe, vi. 72.  
 Aventinus, iii. 85.  
  
 Bacchanalia, ii. 3.  
 Bææ, iii. 4; xi. 49.  
 Baianus, xii. 80.  
 Baptæ, ii. 92.  
 Bareas, iii. 116; vii. 90.  
 Basilus, vii. 145, 146, 147; x. 222.  
 Batavus, viii. 51.  
 Bathyllus, vi. 63.  
 Bebriacus, ii. 106.  
 Belides, vi. 655.  
 Bellerophon, x. 325.  
 Bellona, iv. 124.  
 Beneventanus, v. 46.  
 Berenice, vi. 156.  
  
 Bibula, vi. 142.  
 Bithynus, vii. 14; x. 161.  
 Bocchar, v. 90.  
 Boeticus, xii. 42.  
 Bootes, v. 23.  
 Braccati (Galli), viii. 234.  
 Brigantes, xiv. 196.  
 Britanni, ii. 161; iv. 126; xv. 111.  
 Britannicus, vi. 124; x. 14.  
 Britones, xv. 124.  
 Bromius, vi. 378.  
 Brutidius, x. 83.  
 Brutus, iv. 103; v. 37; viii. 182;  
     xiv. 43.  
  
 Cacus, v. 125.  
 Cædicius, xiii. 197; xvi. 46.  
 Cæsar, iv. 51, 135; v. 4; vi. 338;  
     vii. 1; viii. 171; x. 86, 330; xii.  
     106; xiv. 330.  
 Cæsennia, vi. 133.  
 Cæsonia, vi. 616.  
 Cajeta, xiv. 87.  
 Calenus, i. 69.  
 Calliope, iv. 34.  
 Calpe, xiv. 279.  
 Calvina, iii. 133.  
 Calvinus, xiii. 5.  
 Camenæ, iii. 16; vii. 2.  
 Camerinus, vii. 89; viii. 38.  
 Camillus, ii. 154; xvi. 15.  
 Campana, x. 283.  
 Cannæ, ii. 155; vii. 163; x. 165;  
     xi. 200.  
 Canopus, i. 26; vi. 84; xv. 46.  
 Cantaber, xv. 108.  
 Canusinus, vi. 150.  
 Capena, iii. 11.  
 Capito, viii. 93.  
 Capitulinus, ii. 145; vi. 387.  
 Cappadoces, vii. 14.  
 Capræ, x. 72, 93.  
 Carfinia, ii. 69.  
 Carpophorus, vi. 198.  
 Carinatis, vii. 205.  
 Carpathius, xiv. 278.  
 Carthago, vi. 170; x. 277.  
 Cassandra, x. 262.



- Cassius, v. 37.  
 Castor, xiii. 152; xiv. 260.  
 Catena, iii. 133.  
 Catilina, ii. 27; viii. 231; x. 288;  
     xiv. 41.  
 Catinensis, viii. 16.  
 Cato, ii. 40; xi. 90.  
 Catti, iv. 147.  
 Catulla, ii. 49; x. 322.  
 Catullus, iv. 113; viii. 186; xii. 29,  
     37, 93; xiii. 111.  
 Catulus, ii. 146; iii. 30.  
 Cecropides, viii. 46, 53.  
 Cecrops, vi. 187.  
 Cecropius, ii. 92.  
 Celæno, viii. 130.  
 Celsus, vi. 245; viii. 194.  
 Ceres, iii. 319; vi. 50; ix. 24; xiv.  
     219, 263; xv. 141.  
 Cethegus, ii. 27; viii. 231; x. 287.  
 Cetronius, xiv. 86, 92.  
 Chærippus, viii. 96.  
 Chaldæi, vi. 553; x. 94.  
 Charybdis, v. 102; xv. 17.  
 Chiron, iii. 205.  
 Chione, iii. 136.  
 Chrysoppos, ii. 5; xiii. 184.  
 Chrysogonus, vi. 74; vii. 176.  
 Cicero, vii. 139, 214; viii. 244; x.  
     114.  
 Cilix, iv. 121; viii. 94.  
 Cimbri, viii. 249, 251; xv. 124.  
 Circe, xv. 21.  
 Circeii, iv. 140.  
 Cirrha, vii. 64.  
 Cirrhæus, xiii. 79.  
 Claudius, v. 147; vi. 115; xiv. 330.  
 Cleantes, ii. 7.  
 Cleopatra, ii. 109.  
 Clio, vii. 7.  
 Clitumnus, xii. 13.  
 Clodius, ii. 27; vi. 345.  
 Clotho, ix. 135.  
 Cluvia, ii. 49.  
 Cluvienus, i. 80.  
 Clytæmnestra, vi. 656.  
 Cocles, viii. 264.  
 Codrus, i. 2; iii. 203, 208.  
 Colchis, vi. 643.  
 Collinus, vi. 291.  
 Cornelia, vi. 167.  
 Commagenus, vi. 550.  
 Concordia, i. 116.  
 Coptus, xv. 28.  
 Coranus, xvi. 54.  
 Corinthus, viii. 113, 197.  
 Corvinus, i. 108; viii. 6, 7; xii. 1,  
     93.  
 Corsica, v. 92.  
 Corus, x. 180; xiv. 268.  
 Corybas, v. 25.  
 Corycius, xiv. 267.  
 Corecyreus, xv. 25.  
 Corydon, ix. 102.  
 Corythas, viii. 62.  
 Cosmus, viii. 86.  
 Cossus, iii. 184; vii. 144; viii. 21;  
     x. 202.  
 Cotta, v. 109; vii. 95.  
 Cotytto, ii. 92.  
 Cous, viii. 101.  
 Crassus, x. 108.  
 Cremera, ii. 155.  
 Crepereius, ix. 6.  
 Cressa, x. 327.  
 Creta, xiv. 270.  
 Creticus, ii. 67; viii. 38.  
 Crispinus, i. 27; iv. 1, 14, 24, 108.  
 Crispus, iv. 81.  
 Cræsus, x. 274; xiv. 223.  
 Cumæ, iii. 2, 320; ix. 57.  
 Curii, ii. 3, 153; viii. 4; xi. 78.  
 Curtius, xi. 34.  
 Cyane, viii. 162.  
 Cybele, ii. 111; xiv. 263.  
 Cyclas, vi. 563.  
 Cyclopes, xv. 18.  
 Cynicus, xiii. 121, 122; xiv. 309.  
 Cynthia, vi. 7.  
 Dacæ, iv. 111.  
 Dacicus, vi. 205.  
 Dædalus, iii. 25.  
 Damasippus, viii. 185.  
 December, ix. 68.  
 Decii, viii. 254, 258; xiv. 239.  
 Delphi, vi. 655.  
 Demetrius, iii. 93.

- Demosthenes, x. 114.  
 Deucalion, i. 81.  
 Diana, iii. 319; x. 292; xv. 8.  
 Diomedes, i. 53.  
 Diphilus, iii. 120.  
 Dolabella, viii. 105.  
 Domitius, viii. 228.  
 Doricus, iv. 40.  
 Doris, iii. 94.  
 Drusus, iii. 238; viii. 21, 40.  
  
 Felion, vi. 76.  
 Egeria, iii. 17.  
 Electra, viii. 218.  
 Elissa, vi. 435.  
 Elpenor, xv. 22.  
 Enceladus, vii. 215.  
 Eudymion, x. 318.  
 Ennosigæus, x. 182.  
 Epicurus, xiii. 122; xiv. 319.  
 Epona, viii. 157.  
 Erimarcus, i. 120.  
 Eriphyle, vi. 655.  
 Erinys, vii. 68.  
 Esquiliæ, iii. 71; v. 78; xi. 51.  
 Etruscus, v. 164.  
 Euganeus, viii. 15.  
 Eumenides, xiv. 235.  
 Euphranor, iii. 216.  
 Euphrates, i. 104; viii. 51.  
 Europe, viii. 34.  
 Eurus, x. 180; xi. 119; xii. 63;  
     xiv. 186.  
 Euryalus, vi. 81.  
 Evander, xi. 61.  
  
 Fabius, ii. 146; vi. 266; viii. 14,  
     191; xi. 90.  
 Fabricius, iii. 54; iv. 129; ix. 142;  
     xi. 91.  
 Fabrateria, iii. 224.  
 Fabulla, ii. 68.  
 Fæsidius, xiii. 32.  
 Falernus, iv. 138; vi. 150, 303, 430;  
     ix. 116; xiii. 216.  
 Faustus, vii. 12.  
 Fidenæ, vi. 57; x. 100.  
 Flaccus, vii. 227.  
  
 Flaminius, i. 61, 171.  
 Flavius, iv. 37.  
 Flora, ii. 49.  
 Fœsidius, xiii. 32.  
 Fortuna, iii. 40; vi. 605; vii. 197;  
     ix. 148; x. 52, 285, 366; xiii. 86;  
     xiv. 90, 316; xv. 95.  
 Frusino, iii. 224.  
 Furia, xiii. 51.  
 Fuscus, xiv. 1.  
 Puscus, iv. 112; xii. 45; xvi. 46.  
  
 Gabii, iii. 192; vi. 56; vii. 4; x.  
     100.  
 Gades, x. 1.  
 Gaditanus, xi. 162.  
 Gætulicus, viii. 26.  
 Gætulus, v. 53, 59; x. 158; xi. 140;  
     xiv. 278.  
 Galba, ii. 104; v. 4; viii. 5, 222.  
 Galla, i. 126.  
 Gallia, vii. 16, 148; xv. 111.  
 Gallicus, viii. 116; xiii. 157.  
 Gallinaris, iii. 307.  
 Gallita, xii. 69, 113.  
 Gallus, viii. 176; ix. 30; xi. 113;  
     xvi. 1.  
 Ganges, x. 2.  
 Ganymedes, v. 59; ix. 22.  
 Gauranus, viii. 86.  
 Gaurus, ix. 57.  
 Germanicus, vi. 205.  
 Germanus, xiii. 164.  
 Geticus, v. 50.  
 Gillo, i. 40.  
 Glaphyrus, vi. 77.  
 Gorgen, xii. 4.  
 Gorgoneus, iii. 118.  
 Gracchus, ii. 116, 143; vi. 163; viii.  
     201, 210.  
 Gradivus, ii. 128; xiii. 113.  
 Græcia, x. 174; xiv. 240.  
 Græcus, iii. 61, 114, 205; vi. 16;  
     xiv. 89.  
 Graius, viii. 226; x. 138; xv. 110.  
 Gyarus, x. 170.  
  
 Hæmus, iii. 99; vi. 198.

Hamillus, x. 224.  
 Hannibal, vi. 169, 291; vii. 161; x. 147; xii. 108.  
 Hector, x. 259.  
 Heliades, v. 38.  
 Helvidius, v. 36.  
 Helvinus, iii. 319.  
 Heracleus, i. 53.  
 Herculeus, viii. 14; xiii. 82; xiv. 289.  
 Hercules, ii. 20; iii. 89; v. 125; x. 361; xiii. 43, 151; xiv. 90.  
 Hermes, viii. 53.  
 Hemicus, xiv. 150.  
 Hesperides, xiv. 114.  
 Hedymeles, vi. 383.  
 Hippia, vi. 82, 104, 114; x. 220.  
 Hippanus, viii. 63.  
 Hirrus, x. 222.  
 Hispania, x. 151.  
 Hispo, ii. 50.  
 Hispulla, vi. 74; xii. 11.  
 Hister, xii. 111.  
 Homericus, xii. 113.  
 Homerus, vi. 436; vii. 38; x. 246; xv. 69.  
 Horatius, vii. 62.  
 Hyacinthus, vi. 110.  
 Hylas, i. 161.  
 Hymettus, xiii. 185.  
 Hyperboreus, vi. 470.  
 Iarbas, v. 45.  
 Iason, vi. 153.  
 Iberinus, vi. 53.  
 Idæus, iii. 138; xiii. 41.  
 Idumæus, viii. 160.  
 Iliacus, xii. 43.  
 Ilias, xi. 180.  
 Ilyncus, viii. 117.  
 Indi, vi. 237.  
 Indicus, xv. 163.  
 Indus, vi. 555; xi. 125.  
 Io, vi. 526.  
 Ionius, vi. 93.  
 Iphigenia, xii. 119.  
 Isæus, iii. 74.  
 Isiacus, vi. 489.

Isis, vi. 529; ix. 22; xii. 28; xiii. 93.  
 Ister, viii. 170.  
 Itaha, x. 154; xii. 78.  
 Ithacus, x. 277; xiv. 287; xv. 26.  
 Iulus, viii. 42; xii. 70.

Janus, vi. 386, 394.  
 Judæa, vi. 543.  
 Judæi, iii. 14; vi. 547.  
 Judæus, xiv. 102.  
 Julia, ii. 32.  
 Julius, ii. 37, 70; vi. 38.  
 Junius, xv. 27.  
 Juno, ii. 98; vi. 48, 619; vii. 32 xiii. 40.  
 Jupiter, vi. 15, 59; viii. 156; x. 38, 188, 268; xi. 116; xii. 6; xiii. 41, 114; xiv. 81, 206, 171.  
 Javerna, ii. 160.

Lacedæmonius, xi. 175.  
 Lachesis, iii. 27; ix. 136.  
 Lædas, xiii. 97.  
 Lærus, xiv. 195.  
 Lætrygonæ, xv. 18.  
 Lagus, vi. 83.  
 Lania, iv. 151; vi. 385.  
 Lappa, vii. 72.  
 Laomedontiades, vi. 326.  
 Lar, viii. 14; xiv. 20.  
 Lares, viii. 110; ix. 137; xii. 89, 113.  
 Larga, xiv. 25.  
 Laronia, ii. 36, 65.  
 Laterani, x. 18.  
 Lateranus, viii. 147, 151.  
 Latinus, i. 35, 171; v. 55; vi. 44 287, 637; viii. 256.  
 Latium, xii. 103.  
 Latrus, ii. 127; xi. 115.  
 Latro, vi. 176; x. 292.  
 Laurentium, i. 107.  
 Lavinus, xii. 71.  
 Leda, vi. 63.  
 Lentulus, vi. 80; vii. 95; viii. 187; x. 287.  
 Lepidus, vi. 265; viii. 9.

Leucas, viii. 241.  
 Libitina, xii. 122.  
 Liburnus, iii. 240; iv. 75; vi. 477.  
 Libya, xi. 25.  
 Libye, v. 119.  
 Licinii, i. 109.  
 Licinus, xiv. 306.  
 Ligusticus, iii. 257.  
 Liparæus, xiii. 45.  
 Locusta, i. 71.  
 Longinus, x. 16.  
 Lucanus, vii. 79; viii. 180.  
 Lucifer, viii. 12; xiii. 158.  
 Lucilius, i. 165.  
 Lucretia, x. 293.  
 Lucrinus, iv. 141.  
 Lugdunensis, i. 44.  
 Luna, iii. 286; vi. 311, 443.  
 Luperæus, ii. 142.  
 Lycisca, vi. 123.  
 Lycius, xi. 148.  
 Lyde, ii. 141.

Machara, vii. 9.  
 Mæcenæ, i. 66; vii. 94; xii. 39.  
 Mænades, vi. 317.  
 Mæotis, xv. 115.  
 Mævia, i. 22.  
 Mamercus, viii. 192.  
 Manilia, vi. 243.  
 Marcellus, ii. 145.  
 Marius, i. 49; viii. 120.  
 Maro, vi. 456; vii. 227; xi. 180.  
 Mars, i. 8; ii. 31; vi. 59; ix. 101;  
 x. 83, 314; xiii. 79; xiv. 261;  
 xvi. 5.  
 Maus, iii. 169.  
 Mausus, xiv. 180.  
 Maugra, ix. 2.  
 Mausa, i. 34.  
 Mauri, vi. 307, 308; x. 224.  
 Maurus, iii. 79; v. 63; vi. 337; x.  
 148; xi. 125; xii. 4; xiv. 196.  
 M. ii. vii. 132.  
 Medullina, vi. 322.  
 Medus, x. 177.  
 Megalesia, vi. 69.  
 Megalesiacus, xi. 193.

Meleager, v. 115.  
 Memnon, xv. 5.  
 Memphitis, xv. 122.  
 Menalippe, viii. 229.  
 Menœceus, xiv. 240.  
 Mentor, viii. 104.  
 Meroe, vi. 528; xiii. 163.  
 Messalina, x. 333.  
 Metellus, vi. 265; xv. 109.  
 Micipsa, v. 89.  
 Migale, v. 141.  
 Miletos, vi. 296.  
 Milo, ii. 26.  
 Minerva, iii. 139, 219; x. 116; xiii  
 82.  
 Minturnæ, x. 276.  
 Matho, i. 32; vii. 129; xi. 34.  
 Mithridates, xiv. 252.  
 Modia, iii. 130.  
 Mæoticus, iv. 42.  
 Mœsi, ix. 143.  
 Molossus, xii. 108; xiv. 162.  
 Monychus, i. 11.  
 Montanus, iv. 107, 131.  
 Moses, xiv. 102.  
 Mucius, i. 154; viii. 264.  
 Musæ, vii. 37.  
 Mycenæ, xii. 127.  
 Myro, viii. 102.

Nabathæus, xi. 126.  
 Nævolus, ix. 1, 91.  
 Narcissus, xiv. 329.  
 Natta, viii. 95.  
 Neptunus, xiii. 81, 152.  
 Nero, iv. 38, 137; vi. 615; viii. 72,  
 170, 193, 212; x. 15, 308; xii. 129.  
 Nestor, vi. 326; xii. 128.  
 Nilacus, i. 26.  
 Nilus, vi. 83; x. 149; xiii. 27; xv.  
 123.  
 Niobe, vi. 177.  
 Niphates, vi. 409.  
 Novus, xii. 111.  
 Numa, iii. 12, 138; vi. 343; viii.  
 156.  
 Numantini, viii. 11.  
 Numidæ, iv. 100; vii. 182.

Numitor, vii. 74 ; viii. 93.

Nuttia, x. 74.

Nysa, vii. 64.

Oceanus, ii. 2 ; x. 149 ; xi. 94, 113.

Octavius, viii. 242.

Ogulnia, vi. 352.

Olynthus, xii. 47.

Ombos, xv. 35.

Oppia, x. 322.

Orestes, i. 6 ; viii. 220.

Orontes, iii. 62.

Osiris, vi. 541 ; viii. 29.

Ostia, viii. 171 ; xi. 49.

Otho, ii. 99 ; iii. 159 ; vi. 559 ; xiv. 324.

Paccius, vii. 12 ; xii. 99.

Pactolus, xiv. 299.

Pacuvius, xii. 112, 125, 128.

Pæan, vi. 171, 173.

Palæmon, vi. 452 ; vii. 215, 219.

Palatinus, vi. 117.

Palfurius, iv. 53.

Pallas, i. 109.

Pansa, viii. 95.

Parcæ, xii. 64.

Paris, vi. 87 ; vii. 87 ; x. 264.

Parrhasius, viii. 102.

Parthenius, xii. 44.

Parthus, vi. 407.

Paullus, ii. 146 ; vii. 143 ; viii. 21.

Pax, i. 115.

Pedo, vii. 129.

Pegasus, iv. 77.

Pelamydæ, vii. 120.

Peleus, x. 256 ; xiv. 214.

Pellæus, x. 168.

Pelopea, vii. 91.

Penelope, ii. 56.

Peribomius, ii. 16.

Persicus, iii. 221 ; xi. 57 ; xiv. 328.

Petosiris, vi. 581.

Phæaces, v. 151.

Phæax, xv. 23.

Phalaris, viii. 81.

Pharius, xiii. 85.

Pharos, vi. 83 ; xii. 76.

Phiale, x. 238.

Phidæus, viii. 103.

Philippicus, x. 125.

Philippus, xii. 125.

Philomela, vi. 91.

Phœbus, vii. 233.

Pholus, xii. 45.

Phryges, vii. 236 ; xii. 73.

Phrygius, ii. 115 ; vi. 516 ; xiv. 307.

Phryx, vi. 585 ; xi. 147.

Piceus, iv. 65.

Picenus, xi. 74.

Picus, viii. 131.

Pierides, iv. 36.

Pierius, vii. 8, 60.

Pisæus, xiii. 99.

Piso, v. 169.

Pittacus, ii. 6.

Plautus, viii. 40.

Pluto, xiii. 50.

Pœnus, x. 155.

Podio, vi. 357 ; vii. 176 ; ix. 7 ; xi. 43.

Pollita, ii. 68.

Polycletus, iii. 217 ; viii. 103.

Polyphemus, ix. 64 ; xiv. 20.

Polyxena, x. 262.

Pompeius, x. 108, 253.

Pontinus, iii. 307.

Pontia, vi. 638.

Ponticus, vi. 661 ; viii. 1, 75, 179 ; xiv. 114.

Pontus, iv. 43 ; x. 273.

Poppæanus, vi. 462.

Posides, xiv. 91.

Postumus, vi. 21, 28, 277.

Præneste, iii. 190.

Prænестinus, xiv. 83.

Præmus, x. 258.

Priapus, ii. 95 ; vi. 316.

Prochyta, iii. 5.

Procuë, vi. 645.

Procula, ii. 68.

Proculæus, i. 40 ; vii. 94.

Prometheus, iv. 133 ; viii. 133 ; xv. 85.

Protophones, iii. 120.

Pudicitia, vi. 308.

- Punicus, xiv. 161.  
 Pygmæus, xiii. 168.  
 Pylades, xvi. 26.  
 Pylius, x. 246.  
 Pyrenæus, x. 151.  
 Pyrrha, i. 84; xv. 29.  
 Pyrrhus, xiv. 162.  
 Pythagoras, xv. 173.  
 Pythagoreus, lii. 229.  
 Pythius, xni. 199.  
  
 Quintilianus, vi. 75, 280; vii. 186, 189.  
 Quintilla, vii. 75.  
 Quiris, viii. 47.  
 Quirinus, ii. 133; iii. 67; viii. 259; xi. 105.  
 Quirites, iii. 60, 163; x. 45, 109.  
  
 Ravola, ix. 4.  
 Remus, x. 73.  
 Rhadamanthus, xiii. 197.  
 Rhenus, viii. 170.  
 Rhodii, viii. 113.  
 Rhodope, ix. 4.  
 Rhodes, vi. 296.  
 Roma, ii. 39; iii. 41, 83, 137, 165, 183, 314, 318; iv. 38; v. 90; vii. 4, 139; viii. 237, 243, 244; x. 122, 279; xi. 46, 197.  
 Romanus, iii. 119; v. 58; vi. 295; x. 138; xiv. 100, 160.  
 Romuleus, xi. 104.  
 Rubellius, viii. 39.  
 Rubrenus, vii. 72.  
 Rubrius, iv. 105.  
 Rufus, vii. 213, 214.  
 Rutila, x. 294, 295.  
 Rutillus, xi. 2, 5, 21; xiv. 18.  
 Rutulus, i. 162; vi. 637; vii. 68; xii. 105.  
 Rutupinus, iv. 141.  
  
 Sabellus, iii. 169.  
 Sabinus, iii. 85; vi. 164; x. 299.  
 Saguntinus, v. 19.  
 Saguntus, xv. 114.  
 Salamis, x. 179.  
 Saleius, vii. 80.  
 Sallii, vi. 604.  
 Samia, xvi. 6.  
 Samos, iii. 70.  
 Samothracæ, iii. 144.  
 Santonicus, viii. 145.  
 Sardanapalus, x. 362.  
 Sarmata, iii. 79.  
 Sarmentus, v. 3.  
 Sarranus, x. 38.  
 Saturnus, vi. 1, 570.  
 Saufeia, vi. 320; ix. 117. ?  
 Sauromatæ, ii. 1; xv. 125.  
 Scantinius, ii. 44.  
 Scaurus, ii. 35; vi. 604; xi. 91.  
 Scipiadæ, ii. 154.  
 Scylla, xv. 19.  
 Scythicus, xi. 139.  
 Secundus, vii. 204.  
 Seius, iv. 13.  
 Sejanus, x. 66, 76, 89, 90, 104.  
 Seleucus, x. 211.  
 Semiramis, ii. 108.  
 Seneca, v. 109; viii. 212; x. 16.  
 Senones, viii. 231.  
 September, vi. 517; xiv. 130.  
 Seres, vi. 403.  
 Sergiolus, vi. 105.  
 Sergius, vi. 112.  
 Seriphus, vi. 564; x. 170.  
 Serranus, vii. 80.  
 Sertorius, vi. 42.  
 Servilia, x. 719.  
 Setinus, v. 34; x. 27.  
 Sextus, ii. 21.  
 Sibylla, iii. 3; viii. 126.  
 Sicambri, iv. 147.  
 Siculus, v. 100; vi. 486; vii. 326; ix. 150; xiii. 50.  
 Silanus, viii. 27.  
 Silvanus, vi. 447.  
 Simpuvius, vi. 313.  
 Siparius, viii. 186.  
 Siren, xiv. 19.  
 Socrates, ii. 10; xiv. 320.  
 Solon, x. 274.  
 Solymæ, vi. 544.

Sophocleus, vi. 636.  
 Sora, iii. 223.  
 Sostratus, x. 178.  
 Spartanus, viii. 101, 218.  
 Statius, vii. 83.  
 Sthenobœa, x. 327.  
 Stoicus, iii. 116; xiii. 121; xv. 109.  
 Stratocles, iii. 99.  
 Stygius, ii. 150.  
 Subura, iii. 5; v. 103; x. 156; xi. 51, 141.  
 Sulla, i. 16; ii. 28.  
 Sulmonensis, vi. 187.  
 Sybaris, vi. 296.  
 Syene, xi. 124.  
 Syphax, vi. 169.  
 Syria, viii. 169.  
 Syrius, xi. 73.  
 Syrus, iii. 62; vi. 351.

Tabraca, x. 194.  
 Tagus, iii. 55; xiv. 299.  
 Tanaquil, vi. 566.  
 Tarentum, vi. 297.  
 Tarpeius, vi. 47; xii. 6; xiii. 78.  
 Tatinus, xiv. 160.  
 Tauricus, xv. 116.  
 Tauromenitanus, v. 93.  
 Tedia, ii. 49.  
 Telamon, xiv. 214.  
 Telesinus, vii. 25.  
 Tentyra, xv. 35, 76.  
 Tereus, vii. 12.  
 Terpsichore, vii. 35.  
 Teucri, viii. 56.  
 Teutonicus, x. 282.  
 Thais, iii. 93.  
 Thales, xiii. 184.  
 Thebæ, vii. 12; xiii. 27; xiv. 240.  
 Thebais, vii. 83.  
 Thebe, xv. 6.  
 Themison, x. 221.  
 Theodorus, vii. 177.  
 Thersites, viii. 269, 271; xi. 31.  
 Theseis, i. 2.  
 Thessalia, viii. 242.  
 Thessalus, vi. 610.  
 Thraces, vi. 403; xiii. 167.

Thrasca, v. 36.  
 Thrasyllus, vi. 576.  
 Thrasymachus, vii. 204.  
 Thrax, iii. 79.  
 Thule, xv. 112.  
 Thyestes, viii. 228.  
 Thymele, i. 35; vi. 66; viii. 197.  
 Tiber, iii. 62; vi. 523; vii. 121; xiv. 202.  
 Tiberinus, v. 104; viii. 265.  
 Tibur, iii. 192; xiv. 87.  
 Tiburtinus, xi. 65.  
 Tigellinus, i. 155.  
 Tiresias, xiii. 249.  
 Tirynthius, xi. 61.  
 Tisiphone, vi. 29.  
 Titan, xiv. 35.  
 Titanis, viii. 132.  
 Titius, iv. 13.  
 Tongillus, vii. 130.  
 Tralles, iii. 70.  
 Trebius, v. 19, 135.  
 Trifolinus, ix. 56.  
 Troicus, viii. 221.  
 Troja, x. 258.  
 Trojanus, iv. 61.  
 Trojgenæ, i. 100; viii. 181; xi. 95.  
 Trypherus, xi. 137.  
 Tuccia, vi. 64.  
 Tullia, vi. 307.  
 Tullius, v. 57; vii. 199.  
 Turnus, xii. 105; xv. 65.  
 Tuscus, i. 22; vi. 186, 289; viii. 180; x. 74; xi. 109; xiii. 62.  
 Tydides, xv. 66.  
 Tyndaris, vi. 657.  
 Tyrius, i. 27; vi. 246; vii. 134; x. 334; xii. 107.  
 Tyrrhenus, v. 96; vi. 92; xii. 76.

Ulixes, ix. 65; xi. 31; xv. 14.  
 Ulubrae, x. 102.  
 Umbrius, iii. 21.  
 Ursidius, vi. 38, 42.  
 Vagellius, xiii. 119; xvi. 23.  
 Varillus, ii. 22.

- Vascones, xv. 93.  
 Vaticanus, vi. 344.  
 Veiento, iii. 185; iv. 113, 123; vi. 113.  
 Venafranus, v. 86.  
 Ventidius, vii. 199; xi. 22.  
 Venus, ii. 31; iv. 40; vi. 138, 300, 570; vii. 25; x. 209, 290, 362; xi. 167; xiii. 34; xvi. 5.  
 Venusinus, i. 51; vi. 167.  
 Verginius, viii. 221.  
 Verres, ii. 26; iii. 53; viii. 106.  
 Vesta, iv. 61; vi. 386.  
 Vettius, vii. 150.  
 Victoria, i. 115.  
 Vindex, viii. 222.  
 Virgilius, vi. 435; vii. 69.  
 Virginia, x. 294.  
 Virro, v. 39, 43, 99, 134, 149, 156; ix. 35.  
 Virtus, i. 115.  
 Volesi, viii. 182.  
 Volsci, viii. 245.  
 Volsinii, iii. 191.  
 Volusius, xv. 1.  
 Vulcanus, i. 9; viii. 270; x. 132; xiii. 45.  
 Zalates, ii. 164.  
 Zeno, xv. 107.



## PERSIUS.

---

Accius, i. 50, 76.  
 Ægæus, v. 142.  
 Antiopa, i. 78.  
 Anticyra, iv. 16.  
 Apenninus, i. 95.  
 Appulus, i. 60.  
 Arcadia, ii. 9.  
 Arcesilas, iii. 79.  
 Arretius, i. 120.  
 Attia, i. 93, 105.  
 Auster, vi. 12.

Bassaris, i. 101.  
 Bassus, vi. 1.  
 Bathyllus, v. 123.  
 Baucis, iv. 21.  
 Bestius, vi. 37.  
 Bovillæ, vi. 55.  
 Briseus, i. 76.  
 Bruttius, vi. 27.  
 Brutus, v. 85.

Cæsar, vi. 43.  
 Cæsonia, vi. 47.  
 Cal'aber, ii. 65.  
 Callirhoe, i. 134.  
 Camena, v. 21.  
 Campus (Martius), v. 57.  
 Cappadoces, vi. 77.  
 Cato, iii. 45.  
 Chærestratus, v. 162.  
 Chrysippus, vi. 80.  
 Chrysis, v. 165.  
 Cleanteus, v. 64.  
 Cornutus, v. 23, 37.  
 Cons, v. 135.  
 Crassus, ii. 36.  
 Craterus, iii. 65.  
 Cratinus, i. 123.

Crispinus, v. 126.  
 Cures, iv. 26.

Dama, v. 76, 79.  
 Davus, v. 168.  
 Ennius, vi. 10.  
 Ergenna, ii. 26.

Falernus, iii. 3.  
 Flaccus, i. 116.  
 Floralia, v. 178.

Galli, v. 186.  
 Germanus, vi. 44.  
 Græce, i. 70.  
 Græcus, v. 191.  
 Grati, i. 127; vi. 38.  
 Glycon, v. 9.

Helicon, v. 7.  
 Heliconiadæ, Prol. 4.  
 Herodes, v. 180.  
 Hypsipyle, i. 34.

Ilias, i. 50, 123.  
 Ionius, vi. 29.  
 Italus, i. 129; v. 54.

Janus, i. 58.  
 Jupiter, ii. 18, 21, 22, 23, 29, 40, 43;  
 v. 50, 114, 137, 139.

Latinus, vi. 4.  
 Licinius, ii. 36.  
 Ligus, vi. 6.

Lucifer, v. 103.

Lucilius, i. 114.

Lupus, i. 115.

Macrinus, ii. 1.

Mæonides, vi. 11.

Manius, vi. 56, 60.

Marcus, v. 79, 80, 81.

Marsus, iii. 75.

Masurus, v. 90.

Medi, iii. 53.

Melicerta, v. 103.

Mercurius, ii. 44; vi. 62.

Messala, ii. 72.

Mucius, i. 115.

Musa, i. 68.

Mycenæ, v. 17.

Natta, iii. 31.

Nereus, i. 94.

Nerius, ii. 14.

Numa, ii. 59.

Orestes, iii. 118.

Pacuvius, i. 77.

Palilia, i. 72.

Parnassus, Proh. 2.

Parthus, v. 4.

Pedius, i. 85.

Pegaseus, Proh. 15.

Penates, ii. 45.

Periculus, iv. 3.

Phyllis, i. 34.

Pirene, Proh. 4.

Polydamas, i. 4.

Pontus, v. 134.

Progne, v. 8.

Publius, v. 74.

Puteal, iv. 49.

Pythagoreus, vi. 11.

Quintius, i. 73.

Quintus, vi. 11.

Quiris, v. 75.

Quirites, iii. 106; iv. 8.

Remus, i. 73.

Rheni, vi. 47.

Roma, i. 5, 8.

Romulus, i. 87.

Sabinus, vi. 1.

Samius, iii. 56.

Saturnius, ii. 59.

Saturnus, v. 50.

Siculus, iii. 39.

Socraticus, v. 37.

Solon, iii. 79.

Staius, ii. 19, 22.

Storcus, v. 86.

Subura, v. 32.

Surrentinus, iii. 93.

Tadius, vi. 66.

Thyestes, v. 8.

Tiberinus, ii. 15.

Titus, i. 20.

Tromades, i. 4.

Tuscius, ii. 60; iii. 28.

Umbri, iii. 74.

Varo, v. 138.

Vectidius, iv. 25.

Verentanus, v. 147.

Velina, v. 73.

Venus, ii. 70; v. 58.

Vireus, vi. 56.

Vulfemus, v. 190.



MR. JOHN HENRY PARKER'S  
LIST OF BOOKS,  
FOR SCHOOL AND COLLEGE USE.

OXFORD:  
AND 377, STRAND, LONDON.

---

JELF'S GREEK GRAMMAR.

A GRAMMAR of the GREEK LANGUAGE, chiefly from the Text of Raphael Kühner. By WM. EDW. JELF, M.A., Student of Ch. Ch., Oxford. 2 vols. 8vo. *Second Edition*, 11. 10s.

\* \* *This Grammar is now in general use at Oxford, Cambridge, Dublin, and Durham; at Eton, King's College, London, and most other public schools.*

MADVIG'S LATIN GRAMMAR.

A LATIN GRAMMAR for the Use of SCHOOLS. By PROFESSOR MADVIG, with additions by the Author. Translated by the Rev. G. F. WOODS, M.A. 8vo. uniform with JELF'S "Greek Grammar." *Second Edition, with a copious Index.* 8vo. 14s.

*Competent authorities pronounce this work to be the very best Latin Grammar yet published in England; the present edition contains an index to the authors quoted.*

BURTON'S GREEK TESTAMENT.

The GREEK TESTAMENT, with English Notes. By the Rev. EDWARD BURTON, D.D. *Fourth and cheaper Edition, revised.* 8vo. 10s. 6d.

ARTIS LOGICÆ RUDIMENTA.

12mo. 2s. 6d.

ARTIS LOGICÆ RUDIMENTA.

Notes by HILL. New Edition. 12mo. 6s.

:042

Juvenal

Juvenalis et Persii Satyrar; Junta editioner Heinrich.

Lf.  
J974He

# University of Toronto Library

**DO NOT  
REMOVE  
THE  
CARD  
FROM  
THIS  
POCKET**

Acme Library Card Pocket  
LOWE-MARTIN CO. LIMITED

